

Liahona

**Giunsa Sa
Paghubad ang mga
Kasulatan? p. 20**

**Pakig-ila-ila sa Atong
Bag-ong Apostol, Elder
Ronald A. Rasband, p. 12**

**Mga Managtiayon nga
Senior: Gitawag sa
Pagserbisyo, p. 26**

**Kon ang mga Bana
Nanlimbasug sa
Pornograpiya, ang mga
Asawa Nagkinahanglan
usab sa Pagpaayo, p. 34**

**Pagkat-on sa Pagpatukar
og Himno sulod sa
10 Minutos, p. 54**





*"Kay tan-awa, sa ingon miingon ang Ginoo, Ako mopahisama kaninyo, O balay ni Israel, sama ngadto sa usa ka maayo nga kahoy nga oliba, diin ang usa ka tawo midala ngadto sa iyang ubasan; . . .
". . . Ug bulahan kamo; kay tungod kamo nagkugi sa pag-ugmad uban kanako sa akong ubasan, ug naghupot sa akong mga sugo, ug nagdala ngari kanako pag-usab sa kinaiyanhon nga bunga, nga ang akong ubasan dili na dautan, ug ang mga dautan gisalikway, tan-awa kamo maka-angkon og hingpit nga kalipay uban kanako tungod sa bunga sa akong ubasan.*

Jacob 5:3, 75

Ang mga Oliba, gi-ugmad og maayo sa tanang Mediterranean nga mga nasud, adunay usa ka taas nga mga kasaysayan sa kasulatan, gikan sa pati nga nagdala og mga dahon sa oliba ngadto ni Noe, hangtud sa pagtulon-an sa Manluluwas nagtudlo didto sa Bukid sa Oliba, hangtud sa sambingay ni Jacob sa mga kahoy sa oliba.



MGA MENSAHE

- 4 **Mensahe sa Unang Kapangu-lohan: Panagna ug Personal nga Pagpadayag**
Ni President Henry B. Eyring
- 7 **Mensahe sa Visiting Teaching: Mga Anak nga Babaye sa Atong Amahan sa Kahangturan**

LABING IMPORTANTING MGA ARTIKULO

- 12 **Elder Ronald A. Rasband: Ginasahan nga Lider, Mahalaron nga Amahan**
Ni Elder M. Russell Ballard
Usa ka mahigugmaong bana ug amahan, si Elder Rasband naka-ugmad og mga kahanas sa pag-kalider pinaagi sa pagtudlo gikan sa bantugan nga mga patigayon ug sa mga lider sa priesthood sa daghang katuigan.
- 18 **Siya mao ang Bishop?**
Ni Patrick J. Cronin III

ANAA SA HAPIN
Hapin sa atubangan ug sulod nga hapin: Sa luyo: Gilitratohan ni Les Nilsson. Sulod sa atubangan nga hapin: Gilitratohan sa © iStock/Thinkstock

- 20 **Hubad sa Kasulatan: Ngadto sa Pinulongan sa Atong Kasingkasing**
Ni R. Val Johnson
Ang pagbasa sa mga kasulatan diha sa atong kaugalingon nga pinulongan sama sa espirituhanong pagpauli.

- 26 **Mga Kahigayunan sa Senior nga Misyonaryo**
Ni Presidente Russell M. Nelson
Palihug pag-ampo mahitungod niini nga oportunidad sa pag-mugna og talagsaonng mga.

- 28 **Mga Senior nga mga Misyonaryo: Gikinahanglan, Gipanalanginan, ug Gihigugma**
Ni Richard M. Romney
Ang mga magtiayon makakaplag nga ang pagserbisyo sa usa ka misyon mas makapailin-ilin, menos ang gasto, ug mas makalingaw kay sa ilang nahunahunaan.

- 34 **Kon ang Panimalay Masudlan sa Pornograpiya—Ang mga Asawa ug mga Bana Nagkinahanglan nga Magpaayo**
Pangalan gipugngan
Usa ka bishop nagpakigbahin kon giunsa niya sa pagtabang dili lang ang mga bana kinsa nanlimbasug sa pornograpiya apan

usab ang ilang mga asawa, kinsa nagkinahanglan sa ingon ka dako nga pagpa-ayo sa Manluluwas.

- 38 **Mga Magbalantay sa Tore**
Palambo ang imong pagsabut sa mga propeta pinaagi sa pagkat-on kon sa unsang paagi ang magbalantay sa tore.

MGA DEPARTAMENTO

- 8 **Mga Pagpamalandong: Ang mga Instruksyon sa Masabtan ba?**
Ni Ruth Silver
- 9 **Pagserbisyo diha sa Simbahan: Salamat sa Imong Pagserbisyo**
Pangalan gipugngan
- 10 **Walay Paglubad nga mga Istoria sa Ebanghelyo: Ang Priesthood: Usa ka Lig-ong Tinubdan**
Ni Elder L. Tom Perry
- 40 **Mga Tingog sa mga Santos sa Ulahing mga Adlaw**
- 80 **Hangtud sa Sunod Natong Panagkita: Pagtinguha sa Espirituhanong mga Gasa**
Ni Presidente George Q. Cannon



44 Pag-ila sa mga Pagpangilad ni Satanas

Ni Dennis C. Gaunt

Pinaagi sa pagpangita sa mga kalainan tali sa bakak ni Satanas ug sa mga pagtulun-an ni Kristo kay sa mga pagkasusama, mahimo natong mailhan ang mga pagpangilad ni Satanas.

48 Mga Profile sa Young Adult: Pagsukod og mga Panalangin sa Madagascar

Ni Mindy Anne Selu

Bisan pa man nagpuyo sa usa ka nasud uban sa daghang kalisdanan, Solofo Ravelojaona mibati nga napuno sa mga panalangin ang iyang kinabuhi.



Tan-awa kon inyo bang makit-an ang Liahona nga gitago dinhi niini nga isyu. Timaliha: Sa pagsunod niini nga mga timalihanan, pagsunod sa propeta.

50 Espirituhanong kalig-on: Paghimo og Barko nga Dili Malunod

Ni Elder Dale G. Renlund

54 Pagkat-on sa Pagpatukar og Himno sa 10 Minutos!

Ni Daniel Carter

57 Mapasaligon sa Paghunong

Ni Gretchen Blackburn

Akong buhaton ang tanan aron maundang ang pagtukar sa piano, mao nga kon ang akong mga ginikanan miingon nga ako mahimong mohunong kon ako nakakat-on sa 50 ka mga himno, magsugod ko.

58 Pagkahikurat, Kasubo, ug sa Plano sa Dios

Pinaagi sa Paola Çajupi

Karon sa pagtan-aw og balik ang labing grabe nga mga kasinatian sa akong kinabuhi, ako nasayud nga ang Langitnong Amahan nag-uban kanako sa tibuok panahon.

60 Bisan Kon Ikaw Maulawon

Ni Elder José A. Teixeira

Salig sa Ginoo, ug Siya mopanalangin kaninyo sa inyong mga paningkamot sa pagpakigbahin sa ebanghelyo.

62 Atong Luna

63 Poster: Lami Ba?

64 Mga Pangutana ug mga Tubag

"Himoon ko og kataw-anan sa eskwelahan tungod kay ako LDS. Kinahanglan nakong barugan unsay akong gituohan, apan lisud kaayo! Unsaon nako nga makapangisug og igo?"



66 Mga tubag gikan sa usa ka Apostol: Unsa man ang buhaton sa mga Apostoles?

Ni Elder David A. Bednar

67 Kalinaw sa Akong Kasingkasing

Ni Carol F. McConkie

Kon makita nako ang propeta ug madungog siya nga mamulong, mabati nako ang kalinaw.

68 Ang Pagpamatuod ni Ethan

Ni Larry Hiller

Ingon og ang tanan gawas ni Ethan adunay pagpamatuod.

70 Pesos alang sa Langitnong Amahan

Ni Angela Peña Dahle

Wala nay kwartang nahabilin, si Ana naghunahuna, "Unsay among kan-on ugma?"

72 Pagsunod sa mga Propeta ug mga Apostoles

Ni adam Jenna Koford

Sa unsang paagi nga inyong masunod ang propeta karong bulana?

74 Mga Bayani diha sa Basahon ni Mormon: Si Alma Naghinulsol

75 Makabasa Ako sa Basahon ni Mormon

76 Mga Istorya sa Basahon ni Mormon: Si Alma Nagbunyag sa Daghan nga mga Tawo

79 Koloranan nga Pahina: Ang Igpapahulay Usa ka Espesyal nga Adlaw

Internasyonal nga magasin sa Ang Simbahan ni Jesukristo sa mga Santos sa Ulahing mga Adlaw nga giimprinta sa Cebuano

Ang Unang Kapanguloan: Thomas S. Monson,
Henry F. Eyring, Dieter F. Uchtdorf

Korum sa Napulog Duha ka mga Apostoles:

Russell M. Nelson, Dallin H. Oaks, M. Russell Ballard,
Robert D. Hales, Jeffrey R. Holland, David A. Bednar,
Quentin L. Cook, D. Todd Christofferson, Neil L. Andersen,
Ronald A. Rasband, Gary E. Stevenson, Dale G. Renlund

Editor: Joseph W. Sitati

Luyo-luyo sa mga Editors: James B. Martino, Carol F. McConkie

Mga Adviser: Brian K. Ashton, Randall K. Bennett, Craig A. Cardon, Cheryl A. Esplin, Christoffel Golden, Douglas D. Holmes,
Larry R. Lawrence, Carole M. Stephens

Tigdumalang Direktor: David T. Warner

Direktor sa Operasyon: Vincent A. Vaughn

Direktor sa mga Magasin sa Simbahan:

Allan R. Loyborg

Business Manager: Garff Cannon

Tigdumalang Editor: R. Val Johnson

Luyo-luyo sa Tigdumalang Editor: Ryan Carr

Assistant sa Publikasyon: Megan VerHoef

Team sa Pagsulat ug Pag-edit: Brittany Beattie, David Dickson,
David A. Edwards, Matthew D. Flitton, Lori Fuller, Garrett H. Garff,
LaRene Porter Gaunt, Jill Hacking, Charlotte Larcabal, Michael R.
Morris, Sally Johnson Odekirk, Joshua J. Perkey, Jan Pinborough,
Richard M. Romney, Mindy Anne Selu, Paul VanDenBerghe,
Marissa Widdison

Tigdumalang Direktor sa Art: J. Scott Knudsen

Direktor sa Art: Tadd R. Peterson

Team sa Pagdesinyo: Jeanette Andrews, Fay P. Andrus,
Mandie M. Bentley, C. Kimball Bott, Tom Child, Nate Gines,
Colleen Hincley, Eric P. Johnsen, Susan Lofgren, Scott M. Mooy,
Mark W. Robison, Brad Teare, K. Nicole Walkenhorst

Coordinator sa Intellectual Property:

Collette Nebeker Aune

Tigdumala sa Produksyon: Jane Ann Peters

Team sa Produksyon: Connie Bowthorpe Bridge, Julie Burdett,
Katie Duncan, Bryan W. Gyi, Denise Kirby, Ginny J. Nilson,
Gayle Tate Rafferty

Prepress: Jeff L. Martin

Direktor sa Pag-imprinta: Craig K. Sedgwick

Direktor sa Pagpang-apud-apod: Stephen R. Christiansen

Paghubad: Francisco M. dela Cruz

Ipadala ang subskripsyon, mga pangutana, ug mga taho ngadto sa *Dateline Philippines* sa *Liahona*, The Church of Jesus Christ of Latter-day Saints, Temple Drive, Greenmeadows Subdivision, Quezon City 1110, Metro Manila, Philippines o sa P. O. Box 1505, Ortigas Center, Emerald Avenue, Pasig 1600, Metro Manila, Philippines. Numero sa telepono 635-9183. Presyo sa subskripsyon sa Pilipinas, P48 matag tuig, P4.00 matag gula, gawas sa mga espesyal nga isyu.

Sa pag-subscribe ug pag-renew sa magasin, bisitaha ang <http://store.lds.org>. Palihug ayaw kalimti sa pagbutang sa imong ward/branch isip address asa ipadala ang imong subskripsyon.

Kon dunay mga pangutana mahitungod sa subskripsyon palihug tawag sa Church's Global Service Center (GSC) sa 1800-8-680-3950 alang sa mga subscriber sa PLDT ug Smart o 1800-1-441-0687 alang sa mga subscriber sa Globe.

Isumiter ang mga manuskrito ug mga pangutana online sa liahona.lds.org; kon ipadala ngadto sa *Liahona*, Room 2420, 50 East North Temple Street, Salt Lake City, UT 84150-0024, USA; o i-e-mail sa: liahona@ldschurch.org

Liahona (usa ka termino sa Basahon ni Mormon nga nagpasabut nga "kompas o direktor") gimantala sa Albanian, Armenian, Bislama, Bulgarian, Cambodian, Cebuano, Chinese, Chinese (simplified), Croatian, Czech, Danish, Dutch, English, Estonian, Fijian, Finnish, French, German, Greek, Hungarian, Icelandic, Indonesian, Italian, Japanese, Kiribati, Korean, Latvian, Lithuanian, Malagasy, Marshallese, Mongolian, Norwegian, Polish, Portuguese, Romanian, Russian, Samoan, Slovenian, Spanish, Swahili, Swedish, Tagalog, Tahitian, Thai, Tongan, Ukrainian, Urdu, ug Vietnamese. (Ang kasagad magkalahi sa pinulongan.)

© 2016 sa Intellectual Reserve, Inc. Tanang mga katungod gigahin. Gigamit sa Ang Simbahan ni Jesukristo sa mga Santos sa Ulahing mga Adlaw nga may pagtugot. Gi-imprinta sa Tinipong Bansa sa Amerika. Gi-imprinta sa Pilipinas.

Ang teksto ug biswal nga materyal diha sa *Liahona* mahimong kopyahan alang sa sulagima, dili pangkomersyo nga paggamit sa simbahan o panimalay. Ang biswal nga materyal dili mahimong kopyahan kon kini adunay mga pagdili diha sa linya sa kredito sa maong artwork. Ang mga pangutana kinahanglan ipadala ngadto sa Intellectual Property Office, 50 East North Temple Street, Salt Lake City, UT 84150, USA; e-mail: cor-intellectualproperty@ldschurch.org.

For Readers in the United States and Canada:

April 2016 Vol. 19 No. 4. LIAHONA (USPS 311-480) Cebuano (ISSN 1096-5114) is published monthly by The Church of Jesus Christ of Latter-day Saints, 50 East North Temple, Salt Lake City, UT 84150. USA subscription price is \$10.00 per year; Canada, \$12.00 plus applicable taxes. Periodicals Postage Paid at Salt Lake City, Utah. Sixty days' notice required for change of address. Include address label from a recent issue; old and new address *must* be included. Send USA and Canadian subscriptions to Salt Lake Distribution Center at address below. Subscription help line: 1-800-537-5971. Credit card orders (Visa, MasterCard, American Express) may be taken by phone. (Canada Poste Information: Publication Agreement #40017431)

POSTMASTER: Send all UAA to CFS (see DMM 507.1.5.2). NONPOSTAL AND MILITARY FACILITIES: Send address changes to Distribution Services, Church Magazines, P.O. Box 26368, Salt Lake City, UT 84126-0368, USA.

Mga Ideya sa Family Home Evening

Kini nga isyu naglangkob og mga artikulo ug mga kalihokan nga magamit alang sa family home evening. Ang mosunod mao ang usa ka ehemplo.



"Bisan Kon Ikaw Maulawon," pahina 60: Magamit ninyo ang inyong family home evening sa pagpakigbahin sa ebanghelyo! Hisguti isip pamilya ngano nga ang kahadlok nakapalisud ninyo sa pagpakigbahin sa ebanghelyo. Tingali mag-ampo kamo isip usa ka pamilya aron ang Ginoo motabang kaninyo nga mobati nga masaligon sa pagpakigbahin sa ebanghelyo ug dayon mag-ampo kon kinsa ang inyong dapiton sa family home evening. Ikonsiderar ang pagdapit sa matag sakop sa pamilya sa pagpamatuod atol sa leksyon. Kamo mahimong mopili sa pagtudlo og leksyon kabahin sa Pagpahiuli o sa plano sa kaluwasan. Ikonsiderar ang pagrekord sa inyong mga kasinatian ug mga pagbati sa inyong journal.

ANAA PAY DAGHAN SA INTERNET

Ang *Liahona* ug ubang mga materyal sa Simbahan anaa sa daghang pinulongan sa languages.lds.org. Bisitaha ang [facebook.com/liahona.magazine](https://www.facebook.com/liahona.magazine) (anaa sa pinulongang English, Portuguese, ug Spanish) sa pagpangita og mga ideya sa family home evening, mga tabang sa leksyon sa Dominggo, ug mga artikulo nga mahimo ninyong ipakigbahin sa mga higala ug pamilya.

MGA HILISGUTAN NIINI NGA ISYU

Mga numero nagrepresentar sa unang pahina sa artikulo.

Adlawng Igpapahulay, 79

Basahon ni Mormon,
43, 44

Bunyag, 75, 76

Calling, mga, 18

Diosnong kinaiya, 7

Espirituhanong mga gasa, 80

Espiritu Santo, 44, 50

Gugma, 40

Hugot nga Pagtuo, 34,

48, 58, 60

Ikapulo, 62, 70

Jesukristo, 20, 34, 43, 58

Kaisug, 48, 64

Kalinaw, 50, 67

Kasuguan, mga, 8, 72

Kasulatan, mga, 20

Mga Pagpangilad, 44, 63

Mga Propeta ug mga

Apostoles, 10, 12, 66,

67, 72

Misyonaryo nga buhat,

26, 28, 60

Musika, 54, 57

Pag-ampo, 41, 64

Pagbangutan, 58

Paghinulsol, 18, 74

Pagkadisipulo, 12, 26

Pagkakabig, 43, 58, 75, 76

Pagkamasulundon, 8, 34,
62, 72

Pagkamatinuoron, 62

Pagpa-aktibo, 18

Pagpadayag, 4, 10, 20,

41, 42, 50, 70, 72

Pagpamatuod, 64, 68

Pagpasaylo, 34

Pagtudlo, 75

Pag-ula, 34

Pornograpiya, 34

Serbisyo, 9, 26, 28, 41

Talento, mga, 40, 54

Visiting teaching, 9



**Ni Presidente
Henry B. Eyring**

Unang Magtatambag
sa Unang
Kapangulohan

Panagna UG PERSONAL NGA PAGPADAYAG

Ang tinuod nga Simbahan ni Jesukristo napahiuli na ug anaa dinhi sa yuta karon. Ang Simbahan ni Jesukristo sa mga Santos sa Ulahing mga Adlaw kanunyang gigiyahan pinaagi sa buhing mga propeta ug mga apostoles, kinsa makadawat og giya gikan sa langit.

Kanang balaang sumbanan mao usab sa karaang panahon. Atong makat-unan diha sa Biblia: “Sa pagkatinuod ang Ginoong Dios dili magabuhat sa bisan unsa, gawas kon ang iyang tinago ipadayag niya sa iyang mga alagad ang mga propeta” (Amos 3:7).

Ang Dios nakigsulti na usab sa atong panahon, pinaagi ni Propeta Joseph Smith. Iyang gipadayag pinaagi ni Propeta Joseph ang ebanghelyo ni Jesukristo diha sa kahingpitan niini. Iyang gipahiuli ang Iyang balaan nga pagkapari uban sa mga yawe ug tanan nga mga katungod, gahum, ug naglihok sa sagrado nga gahum sa priesthood.

Sa atong panahon, ang buhing mga propeta ug apostoles gitugutan sa pagpamulong, pagtudlo, ug paggiya sa uban sa pagtugot gikan sa Dios nga Amahan ug ni Ginoong Jesukristo. Ang Ginoo nagsulti ngadto sa Propeta: “Unsa nga Ako ang Ginoo namulong, Ako namulong, ug Ako dili mangayo og pasaylo alang sa akong kaugalingon; ug bisan pa ang mga langit ug ang yuta mahanaw, ang akong mga pulong dili mahanaw, apan ang tanan matuman, bisan pinaagi sa akong kaugalingon nga tingog o pinaagi sa tingog sa akong mga sulugoon, kini managsama ra” (D&P 1:38).

Sa kinatibuk-ang komperensya kaduha sa usa ka tuig, mapanalanginan kita sa oportunidad sa pagpaminaw sa pulong sa Ginoo alang kanato gikan sa Iyang mga sulugoon. Mao kana ang usa ka pribilehiyo nga dili mapalit. Apan ang bili niana nga oportunidad nag-agad kon atong

gidawat ang mga pulong ubos sa samang Espiritu diin sila gihatag ngadto niadtong mga sulugoon (tan-awa sa D&P 50:19–22). Sama nga ilang nadawat ang giya gikan sa langit, busa kinahanglan kita usab. Ug kana nagkinahanglan kanato sa samang espiritwal nga paningkamot.

“Buhata ang Imong Homework”

Mga tuig nang milabay usa sa sakop sa Korum sa Napulog Duha ka mga Apostoles mihangyo kanako sa pagbasa og pakigpulong sa komperensya nga iyang gi-andam alang sa kinatibuk-ang komperensya. Sakop ko sa junior nga korum. Akong dungog nga siya misalig nako sa pagtabang kaniya nga makit-an ang mga pulong nga gusto sa Ginoo nga iyang ipamulong. Siya miingon ngari kanako uban sa pahiyum, “Ah, mao kini ang ika-22 nga sinulat nga pakigpulong.”

Akong nahinumduman ang mahigugmaon ug mabination nga tambag ni Presidente Harold B. Lee (1899–1973) nga nahatag kanako sa una uban sa dakong gibug-aton: “Hal, kon gusto ka nga makadawat og pagpadayag, buhata ang imong homework.”

Mibasa ko, namalandong, ug miampo nianang ika-22 nga sinulat. Nagtuon ko kutob sa mahimo ubos sa impluwensya sa Espiritu Santo. Sa panahon nga kanang sakop sa korum mihatag sa iyang pakigpulong, akong nabuhat ang akong homework. Dili ko sigurado nga kon nakatabang ba ko, apan nasayud ko nga nausab ko sa dihang nakadungog ko sa mga pakigpulong nga gihatag. Mga mensahe miabut kanako nga lapas pa sa mga pulong nga akong nabasa ug kana iyang gipamulong. Ang mga pulong nga adunay mas dakong kahulugan kay sa akong nabasa diha sa sinulat. Ug ang mensahe nga daw



gitumong alang kanako, haum sa akong panginahanglan.

Ang mga sulugoon sa Dios nagpuasa ug nag-ampo aron makadawat sa Iyang mensahe nga alang kanila nga ihatag niadtong kinsa nanginahanglan sa pagpadayag ug inspirasyon. Unsay akong nakat-unan gikan niana nga kasinatian, ug sa daghan pa nga sama niini, mao nga ang pag-angkon sa labing nindot nga kaayohan anaa sa pagpaminaw sa buhing mga propeta ug mga apostoles, kinahanglan kita mismo ang maningkamot sa pagdawat og pagpadayag.

Nahigugma ang Ginoo sa matag tawo kinsa unta makadungog sa

Iyang mensahe, ug Siya nasayud sa mga kasingkasing ug mga kahimtang sa matag usa. Nasayud Siya unsa ang ikorehir, unsa nga pag-awhag, ug unsa nga mga kamatuoran sa ebanghelyo ang labing makatabang sa matag tawo sa iyang pillion nga mouswag ngadto sa dalan sa kinabuhing dayon.

Kita nga naminaw ug nagtan-aw sa mga mensahe sa kinatibuk-ang komperensya usahay mohunahuna inighuman, “Unsay labing maayo nga akong mahinumduman?” Ang gilauman sa Ginoo alang sa matag usa kanato mao nga ang atong tubag mahimong: “Dili

gayud nako makalimtan ang higayon nga nabati nako ang pakighinabi sa Espiritu sa akong hunahuna ug kasingkasing nagsulti kanako nga unsay akong mahimo aron mapahimuot nako ang akong Langitnong Amahan ug ang Manluluwas.”

Makadawat kita nianang personal nga pagpadayag kon atong dunggon ang mga propeta ug mga apostoles ug samtang kita mobuhat diha sa pagtuo nga madawat kini, sumala sa giingon ni Presidente Lee nga kita makahimo. Nasayud ko nga kana tinuod gikan sa kasinatian ug pinaagi sa pagsaksi sa Espiritu. ■

PAGTUDLO GIKAN NIINI NGA MENSAHE

| konsiderar ang pagbasa og kusog sa istorya ni Presidente Eyring mahitungod sa pagtuon sa sinulat sa iyang sakop sa korum sa mga pakigpulong sa komperensya. Lagmit inyong ipangutana, “Unsa man ang ganti sa pagdawat og pagpadayag?” Human sa inyong panaghisgutan, mahimo


ninyong dapiton kadtong inyong gibisita sa pagpamalandong ug pag-implementar sa usa ka plano aron madawat ang mga mensahe sa umaabut nga kinatibuk-ang komperensya “ubos sa samang Espiritu diin sila gihatag ngadto niadtong mga sulugoon [Dios].”

Ang Langitnong Amahan Namulong ngari Kanako pinaagi sa usa ka Pakigpulong sa Komperensya

Ni Anne Laleska Alves de Souza

Duna koy mga pagduha-duha mahitungod sa unsay angay nakong eskwelahan sa unibersidad. Kadaghan sa mga tawo nanaway sa kurso nga gusto nakong kuhaon, busa nag-ampo ko sa Ginoo aron mahibaloan kon uyon ba Siya sa akong desisyon.

Ang tubag miabut pagkasunod adlaw samtang nagbasa ko og usa ka pakigpulong sa kinatibuk-ang komperensya diha sa *Liahona*. Gibati nako nga ingon og ang Langitnong Amahan nagsulti kanako nga Siya dili makapili alang kanako—mao kini ang desisyon nga ako lamang ang mohimo. Nasayud ko nga bisan unsa ang akong pilion, ako kinahanglan nga motrabaho og maayo aron magmalampuson.



Nasayud ko nga ang akong pag-ampo natubag. Ang pagkumpirma sa Espiritu Santo nakatabang kanako sa paghimo og desisyon. Akong nakat-unan nga himoon nako ang pinakamaayong paningkamot ug nasayud nga ang Langitnong Amahan motabang kanako.

Ang tagsulat nagbuyo sa Sergipe, Brazil.

MGA BATA

Sunda ang Propeta

Mga Propeta ug apostoles namulong alang sa Langitnong Amahan ug ni Jesukristo. Sila nagtudlo kanato unsaon sa pagsunod ni Jesus. Sunda ang dalan aron mahimo ang pipila ka mga butang nga gihangyo sa mga propeta ug mga apostoles nga atong buhaton.



Tun-i sa mainampuong paagi kini nga materyal ug tinguhaa nga masayud unsay angay nga ipakigbahin. Sa unsang paagi nga ang pagsabut sa “Ang Pamilya: Usa ka Pamahayag ngadto sa Kalibutan” mopalambo sa inyong hugot nga pagtuo sa Dios ug mopanalangin niadtong inyong giamumahan pinaagi sa visiting teaching? Alang sa dugang nga impormasyon, adto sa reliefsociety.lds.org.

Mga Anak nga Babaye sa Atong Amahan sa Kahangturan

Ang mga kasulatan nagtudlo kanato nga “kaliwat man diay kita sa Dios” (mga Buhat 17:29). Ang Dios mitawag ngadto kang Emma Smith, asawa ni Propeta Joseph Smith, isip “akong anak nga babaye” (D&P 25:1). Ang pamahayag sa pamilya nagtudlo kanato nga ang matag usa “hinigug-mang espiritu nga . . . anak nga babaye sa langitnong mga ginikanan.”¹

“Diha sa [premortal] nga dapit, among nakat-unan mahitungod sa atong mahangturong ilhanan sa pagkababaye,” miingon si Carole M. Stephens, unang magtatambag sa kinatibuk-ang kapangulohan sa Relief Society.

“Ang atong mortal nga panaw sa kalibutan wala makausab nianang mga kamatuoran.”²

“Ang inyong Amahan sa Langit nahibalo sa inyong ngalan ug nahibalo sa inyong kahintang,” miingon si Elder Jeffrey R. Holland sa Korum sa napulog duha Ka mga apostoles. “Nakadungog Siya sa inyong mga pag-ampo. Nahibalo Siya sa inyong mga gilauman ug mga damgo, lakip ang inyong mga kahadlok ug mga kahigawad.”³

Ikonsiderar Kini

Sa unsang paagi nga ang pagkasayud nga kamo anak nga babaye sa Dios nakaapekto sa inyong inadlaw-adlaw nga mga desisyon?



“Tanan kita nahisakop ug gikinahanglan sa pamilya sa Dios,” miingon si Sister Stephens. Ang tanang pamilya sa kalibutan managlahing tan-awon. Ug samtang gibuhath nato kutob sa atong mahimo sa paghimo og lig-ong tradisyunal nga mga pamilya, ang pagkasakop sa pamilya sa Dios wala mag-agad sa bisan unsa nga status—status nga minyo o dili, sa pagkaginikanan, sa pinansyal, sosyal, o bisan sa status nga atong gi-post sa social media.”⁴

Dugang nga mga Kasulatan

Jeremias 1:5; Mga Taga-Roma 8:16; Doktrina ug mga Pakigsaad 76:23–24

MUBO NGA MGA SULAT

1. “Ang Pamilya: Usa ka Pamahayag ngadto sa Kalibutan,” *Liahona*, Nob. 2010, 129.
2. Carole M. Stephens, “Ang Pamilya Iya sa Dios,” *Liahona*, Mayo 2015, 11.
3. Jeffrey R. Holland, “Ngadto sa mga Batanong Babaye,” *Liahona*, Nob. 2005, 28.
4. Carole M. Stephens, “Ang Pamilya Iya sa Dios,” 11.
5. Tan-awa sa mga Hilisgutan sa Ebanghelyo, “Unang Panan-awon nga mga Asoy,” topics.lds.org.

Hugot nga Pagtuo, Pamilya, Kahupayan



Gikan sa Atong Kasaysayan

Diha sa iyang asoy sa Unang Panan-awon,⁵ si Propeta Joseph Smith nagmatuod sa daghan nga mga kamatuoran—lakip na nga ang atong Langitnong Amahan nahibalo sa atong ngalan.

Ang batan-ong Joseph nanlimbasug nga masayud hain nga simbahan moapil ug nakakita sa giya sa Santiago 1:5. Si Joseph nakahukom nga siya mangutana sa Dios.

Usa ka buntag sa tingpamulak niadtong 1820, siya miadto sa kakahoyan aron mag-ampo apan diha-diha dayon gipugngan sa pipila ka ngitngit nga gahum. Niini siya misulat:

“Dinhi niini nga higayon sa dako nga kahadlok, ako nakakita og usa ka dako nga gilil sa kahayag ibabaw gayud sa akong ulo, labaw sa kahayag sa adlaw, nga nag-anam og paubos hangtud kini midapat kanako.

“Diha-diha nga kini mipakita ako nakakaplag sa akong kaugalingon nga giluwag gikan sa kaaway nga migapos kanako. Sa diha nga ang kahayag midapat kanako ako nakakita og duha ka Personahe, kansang kahayag ug himaya dili mahulagway, nagtindog ibabaw kanako diha sa kawanangan. Usa kanila misulti ngari kanako, nagtawag kanako sa akong ngalan ug miingon, nagtudlo ngadto sa lain—*Kini mao ang Akong Hinigugmang Anak. Paminaw Kaniya!*” (Joseph Smith—Kasaysayan 1:16–17).

ANG MGA INSTRUKSYON MASABTAN BA?

Ni Ruth Silver

Ang pagbyahe sa bisikleta nakakombinser nako nga kinahanglan susihon kanunay ang mapa sa kinabuhi sa Ginoo.

Pipila ka tuig ang milabay gibyahe nako ang France sa bisikleta uban sa akong igsoong babaye, bayaw nga babaye, ug ang iyang anak nga babaye. Kada buntag gihatagan mi og tulo ka mga pahina sa detalyado nga mga instruksyon nga, kon eksaktong masunod, mogiya kanamo sa among destinasyon ana nga adlaw. Samtang nagbisiklita kami agi sa mga ubasan, ang mga direksyon nagtudlo namo sa “pag-adto sa 165 ka pye (50 ka metros) amihanan, dayon moliko sa wala ug moadto sa 330 ka pye (100 ka metros).” Kasagaran, ang mga instruksyon adunay mga timailhan ug mga ngalan sa dalan.

Usa ka buntag among gibisikleta ang nindot nga karsada apan ang among instruksyon wala na mahaum sa teritoryo. Paspas kaayo ang pagkahisalaag, mihukom mi sa pagpamalik ngadto sa dapit katapusan namong nahibaloan nga hustong dalan aron masusi kon asa gyud mi paingon.

Tuod man, sa pag-abut namo didto, nakita namo ang usa ka gamayng timailhan sa dalan, gitiman-an namo ang mga instruksyon, nga napakyas kami sa pagtan-aw. Sa wala madugay anaa na usab kami sa hustong dalan,

gitandi ang among pag-uswag uban sa mga instruksyon, diin nakahimo na usab og hingpit nga kahulugan.

Ang kasinatian nga nagsilbi nga simbolo mitubag sa makalibog naking pangutana: Ngano, kon ang usa ka tawo nga aduna nay pagpamatuod sa ebanghelyo, mawala pa ba gihapon siya? Naklaro na kini nako nga kon maagi kita sa sayop nga dalan (sala) o mapakyas sa pagsunod sa mga sugo sa Dios, ang mga instruksyon (ang pulong sa Dios) wala nay kahulugan. Ang mapa, sama sa naandan, wala na mohaum sa teritoryo nga among nahimutangan. Kon wala kami nahisalaag og layo kaayo, mamatikdan unta namo nga nasayop kami ug nga kinahanglan mi nga mamalik (maghinulsol) o mopasalig pag-usab sa pagsunod sumala sa gisugo sa Dios diin nasayud kami nga husto gayud ang rota nga among gisunod.

Sa kasagaran kon ang mga instruksyon nga dili na haum kon asa na kita dapit, mokwestyon dayon kita sa mga instruksyon. Imbis nga mobalik, basulon na hinoon ang mga instruksyon ug isalikway na ang tanan. Sa katapusan, sa pag-undang sa panan-awon sa among distinasyon, nahisalaag kami,

naglaroy-laroy sa mga dalan nga daw, sa kasamtangan, maanindot kaayo apan dili kini mopaingon kon asa kami moadto.

Kada adlaw kita adunay oportunidad sa pagtuon sa mga kasulatan. Ug sa kada unom ka bulan, makapaminaw kita sa kinatibuk-ang komperensya sa Simbahan. Dili ba kini mga panahon nga makasusi kita sa atong mga mapa sa dalan ug makasiguro nga naa kita sa dapit nga gikinahanglan? Sa makausa, samtang naminaw ko sa komperensya, akong gibati, nga dili man kita hingpit, mahimo kitang makahibalo nga anaa kita sa husto nga dalan kon kining mga instruksyon nakahimog kahulugan ngari kanato.

Gani ingon nga ang pagsunod sa husto nga direksyon makadala kanato sa atong mga destinasyon niining kinabuhia, ang pagtuon sa mga kasulatan ug ang pagpatalinghog sa tambag sa buhing mga propeta nagtugot kanato sa pagsusi sa atong agianan ug mo-adjust niini kon gikinahanglan aron, sa katapusan, moabut kita sa atong celestial nga panimalay. ■

The author, nagpuyo sa Colorado, USA, namatay na sa milabay nga tuig.



SALAMAT SA IMONG PAGSERBISYO

Pangalan gipugngan

Nagrepresentar kamo niadtong mga kababayan-an kinsa, sukad sa panahon sa Nauvoo, miserbisyo sa usag usa pinaagi sa mahigugmaon ug dinasig nga visiting teaching.

Wala ako masayud sa inyong ngalan, pila ang inyong pangidaron, o bisan unsang butang mahitungod ninyo. Ang ako lang nahibaloan nga kamo ang visiting teacher ni Joann, ug mapasalamaton ako sa inyong makugihon nga serbisyo sa tibuok nakong kasingkasing.

Nasayud ko nga ang pagbisita sa usa ka dili kaayo aktibo nga sister sama ni Joann (ang pangalan giusab), ang akong umagad nga babaye, dili sayon, ilabi na kon siya dili kaayo maabi-abihon. Nagduda ko sa sinugdanan kon ganahan ba kaha siya nga kamo moadto. Apan si Joann misulti nako kamo nahimo niyang tinuod nga higala, pagduaw aron kumustahon siya ug pagdawat sa iyang kahimtang.

Sa 19 ka tuig sukad naminyo si Joann sa akong anak nga lalaki, mao kini ang unang higayon nga naghigut siya nga adunay visiting teacher. Bagohay lang iyang gisulti kanako kon unsa ka kamakanunayon ang inyong pagbisita ug unsa ka mahunahunaon ug kamabination ninyo. Miingon siya nga gitabangan ninyo siya sa makadaghang higayon sa dihang siya nasakit ug mitanyag pa gani sa pagdala sa akong apo nga babaye ngadto sa Young Women.

Sa miaging 10 ka tuig, siya, akong anak nga lalaki, ug ang ilang pamilya nagpuyo gatusan ka mga milya gikan kanamo. Nag-ampo ako nga ang uban mohigugma ug moatiman kanila sama sa akong gibuhay, ug



naghilak ako nga nangamuyo sa Langitnong Amahan nga ang uban motabang kanila ingon nga ako mohimo kon nagpuyo lang unta sila sa duol. Sa unsay gisulti ni Joann, kamo ang tubag sa akong mga pag-ampo.

Bisan kon si Joann ug ang akong anak nga lalaki wala magtuman sa Pulong sa Kaalam ug dili motambong sa simbahan, maayo gihapon sila nga mga tawo ug gihigugma nila ang ilang mga anak. Sa bisan unsang paagi ang inyong pagtan-aw wala maimpluwensya sa pagpanigarilyo ni Joann. Wala kamo maghukom kaniya kon nagtambong ba siya sa simbahan. Kinahanglan inyo siyang makaila ug masayran nga siya usa ka mahigugmaon nga inahan kinsa gusto nga ang iyang anak nga babaye

motambong sa simbahan ug makaangkon og pagpamatuod. Ug sa dihang naoperahan si Joann, nagdala kamo og panihapon imbis maghunahuna kon siya ba ang nakaiingon sa ubang problema sa iyang panglawas.

Pagkamapasalamaton nako nga kamo ang usa ka ehemplo alang sa akong apo nga babaye. Makatan-aw siya ninyo isip usa ka tawo kinsa nag-amuma sa tanan ug mogawas sa iyang nahimutangan aron sa pagpakita og mahigugmaong pagpakabana. Miingon siya nako nga usa ka adlaw sa dihang wala kamoy sakyanan, inyong gilakaw ang kapin sa usa ka milya ngadto sa iyang balay uban sa inyong gagmay nga mga anak aron sa pagdala og cookies.

“Naghunahuna ko nimo ug sa imong mama ug gustong mobuhay og maayong butang alang nimo—gayud lang,” ikaw misulti kaniya.

Hinaut akong masulti ninyo kon unsa ko kamapasalamaton sa inyong kamahalaron ngadto sa inyong calling isip visiting teacher. Nagrepresentar kamo niadtong mga kababayan-an kinsa, sukad sa panahon sa Nauvoo, miserbisyo sa usag usa pinaagi sa mahigugmaon ug dinasig nga visiting teaching. Gipakita ninyo kana nga pagserbisyo ug paghigugma pinaagi sa mapinangaong pagbisita sa akong dili kaayo aktibo nga umagad nga babaye.

Salamat. ■



**Ni Elder
L. Tom Perry
(1922–2015)**

Sa Korum sa
Napulog
Duha ka mga
Apostoles

ANG PRIESTHOOD: USA KA LIG-ONG TINUBDAN

Kini nga artikulo naandam ni Elder L. Tom Perry niadtong Mayo 28, 2015, duha ka adlaw sa wala pang iyang kamatayan, mahimong ikapaambit uban sa mga batan-ong tighupot sa priesthood.

Ang labing dako nga kalig-on sa akong kinabuhi mao ang priesthood sa Dios. Nagtuo ko nga kini usab mahimong usa ka lig-ong tinubdan alang kaninyo batan-ong mga lalaki. Apan aron kini adunay gahum sa inyong kinabuhi, kinahanglan nga kamo mosabut ug mogamit niini.

Unang mga Kasinatian uban sa Priesthood

Nagtubo ko sa usa ka komportable nga palibut sa Logan, Utah. Wala ko nabalaka mahitungod sa pagkaon o kapuy-an o edukasyon sa akong pagkabata. Apan tingali tungod kay ang kinabuhi sayon, nagkinahanglan ko og usa ka butang nga kahuptan nga makapalig-on kanako.

Alang kanako kana nga tinubdan mao ang priesthood sa Dios. Ako anaa sa usa ka talagsaong sitwasyon sa dihang ako nagtubo pa. Ang akong papa gitawag nga bishop sa dihang ako usa ka tuig pa ang panuigon, ug siya ang akong bishop sulod sa 19 ka tuig. Ang iyang inamahan ug espirituhanon nga paggiya dako kaayong tabang kanako.

Mao tingali nga naghinam-hinam ko sa pagdawat sa Aaronic Priesthood sa akong ika-12 nga adlawng natawhan. Nakahinumdom ko sa espesyal nga adlaw nga akong gibati ang mga kamot sa akong amahan diha sa akong ulo samtang siya mi-orden kanako. Human niana, nadawat nako

ang mga katungdanan sa Aaronic Priesthood ug nakadawat og mga calling nga nakalingaw nako pag-ayo.

Ang pag-apud-apod sa sakrament espesyal kaayo kanako. Makita ninyo ang mga tawo nga mopasalig sa ilang kaugalingon sa pagsunod sa Ginoo ug mosunod sa Iyang mga sugo samtang sila miambit sa mga simbolo sa Iyang lawas ug dugo.

Nagtubo sa Pagsabut sa Priesthood

Samtang nagpadayon ang panahon, migradwar ko sa high school, ug dayon human sa usa ka tuig sa kolehiyo, ako gitawag sa misyon. Nalingaw ko sa matag minuto niini ug nahigugma sa akong mga kompanyon. Dunay usa nga nakapalig-on nako. Ako nakakat-on og daghan gikan kaniya samtang gituman namo ang mga responsibilidad.

Tungod kay ang nasud anaa sa gubat, sa dihang mibalik ko gikan sa akong misyon ako miapil sa United States Marine Corps. Sa dihang nahuman na ang gubat, mibalik ko sa kolehiyo, naminyo, ug nagsugod og pamilya. Sunod-sunod nga propesyonal nga mga pagbalhin-balhin midala kanako ngadto sa daghang mga dapit sa Estados Unidos, diin nakakat-on ko og daghan samtang nagserbisyo sa daghang mga calling sa priesthood. Sa katapusan miabut ko sa Boston, Massachusetts, diin ako nagserbisyo isip stake president. Gikan didto ako gitawag nga mahimong assistant sa Napulog Duha ug dayon, human sa 17 ka bulan, ngadto sa Korum sa Napulog Duha ka mga Apostoles.

Mga Leksyon nga Nakat-unan isip usa ka Apostol

Unsay akong nakat-unan isip usa ka sakop sa Korum sa Napulog Duha?

Akong nakat-unan nga adunay usa ka giya, usa ka lig-on, ug usa ka panalipod sa priesthood.

Ang priesthood kanunay nga anaa. Sa wala pa si Adan moanhi sa yuta, siya adunay priesthood. Sama sa kaliwatan ni Adan nga nagkatibulaag uban sa priesthood, gikinahanglan ang pag-organisar unsaon sa pagpangalagad sa priesthood. Ang Ginoo mihimo niana pinaagi sa pagtawag ni Abraham sa pagdumala sa iyang pamilya sa mga tighupot sa priesthood. Nagpadayon kini nga organisasyon ubos ni Isaac ug Jacob, kansang ngalan sa wala madugay giilisan og Israel.

Gatasan ka mga tuig ang milabay, ang mga anak sa Israel nahimong ulipon. Ang Ginoo mipadala ni Moises sa pagluwas kanila, apan sa dihang





giluwas sila, nagpakita sila nga dili andam isip katawhan alang sa Melchizedek Priesthood. Mao nga gibilin kanila ang Aaronic Priesthood hangtud sa panahon sa Manluluwas.

Akong namatikdan nga maka-paikag unsay unang gibuhad sa Manluluwas sa Iyang pagsugod sa Iyang pagpangalagad. Gi-organisar niya ang Melchizedek Priesthood. Mitawag siya sa Napulog Duha ka mga Apostoles ug mitudlo kanila sa mga balaod ug mga kapunungan sa priesthood. Iyang gitawag si Pedro nga mahimong labaw nga Apostol, pag-establisar og usa ka linya sa awtoridad sa Iyang Simbahan. Niadtong adlaw ug karon, si Jesukristo kinsa mopili sa Iyang labaw nga Apostol sa pagdumala sa Simbahan, ug ang Manluluwas mao ang mogiya kaniya sa iyang mga katungdanan sa priesthood.

Busa ang priesthood adunay direkta nga linya gikan sa atong Ginoo ug Manluluwas pinaagi sa labaw nga Apostol ngadto sa ubang mga Apostoles ug ngadto sa ubang mga naghupot sa priesthood diha sa Simbahan. Ang mga yawe sa awtoridad gihatag ngadto sa mga Apostoles, ug samtang kadto nga mga yawe ania sa yuta, kita giyahan mismo sa Ginoo. Kining balaanong direksyon nanalipod kanato ug naghatag kanato og kasiguroan nga ang Simbahan dili mosimang gikan sa kamatuoran. Kini magpabilin nga makanunayon tungod kay kini wala gidumala ni bisan kinsang tawo dinhi sa yuta. Gidumala kini sa Ginoo.

Pagkat-on sa mga Doktrina sa Priesthood

Ang labing mahinungdanon nga tambag nga akong ihatag kaninyo

batan-ong mga lalaki mao ang pagtuon sa mga doktrina sa priesthood, sabta ang gahum nga anaa kaninyo sa paggamit sa inyong priesthood, ug pagkat-on kon sa unsang paagi kini makapanalangin sa inyong kinabuhi ug sa kinabuhi sa uban.

Ako mosaad nga kon kamo makakat-on sa mga doktrina sa priesthood ug motuman sa inyong mga katungdanan sa priesthood, ang priesthood mahimong usa ka lig-ong tinubdan nga mohimo ninyo nga luwas sa espirituhanon nga paagi ug mohatag ninyo og hingpit nga kalipay. Pagmatinud-anon nga korum sa priesthood. Tabangi ang inyong mga higala ug dad-a sila sa inyong korum. Paghimo og usa ka panag-igsoonay sa inyong korum nga mahimong permanente nga pundasyon sa inyong kinabuhi. ■

Elder Ronald A. Rasband

DUNAY TALENTO NGA LIDER,
MAPAHINUNGURON
NGA AMAHAN

Ni Elder M. Russell Ballard

Sa Korum sa Napulog Duha ka mga Apostoles

Si Ron Rasband wala gayud magduha-duha nga moserbisyo siya og full-time nga misyon. Ang bugtong pangutana sa 19 anyos samtang nag-abli sa iyang mission call mao ang *asa* siya moserbisyo.

“Ang akong amahan nagmisyon didto sa Germany. Ang akong magulang nga lalaki nagmisyon didto sa Germany. Ang akong umaabut nga bayaw nga lalaki nagmisyon didto sa Germany,” siya nahinumdom. “Nag-tuo ko nga moadto ko sa Germany.”

Apan ang Ginoo adunay laing mga plano. Si Ron gitawag, hinoon, ngadto sa Eastern States Mission, nga ang ulohang buhatan didto sa Siyudad sa New York, USA. Na-sagmuyo, gidala niya ang iyang mision call ngadto sa iyang kwarto, miluhod sa kilid sa iyang higdaanan, nag-ampo, mipakli bisan asa sa iyang mga kasulatan, ug misugod sa pagbasa:

“Tan-awa, ug sud-onga, Ako adunay daghan nga mga katawhan niini nga dapit, sa naglibut nga mga rehiyon; ug ang usa ka masangputon nga pultahan pagabuksan diha sa naglibut nga mga rehiyon niining *silangan nga bahin sa yuta*.

“Busa, Ako, ang Ginoo, mitugot kaninyo sa pag-anhi niini nga dapit; kay sa ingon kini gikinahanglan ngari kanako alang sa kaluwasan sa mga kalag” (D&P 100:3–4; emphasis gidugang).

Diha-diha dayon, ang Espiritu Santo mipamatuod ni Ron nga ang iyang tawag ngadto sa Eastern States Mission wala masayop.

“Mibiya ko gikan sa pagkasagmuyo ngadto sa pagbaton sa una sa akong daghang mga impresyon sa kasulatan nga kini ang dapit



diin ang Ginoo gusto nga ako moadto,” siya nahinumdom. “Usa kadto ka makapausab sa kinabuhi nga espirituhanong kasinatian alang kanako.”

Ang iyang misyon sa Eastern States mao ang una sa daghang mga calling sa Simbahan nga modala kaniya sa mga dapit nga wala niya damha nga iyang maadtoan. Ug sa matag calling—isip usa ka magtutudlo, bishop, high councilor, presidente sa misyon, sakop sa Seventy, Senior President sa Seventy, ug Apostol ni Ginoong Jesukristo—gidawat ni Elder Ronald A. Rasband ang kabubut-on sa Ginoo ug mipadayon sa pagsalig sa Iyang Espiritu samtang siya nagserbisyo sa mga anak sa Dios.

Ibabaw sa tuo: Si Elder Ronald A. Rasband isip presidente sa misyon sa Siyudad sa New York niadtong 1998. Layo sa tuo: Si Elder Rasband uban sa iyang igsoong babaye, si Nancy Schindler; inahan; ug mga igsoong lalaki, nga sila si Russell ug Neil. Sa Tuo: Uban sa iyang mga ginikanan isip usa ka siyete anyos nga bata.

Natawo sa Matarung nga Ginikanan

Sa iyang unang pakigpulong isip usa ka Apostol ni Jesu-kristo, gipahayag ni Elder Rasband ang kinasingkasing nga pasalamat alang sa iyang mga katigulangan. “Natawo ko sa matarung nga mga ginikanan diha sa ebanghelyo,” miingon



siya, “ug sila usab natawo sa matarung nga mga ginikanan balik sa unom ka henerasyon.”¹

Ang iyang inahan, si Verda Anderson Rasband, usa ka mahigugmaon nga lider kinsa miugmad sa batan-ong Ron og gugma sa mga kasulatan. Ang iyang amahan, si Rulon Hawkins Rasband, usa ka matinud-anong naghupot sa priesthood kinsa mipakita og ehemplo sa mga hiyas sa kakugi.

Natawo niadtong Pebrero 6, 1951, sa Siyudad sa Salt Lake, Utah, USA, si Ronald A. (Anderson) Rasband mao ang bugtong nga anak sa panaghiusa sa iyang mga ginikanan. Ang duha puro naminyo ug nadiborsyo, ug si Ron nagtubo ubos sa dugang nga pag-atiman sa duha ka magulang nga mga lalaki ug usa ka magulang nga babaye.

“Kombinasyon siya sa among mga ginikanan, mao nga kaming tanan nahigugma kaniya,” miingon ang iyang igsoong babaye, si Nancy Schindler. “Wala gayud tuguti ni Ron nga magbarug nga magtapad sila si Mama ug Papa o maglingkod nga magtapad nga wala siya sa ilang tunga.”

Sa kinatibuk-an si Ron usa ka buotan nga bata, apan giangkon niya nga siya may pagka-sipat.

“Sobra pa sa pipila ka higayon, ang akong mga magtutdlo sa [Primary] miadto sa akong inahan, ang stake Primary president, ug miingon, ‘Kana si Ronnie Rasband lisud dad-on nga pagkabata,’” miingon siya. “Apan wala gayud sila mawad-i og paglaum kanako. Mipakita sila kanako og



dakong gugma ug kanunayng midapit kanako balik ngadto sa klase.”²

Ang pagkabata ni Ron nakasentro diha sa Simbahan—mga miting sa ward, mga party sa ward, mga panihapon sa ward, ug mga sports team sa ward. Kon dili siya busy sa meetinghouse sa Cottonwood First Ward, nagtrabaho siya og lain-laing mga trabaho,

nagbuhat og mga kalihokan sa Scouting, ug nakig-uban sa mga higala. Sa panimalay, ang panahon sa pamilya nakasentro diha sa mga kasulatan, mga dula, ug sa mga buluhaton.

“Ang akong amahan mitudlo kanako kon unsa ang trabaho pinaagi sa iyang ehemplo,” miingon siya. “Ang akong mama mitudlo kanako kon unsa ang trabaho pinaagi sa pagpabuhat nako niini.”

Ang amahan ni Ron nagdrayb og delivery truck sa pan, mobangon og alas 4:00 sa buntag ug dugay nga mauli sa balay matag gabii.

Ang iyang inahan nagpabilin sa balay aron sa pag-atiman sa mga bata, nagdugang sa kinitaan sa pamilya pinaagi sa paghimo ug pagpamaligya og mga porcelain lace doll.

Ang dala na sa pagkatawo nga abilidad ni Ron sa pagpangulo, pagdelegar, ug paghuman og buhat sa mga butang—nga nakatabang gayud kaniya sa iyang propesyonal ug eklesyastikal nga mga responsibilidad—napamatud-an nang daan nga mapuslanon.

“Si Ron gi-assign nga mag-mower sa nataran,” nahinumdom ang iyang igsoong babaye. Apan si Ron, sama kang Tom Sawyer nga gisulat ni Mark Twain, adunay pamaagi sa





pagkumbinsir sa iyang mga higala sa pagtambang kaniya.

“Motan-aw ko sa gawas, ug anaa didto ang iyang labing suod nga higala nga nag-mower sa nataran alang kaniya,” miingon si Nancy. “Pagkasunod semana lain na usab sa iyang mga higala ang nag-mower. Maglingkod lang siya sa atubangan nga beranda ug makigkinataw-anay ug makigkomedyahay uban kanila samtang nagbuhat sila sa iyang trabaho.”

Ang mga ginikanan ni Ron naglisud sa pinansyal, apan ang pamilya adunay ebanghelyo. “Wala gayud mi daghang kwarta,” nahinumdom si Ron, “apan wala gayud kini nakaapekto sa akong kalipay.”

Kasaligan nga mga Higala ug mga Lider

Sa pagdako, napanalanginan si Ron og maayo nga mga higala ug kasaligan nga mga lider sa priesthood, lakip sa iyang presidente sa stake sulod sa 14 ka tuig sa iyang pagkabatan-on—si James E. Faust (1920–2007), kinsa sa wala madugay nagserbisyo sa Korum sa Napulog Duha ka mga Apostoles ug sa Unang Kapangulohan. Ang pamilya ni Ron adunay suod nga relasyon ni Presidente Faust ug sa iyang pamilya. “Kanunay siyang motawag nako nga usa sa iyang mga bata-bata sa Cottonwood tungod kay mitabang siya sa pagpadako nako,” siya miingon.

Walay panahon si Ron alang sa mga sport sa eskwelahan sa dihang miabut siya sa high school tungod kay kanunay siya nga adunay trabaho, apan mogahin gayud siya og panahon alang sa maunungon nga mga panaghigalaay nga milungtad sa tibuok kinabuhi.

“Kanunay kong nakadayeg ni Ron kon kinsa siya, apan dili siya perpekto,” miingon ang higala sukad sa pagkabata nga si Kraig McCleary. Uban sa pahiyum, siya midugang, “Ako siyang giingnan nga kon malangit siya, maadto usab ako didto tungod kay gibuhat namo ang samang mga butang samtang nagdako.”

Nagsugod si Ron sa iyang misyon sa sa-yong bahin sa 1970, apan si Kraig naghunahuna nga ilangan lang una ang misyonaryo nga pagserbisyo hangtud inig human sa panahon sa pagpangayam niana nga tinglarag. Mao kanang higayuna kon kanus-a si Ron mitawag kaniya gikan sa iyang misyon.

“Wala ko masayud kon sa unsang paagi siya nakakuha og pagtugot nga makapanawag, apan iya kong gibadlong tungod sa kakulang sa kadasig nga mobiya alang sa akong misyon,” miingon si Brother McCleary. “Siyempre, wala nako gilangay-langay.”

Gitawag ni Ron ang iyang misyon nga usa ka “talagsaon” nga kasinatian. “Gipanalanginan ko sa Ginoo og daghang milagruso, makapalambo sa pagtuo nga mga kasinatian,” miingon siya. “Ang akong misyon adunay dakong impluwensya sa akong espirital nga kinabuhi.”

Gigahin ni Ron ang bahin sa iyang misyon didto sa mga isla sa Bermuda. Ang iyang presidente sa misyon, si Harold Nephi Wilkison, mipadala lamang sa

Gikan sa sinugdanan sa ilang kaminyoon, giuna nila ni Elder ug Sister Rasband ang Ginoo. Naminyo niadtong Septyembre 4, 1973 (ubos), sila sa katapusan napanalanginan og upat ka anak nga mga babaye ug usa ka anak nga lalaki (ibabaw). Pikas pahina: Si Jon Huntsman Sr., kanhi kauban sa negosyo ug tigtudlo ni Elder Rasband, mitawag ni Elder Rasband nga usa ka “lider nga dunay talento sa grabe nga pag-unong.”



“labihan gayud ka masulundon nga mga misyonaryo” didto tungod kay panagsa ra siya makabisita kanila.

“Kami ra gayud didto, apan ang presidente dili na kinahanglan nga mabalaka kabahin namo,” nahinumdom si Ron. “Nabuhat namo ang angayang buhaton.”

Ang “Ideyal nga Babaye” sa Delta Phi

Human sa iyang misyon niadtong 1972, nakakita si Ron og trabaho, nag-enrol sa University of Utah niana nga tinglarag, ug mipasakop sa Delta Phi Kappa, usa ka club sa kolehiyo alang sa mga returned missionary. Sa sosyal nga mga kalihokan sa club sa kolehiyo, dali gayud niyang nabantayan ang usa ka madanihon nga batan-ong babaye nga ginganlan og Melanie Twitchell. Si Melanie usa sa napili nga “ideyal nga mga babaye” sa Delta Phi, kinsa mitabang sa mga kalihokan sa pagserbisyo sa club sa kolehiyo .

Sama ni Ron, naggikan si Melanie sa usa ka aktibo nga pamilya nga Santos sa Ulahing mga Adlaw. Ang iyang amahan, nga usa ka opisyal sa militar, ug ang iyang inahan wala gayud mitugot nga ang kanunay nga pagbalhin-balhin sa pamilya mahimong hinungdan nga dili sila makasimba.

Nakadayeg si Melanie sa kamabination, kamatinahunon, ug kahibalo sa ebanghelyo ni Ron. “Nakaingon ko sa akong kaugalingon, ‘Ingon niana siya ka talagsaon nga tawo nga dili igsapayan kon dili nako siya ika-date. Gusto lang nako nga mahimo niyang labing suod nga higala.’”

Samtang naglambo ang ilang relasyon, ang Espiritu mipamatuod sa iyang mga impresyon kang Ron ug sa iyang pasalig [commitment] ngadto sa Ginoo. Sa wala madugay ang ilang panaghigalaay milambo ngadto sa unsay gitawag ni Melanie nga usa ka “ideyal nga romantiko nga relasyon, sama sa istorya diha sa libro.”

Miingon si Elder Rasband nga usa siya ka perpekto nga kauban alang niya. “Parehas mi ni Melanie diha sa debosyon sa ebanghelyo ug panulundon [heritage]. Nahimo kaming labing suod nga higala, ug mao kana ang higayon nga gihangyo nako siya nga makigminyo kanako.”

Naminyo sila niadtong Septyembre 4, 1973, didto sa Templo sa Salt Lake. Sukad niadto, miingon siya, ang iyang “mahangturong kapikas nga wala maghunahuna sa iyang kaugalingon . . . mitabang nga mahimo ko nga mas maa-yong disipulo ni Jesukristo. Ang iyang gugma ug suporta, ug sa 5 namo ka anak, sa ilang mga kapikas, ug sa among 24 ka apo, nakapalig-on kanako.”³

“Adto Na Ta”

Samtang nagserbisyo isip presidente sa elders quorum sa iyang ward sa minyo nga mga estudyante, nakaila ni Ron si Jon Huntsman Sr., ang high council adviser sa ward. Nakadayeg dayon si Jon sa paagi sa pagpangulo ni Ron sa korum.

“Aduna siyay talagsaon kaayong mga kahanas sa pagpangulo ug sa pag-organisar,” nahinumdom si Elder Huntsman, kinsa nagserbisyo isip Area Seventy gikan niadtong

1996 hangtud sa 2011. “Nakahunahuna ko nga dili sagad nga ang usa ka batan-ong lalaki kinsa anaa pa sa kolehiyo nga makapangulo og usa ka korum sa ingon nga paagi.”

Sulod sa pipila ka bulan, gibantayan ni Jon ang paghimo ni Ron sa mga ideya ngadto sa buhat samtang gihuman niya ang mga katungdanan sa priesthood. Sa dihang giablihan ang usa ka senior marketing nga posisyon sa kompanya ni Jon—nga nahimong Huntsman Chemical Corporation—nakahukom siya nga si Ron adunay mga kahanas nga iyang nagustohan ug mitanyag kaniya sa trabaho. Ang posisyon misugod pagkasunod semana didto sa Ohio, USA.

“Giingnan nako si Melanie, ‘Dili ko moundang og eskwela ug mobalhin,’” nahinumdom si Ron. “Naningkamot ko sa tibuok nakong kinabuhi aron makagradwar sa kolehiyo, ug sa katapusan duol na ko sa akong tumong.”

Gipahinumduman ni Melanie si Ron nga ang pagpangita og usa ka maayo nga trabaho mao ang rason nganong nageskwela siya.

“Unsa may imong gikabalak-an?” nangutana siya. “Nahibalo ko kon unsaon sa pag-impake ug pagbalhin. Nahimo na nako kini sa tibuok nakong kinabuhi. Tugutan ko ikaw sa pagtawag sa imong inahan kada gabii. Adto na ta.”

Ang pagsalig ni Jon kang Ron wala masayop. Ubos sa pagtudlo ni Jon, paspas ang pagsaka ni Ron sa naglambo nga kompanya, nga nahimong presidente ug chief operating officer niini niadtong 1986. Nagsige siya og biyahe alang sa kompanya—sulod sa Estados Unidos ug sa laing nasud. Bisan pa sa iyang busy nga iskedyul, naningkamot si Ron nga makauli matag tapus sa semana. Ug kon mobiyahe siya, ikuyog niya panagsa ang mga sakop sa pamilya.

“Kon mauili na siya sa panimalay, ipabati gyud niya sa mga bata nga sila espesyal ug gihigugma,” miingon si Melanie. Motambong siya sa ilang mga kalihokan ug mga sports event kutob sa mahimo. Si Jenessa MacPherson, usa sa upat ka mga anak nga babaye sa managtiayon, miingon nga ang eklesyastikal nga mga katungdanan sa iyang amahan ma-Dominggo kanunayng nakapugong kaniya sa paglingkod uban sa pamilya atol sa mga miting sa Simbahan.

“Mag-ilog mi kon si kinsa ang molingkod sa iyang tapad diha sa simbahan tungod kay panagsa ra gayud kaayo nga anaa siya didto,” siya miingon. “Akong mahinumduman nga kuptan nako ang iyang kamot ug maghunahuna sa akong kaugalingon, ‘Kon ako lang makat-unan nga





maparehas niya, maanaa ko sa saktong dalan ug mas mahisama sa Manluluwas.' Siya sa kanunay mao ang akong bayani."

Ang anak nga lalaki sa managtiayon, si Christian, nahinumdom sa nindot nga handumanan sa "panahon sa amahan ug anak." Ang pakighigalaay sa uban temporaryo lang tungod sa kanunayng pagbalhin sa pamilya, siya miingon, "apan ang akong amahan mao kanunay ang akong labing suod nga higala"—bisan kon dili siya palupig.

Kon mag-basketball man uban kang Christian, magdula og board game uban sa iyang anak nga mga babaye, o mangisda uban sa pamilya ug mga higala, ganahan si Ron nga modaug.

"Samtang nagtubo mi, dili gayud siya *motugot* ni bisan kinsa nga modaug," miingon si Christian. "Kinahanglan namo kining hagian, apan nakapahimo kini namo nga mas maayo. Ug ang tradisyon nagpadayon uban sa iyang mahigugmaong mga apo."

Sulod sa katuigan, daling nabantayan sa pamilya ni Ron kon sa unsang paagi nga ang pagpangalagad diha sa pagpangulo sa Simbahan nakapalambo sa iyang abilidad sa pagpakita og gugma ug kalooy, sa pagpahayag sa mga pagbati sa Espiritu, ug sa pagdasig sa uban sa pagbuhat sa ilang pinakamaayo. Human sa pagkatawo sa apo nila ni Ron ug Melanie nga si Paxton, ang pamilya misalig og maayo sa espirituhanong kalig-on ug suporta ni Ron.

Si Paxton, nga natawo nga dunay talagsaon nga genetic disorder, nag-antus sa pipila ka problema sa panglawas nga misulay sa pamilya sa pisikal, emosyonal, ug sa

espirituhanong paagi. Si Elder Rasband mitawag sa panaw nga misunod sa pagkatawo ni Paxton nga "malisud nga pagsulay alang sa pagkat-on sa espesyal nga mga leksyon nga nahigot ngadto sa kahangturan."⁴

Atol sa tulo ka tuig ni Paxton dinhi sa yuta—sa dihang adunay daghang pangutana ug gamay ra ang mga tubag—nagbarug si Elder Rasband isip tinubdan sa espirituhanong kalig-on, nangulo sa iyang pamilya sa pagdangup ngadto sa gahum sa Pag-ula ni Jesukristo.

Uban sa pagpahibalo sa iyang bag-o nga calling, ang pipila ka mga sakop sa pamilya ug mga higala wala na mahibulong. "Kadtong tanaan namo nga nakaila niya," miingon si Christian, "miisa sa among kamot sa kinatas-an sa dihang gipaluyohan siya isip usa ka Apostol."

"Moadto Ko Aron Moserbisyo"

Niadtung 1996, sa edad nga 45, anaa si Ron sa tunga-tunga sa usa ka malampuson nga panarbaho sa dihang miabut ang tawag sa pagserbisyo isip presidente sa misyon sa New York New York North Mission. Sama sa mga Apostoles sa karaan, "diha-diha gibiyaa [niya] ang [iyang pukot]" (Mateo 4:20).

"Ang pagdawat sa call wala kaabut og usa ka segundo," miingon si Elder Rasband. Miingon siya ngadto sa Ginoo, "Gusto ka nga ako moadto aron moserbisyo, moadto ko aron moserbisyo."



Itaas sa wala: Sila si Elder ug Sister Rasband uban sa mga miyembro sa Simbahan didto sa New Delhi, India, pagka-Nobyembre 2015. Ibabaw: Sila si Elder ug Sister Rasband atol sa iyang pagserbisyo isip presidente sa misyon sa Siyudad sa New York, 1996–99; uban sa ilang apo nga si Paxton, kinsa nakatabang sa pamilya nga makakat-on og "espesyal nga mga leksyon nga may kalabutan sa kahangturan"; ug atol sa seremonya sa cornerstone sa Templo sa Sacramento California.

Gidala ni Ron ang usa ka talagsaong leksyon nga iyang nakat-unan gikan sa iyang propesyonal nga kasinatian: “Ang mga tawo mas importante pa kay sa bisan unsa nga butang.”⁵ Uban niana nga kahibalo ug sa iyang napa-lambo nga mga kahanas sa pagpangulo, andam na siya aron sugdan ang full-time nga pagserbisyo sa gingharian sa Ginoo.

Nakita nila ni Ron ug Melanie ang misyonaryo nga buhat sa Siyudad sa New York nga parehong mahagiton ug makapadasig. Dali ra nga nakadelegar si Ron sa responsibilidad ngadto sa mga misyonaryo—nakapadasig nila nga magmaunungon, ug sa pagtudlo, pag-ugmad, ug pagbayaw kanila diha sa proseso.

Niadtong 2000, walo ka mga bulan human nakompleto nila ni Ron ug Melanie ang ilang misyon, gitawag si Ron ngadto sa Seventy, diin ang iyang pagpangandam, kasinatian, ug daghang mga talento mipanalangin sa Simbahan. Isip usa ka sakop sa Seventy, siya miserbisyo isip magtambag sa Europe Central Area Presidency, mitabang sa pagdumala sa buhat sa 39 ka mga nasud. Bisan tuod nga mibiya siya sa kolehiyo sobra na sa 40 ka tuig ang milabay, nagpabilin siya nga usa ka seryuso nga estudyante, midawat sa padayon nga pagtudlo gikan sa iyang senior nga mga Kaigsoonan samtang midumala siya sa North America West, Northwest, ug tulo ka mga Area sa Utah; miserbisyo isip Executive Director sa Temple Department; ug miserbisyo sa Presidency sa Seventy, nga nakigtambayayong og maayo uban sa Napulog Duha.

Bag-ohay lang, si Elder Rasband mikomentaryo, “Unsa ka dakong dungog ug kahigayunan alang kanako nga mahimong labing ubos diha sa Napulog Duha ug nga makat-on gikan kanila sa tanang paagi ug sa tanang higayon.”⁶

“Unsa ang Ilang Nasayran, Ako Nasayud”

Duha ka painting nga giadorno sa bong-bong sa opisina ni Elder Rasband. Ang usa mao ang Mormon nga mga misyonaryo nga nagtudlo og usa ka pamilya didto sa Denmark niadtong mga 1850. Ang ikaduha mao ang unang misyonaryo nga si Dan Jones nga nagsangyaw samtang nagbarug ibabaw sa usa ka atabay didto sa British Isles. Ang mga painting (sa ibabaw sa tuo) makapahinumdom ni Elder Rasband sa iyang kaugalingong katigulangan.

“Kining nag-una nga mga pioneer mihatag sa tanan nga anaa kanila ngadto sa ebanghelyo ni Jesukristo ug nagbilin og panulundon nga sundon sa ilang mga kaliwatan,” mipamatuod siya.⁷ Unsay nakapadasig sa katigulangan ni Elder Rasband nga mouswag taliwala sa kalisdanan ug pagpangukod mao gayud ang mipasarang kaniya alang sa iyang bag-o nga calling: ang kahibalo ug usa ka sigurado nga pagsaksi sa Ginoo ug sa Iyang buhat.

“Daghan pa kaayo ko og angayng makat-unan sa akong bag-o nga calling,” miingon siya. “Akong gibati nga mapainubsanon kaayo kabahin niana. Apan adunay usa



ka aspeto sa akong calling nga akong mahimo. Makapamatuod ko ‘sa pangalan ni Jesukristo sa tibuok kalibutan’ (D&P 107: 23). Siya buhi!”⁸

Isip usa ka apo sa tuhod sa mga pioneer, siya midugang: “Unsa ang ilang gibati, ako mibati. Unsa ang ilang nasayran, ako nasayud.”⁹

Ug unsay ilang gilauman alang sa ilang kaliwatan gipakita diha sa kinabuhi, mga pagtulun-an, ug pagserbisyo ni Elder Ronald A. Rasband, kinsa misunod sa ilang ehemplo ug mitahud sa ilang kabilin [legacy] samtang siya nagpadayon sa unahan isip usa sa espesyal nga mga saksi sa Ginoo. ■

MUBO NGA MGA SULAT

1. Ronald A. Rasband, “Ako Nahingangha, Nahibulong” *Liahona*, Nob. 2015, 89.
2. Ronald A. Rasband, “Friend to Friend: Golden Nuggets,” *Friend*, Okt. 2002, 8.
3. Ronald A. Rasband, “Ako Nahingangha, Nahibulong,” 89.
4. Ronald A. Rasband, “Espesyal nga mga Leksyon,” *Liahona*, Mayo 2012, 80.
5. Ronald A. Rasband, press conference, Okt. 3, 2015.
6. Ronald A. Rasband, pagpamatuod, debosyonal sa Priesthood and Family Department, Dis. 1, 2015.
7. Ronald A. Rasband, “Ako Nahingangha, Nahibulong,” 89.
8. Ronald A. Rasband, pagpamatuod.
9. Ronald A. Rasband, pakigpulong atol sa Pioneer Day, Tabernacle, Siyudad sa Salt Lake, Hulyo 24, 2007.

Tungod kay ako dili kaayo aktibo pila na ka tuig ang milabay, usa ka miyembro kinsa nakaila kanako dili makatuo nga ako gitawag nga mahimong usa ka bishop.

Ni Patrick J. Cronin III

Atol sa usa ka priesthood executive committee miting, ang among full-time nga mga misyonaryo mireport nga nakaila og miyembro kansang rekord wala diha sa ward. Nakaila ko sa pangalan diha-diha dayon ug mihisgot nga siya ug ako kauban sa samang ward daghang mga tuig na ang milabay.

Usa sa mga misyonaryo miingon, “Oo, bishop, mihisgot siya niana ug ingon og natingala kaayo nga ikaw ang bishop.”

Nangutana ko nila, “Unsay iyang gisulti?”

Miingon sila nga siya nasurprisa kaayo ug miingon, “*Siya* mao ang bishop?”

Mikatawa ko ug mipasabut nga kini nga sister nakaila kanako isip usa ka tawo nga lahi kaayo 30 ka tuig na ang milabay.

Samtang ako namalandong niini nga hitabo, naghunahuna ko mahitungod kon unsa ka dako ang kausaban sa akong kinabuhi sobra 30 ka tuig na nga ako ug ang akong pamilya nahimong mga miyembro. Nakaila ko og daghang mga miyembro sa among ward sulod sa 20 ka tuig ug nakaserbisyo isip presidente sa branch ug bishop, apan walay usa niini nga mga miyembro ang nakaila kanako 30 ka tuig nang milabay. Bisan og usahay makigbahin ko og mga panghitabo sa akong kagahapon aron sa pagtudlo sa paghinulsol ug sa Pag-ula ni Jesukristo, ang kadaghanan sa ward wala masayud unsa ka talagsaon ang akong kinabuhi diha sa Simbahan.

Ang akong pamilya ug ako gipaila ngadto sa Simbahan niadtong Mayo 1979, ug ako nasayud diha-diha dayon nga mao na kini ang angay nga kami magpasakop.

Nabunyagan kami niadtong Hunyo, ug sa sinugdanan aktibo kaming tanan, apan wala madugay mihunong ko sa pagtambong ug mibalik sa daan nga mga kinaiya. Wala gayud akoy bisan unsang pagduhaduha mahitungod sa katinuod sa ebanghelyo ug sa Pagpahiuli, apan wala ko magtuo nga naa nako ang butang nga mahimong maayo nga miyembro sa Simbahan.

Niadtong 1982, tungod sa akong padayon nga pag-abuso sa alkohol, ang akong asawa, kinsa wala gayud mohunong sa iyang hugot nga pagtuo, mi-file og diborsyo. Niadtong higayona ang akong pamilya nagpuyo sa Oklahoma, USA, apan ako mibalik sa Illinois, USA, diin ako nagtubo. Miabut ko sa punto diin hapit na mawala nako ang bugtong butang nga maoy importante nako: ang akong pamilya.

Ako misugod sa pag-ampo nga nagluhod buntag ug gabii ngadto sa usa ka Dios kinsa wala na ako makasiguro kon naa pa ba Siya, kon naa Siya, nagtuo ko nga dugay na Siyang nakalimot kanako. Gani sulod sa tulo ka bulan ako nag-ampo nga matitud-anon. Sayo niana nga buntag, samtang ako nag-ampo pag-ayo, usa ka pagbati sa dakong kahupayan miabut ngari kanako ug ako nasayud nga ang Dios buhi, nga Siya nakaila kanako, ug nga Siya nahigugma kanako. Nasayud usab ako nga dili na gayud ako mohikap og laing tinulo sa alkohol.

Nianang gabhiona nakadawat ko og tawag gikan sa akong asawa nga ipadala na niya ang mga papeles sa diborsyo nga akong pirmahan. Atol niana nga pakig-istorya kalit siyang miingon, “Dunay butang nga lahi na kaayo kanimo. Morag sa akong pagtuo dili na ka moinom pa og balik, ug akong gisi-gision kining mga papel.” Nagkahiusa


Siya

MAO ANG BISHOP?

kami pag-usab, ug paglabay sa duha ka tuig siya nanganak sa among ikatulong anak nga lalaki.

Dunay nagtuo nga ako mobalik ngadto sa hingpit nga pagkaaktibo sa Simbahan, apan ako usa ka tawo nga gahig ulo. Mibalik ko sa makadiyot ug gani nakadawat og calling isip usa ka magtutudlo sa korum sa mga elder. Apan sa wala madugay mibati ko nga dili angayan nga motudlo ug nahimong dili na usab aktibo.

Niadtung 1991 mibalhin kami ngadto sa usa ka gamay nga branch. Pipila ka bulan sa wala pa ang ikawalo ka tuig nga adlawng natawhan sa among kinamanghurang anak, ang akong asawa, ang presidente sa Primary, nangutana kaniya kon kinsa ang iyang gusto nga mobunyag kaniya. Siyempre gusto niya ang iyang amahan maoy mopahigayon sa ordinansa. Ang akong asawa misulti kaniya nga tingali dili na mahitabo. Wala siya modawat niana nga tubag ug nagsugod sa pagplano sa pagpaaktibo sa iyang amahan. Dili siya mahimutang, ug sa wala madugay akong nakita ang akong kaugalingon nga nagserbisyo isip Scoutmaster, ug sa wala madugay akong gibunyagan ug gikumpirmahan ang akong anak nga lalaki.



Ang walo ka bulan human sa akong pagkaaktibo talagsaon. Nasealed kami isip usa ka pamilya sa Chicago Illinois Temple, ug ako gitawag pag-usab sa pagserbisyo isip usa ka magtutudlo sa elders korum, apan niining panahona wala nako moundang. Dayon gitawag ko isip usa ka magtatambag sa kapangulohan sa branch, ug lima ka bulan sa wala madugay ako gitawag sa pagserbisyo isip presidente sa branch. Usa ka bulan o sobra pa human sa akong tawag, nakahinumdom ko nga naghunahuna, “Ako mao ang presidente sa branch?”

Gisultihan nako ang daghang nakigbisog nga mga Santos sa daghang katuigan nga kon ako miuswag diha sa ebanghelyo, si bisan kinsa makahimo. Ang pagsabut lang sa tinuod nga gahum sa Manluluwas ug sa Iyang Pag-ula ug sa pagpaningkamot sa pagduol ngadto Kaniya.

Mapasalamaton kaayo ko sa akong asawa ug mga anak ug sa tanan nga matinud-anong mga home teacher, mga lider sa korum, mga bishop, ug ubang matinud-anong mga Santos kinsa mipakita og talagsaon nga ehemplo alang kanako. Pribilehiyo kaayo nga moserbisyo sa Ginoo ug sa mga Santos niining milabay nga 20 ka tuig. Ang akong kinabuhi napanalanginan lapas pa sa bisan unsang butang nga akong mahunahuna. ■

Ang tagsulat nagpuyo sa Illinois, USA.

HUBAD SA KASULATAN:

SA Pinulongan

SA Atong Kasingkasing

Kini nga kasinatian pamilyar niadtong kinsa nalambigit sa paghubad sa mga kasulatan gikan sa English ngadto sa ubang mga pinulongan. Balik-balik kining nahitabo:

Usa ka batan-ong taga-Armenia nagkupert sa kopya sa Basahon ni Mormon nga bag-uhay lang nahubad ngadto sa iyang pinulongan miduol sa usa ka miyembro sa team kinsa mitabang sa paghubad: “Salamat,” miingon siya. “Akong nabasa ang Basahon ni Mormon sa Iningles. Akong nabasa ang Basahon ni Mormon sa Russian. Akong nabasa kini sa Ukrainian. Apan hangtud nga akong nabasa kini sa Armenian, wala gayud nako kini masabti. Sa dihang nabasa nako kini sa Armenian, sa katapusan aduna na kini kahulugan. Sama kini sa pagpauli sa panimalay.”

Pagpauli sa Panimalay

Kon ang ebanghelyo ni Jesukristo mao ang atong espirituhanon nga panimalay, Nan husto lang nga mabati ang kakomportable ug kapamilyar niini. Diha sa panimalay mamahulay kita. Amumahon nato ang atong mga kaugalingon. Makig-istorya kita uban niadtong atong gihigugma sa pinulongan nga gitudlo kanato sa atong mga inahan. Mao kini ang pinulongan sa atong kasingkasing, ug tungod kay ang kasingkasing mao ang gikinahanglang makab-ot sa ebanghelyo, ang pagbasa sa mga kasulatan, diha sa pinulongan sa atong kasingkasing importante kaayo.

Ang Doktrina ug mga Pakigsaad nagsugyot og sama ka dako. Didto ang Ginoo mipadayag nga sa mga yawe sa priesthood nga gihuptan sa Unang Kapangulohan, “ang gahum sa Ginoo mapadayag diha sa gahum sa pagkabig

DILI MAIHAP NGA MGA KASINATIAN NAGPAKITA SA KAMOT SA GINOO DIHA SA BUHAT SA PAGHUBAD SA IYANG MGA KASULATAN.

Ni R. Val Johnson

Mga Magasin sa Simbahan





Ang mga kasulatan mas gamhanang motandog sa kasingkasing kon basahon sa atong lumad nga pinulongan—ang pinulongan sa atong kasingkasing.



Ang kompleto nga Basahon ni Mormon gimantala sa 89 ka mga pinulongan, ug mga pinili nga nahubad sa lain nga 21 ka mga pinulongan.

sa mga nasud . . . sa ebanghelyo sa ilang kaluwasan.

“Kay mahinabo niana nga adlaw, nga ang matag tawo makapaminaw sa kahingpitan sa ebanghelyo sa iyang kaugalingon nga dila, ug sa iyang kaugalingon nga pinulongan, pinaagi niadto kinsa gi-orden ngadto niini nga gahum, pinaagi sa pagdumala sa Maghuhupay, gibu-bu kanila ngadto alang sa pagpadayag ni Jesukristo” (D&P 90:10–11).

Si Jim Jewell, kinsa nagtrabaho sa team sa paghubad sa mga kasulatan sa headquarters sa Simbahan, misulti og usa ka istorya kon unsa kaduol sa panimalay kon ang mga kasulatan mahubad ngadto sa pinulongan sa atong kasingkasing:

“Sa paghubad sa Basahon ni Mormon ngadto sa Sesotho, ang pinulongan sa nasud sa Africa sa Lesotho, nagkinahanglan mi nga mangita og tawo nga makatabang namo motimbang-timbang sa buhat sa team sa paghubad. Ang supervisor sa proyekto, si Larry Foley, miila sa usa ka miyembro sa Simbahan gikan sa Lesotho kinsa migradwar sa Utah State University. Sa Lesotho, ang edukasyon nga gigamit mao ang Iningles, mao nga kini nga babaye ug ang iyang mga anak nagtuon sa Iningles sugod sa unang ang-ang pataas, apan sila gihapon nakigsulti diha sa balay sa Sesotho.

“Siya miuyon sa pagbuhat sa paghubad. Sa iyang pagtimbang-timbang sa mga kapitulo nga among gipadala sa pagkatinuod nakatabang gayud. Nagsumiter kami kanunay og mga piho nga mga pangutana kalabut sa bokabularyo ug struktura sa pinulongan diin nakahatag siya og makatabang nga komentaryo. Hinoon, among nabantayan nga nagmarka siya og yellow sa daghang mga bersikulo nga walay kalabutan sa among mga

pangutana. Sa dihang nangutana kami kaniya mahitungod sa gimarkahan nga mga bersikulo, miingon siya: ‘Ah, kadtong mga bersikulo nga nakatandog og maayo sa akong kasingkasing nga wala gayud nako sa hingpit masabti sa Iningles. Gimarkahan nako kini aron ako kining ikapaambit uban sa akong mga anak.’”

Usa ka Modelo alang sa Paghubad sa Kasulatan

Ang Paghubad sa Biblia adunay usa ka taas ug madanihon nga

kasaysayan, nagsugod sa paghubad sa mga bahin sa Daang Tugon gikan sa Hebreohanon ngadto sa Greek. Sa wala madugay, ang Biblia nahubad gikan sa Greek ngadto sa Latin, ug gikan sa Latin, Hebrew, ug Greek ngadto sa dili na maihap nga mga pinulongan.¹ Isip resulta, Ang Simbahan ni Jesukristo sa mga Santos sa Ulahing mga Adlaw wala maghubad sa Biblia ngadto sa lainlaing mga pinulongan apan migamit sa mga bersyon nga gidawat na nga may pagtugot sa Kristiyano

“KAY MAHINABO . . . NGA ANG MATAG TAWO MAKAPAMINAW SA KAHINGPITAN SA EBANGHELYO SA IYANG KAUGALINGON NGA DILA, UG SA IYANG KAUGALINGON NGA PINULONGAN, PINAAGI NIADTO KINSA GI-ORDEN NGADTO NIINI NGA GAHUM” (D&P 90:11).



ANG PROSESO SA PAGHUBAD SA MGA KASULATAN



Pagtugot sa Paghubad

- Ang Hubad sa Kasulatan gihangyo sa kapangulohan sa Area sa dihang nagtubo ang gidaghanon sa mga miyembro sa Simbahan kinsa makasulti sa pinulongan ug sa dihang nag-unang mga materyal sa Simbahan nahubad sa pinulongan.
- Ang hangyo giribyu sa pipila ka mga komite sa punoang buhatan sa Simbahan, lakip na sa mga sakop sa Korum sa Napulog Duha ka mga Apostoles ug sa Unang Kapangulohan.

Mga Bahin sa Paghubad

Pasiuna nga bahin:

- Ang usa ka hinubad nang daan sa Biblia gipili aron magamit sa Simbahan.
- Nag-una nga mga materyal nga gihubad og una: *Gospel Fundamentals* (naglakip sa sukaranang mga doktrina ingon man usab sa pangalan sa Simbahan, sa mga pag-ampo sa sakrament, sa pag-ampo sa bunyag, ug sa mga Artikulo sa hugot nga Pagtuo), *Ang Pagpamatuod ni Propeta Joseph Smith* pamphlet, ug usa ka web page sa LDS.org.
- Mga pakigpulong sa kinatibukang komperensya mahimo usab nga i-interpret sa pinulongan.

Bahin 1:

- Ang Basahon ni Mormon, Doktrina ug mga Pakigsaad, Perlas nga Labing Bililhon (mga 10 ka tuig nga buluhaton).
- Sukaranang mga teksto sama sa “Ang Pamilya: Usa ka Pamahayag ngadto sa Kalibutan,” “Ang Buhi nga Kristo: Ang Pagpamatuod sa mga Apostoles,” pinili nga mga himno, ug *Isangyaw ang Akong Ebanghelyo*.

nga sinultihan niadto nga mga pinulongan.²

Kadaghanan sa buhat sa paghubad nga gihimo sa Simbahan, sa ato pa, gikan sa Basahon ni Mormon (ang una nga gihubad), ang Doktrina ug mga Pakigsaad, ug ang Perlas nga Labing Bililhon. Ang pinulongan diin kining mga basahon nahubad mao ang Iningles, ang pinulongan ni Propeta Joseph Smith gipadayag diha kanila, ang pinulongan sa iyang kasingkasing. Ang proseso nga gigamit sa paghubad sa mga kasulatan ngadto sa mga pinulongan nga dili Iningles kinahanglang pamilyar sa mga estudyante sa kasaysayan sa Simbahan. Dako gihapon ang pagkasusama sa proseso nga gigamit sa Propeta sa paghubad sa Basahon ni Mormon ngadto sa Iningles.

Si Joseph Smith mapaubsanon, dili gyud edukado nga batang mag-uuma. Apan anaa kaniya ang mga kalidad ug potensyal nga gikinahanglan sa Ginoo alang sa buhat nga kinahanglan matuman. Sa pagkatinuod, si Joseph ug ang iyang pamilya mi-andam ug mipahimutang og dapit aron sa paghimo gayud niini nga buhat.³

Si Joseph usab nahatagan og tabang—sa balaan ug mortal—sa paghubad sa mga rekord sa Nephite. Si anghel Moroni mibisita kang Joseph kada tuig sulod sa upat ka tuig sa wala pa itugot nga makuha ang rekord. Wala kita masayud sa mga gipangtudlo ni Moroni sa Propeta, apan ang iyang mga pagbisita tataw nga miandam kaniya sa espirituhanon nga paagi ug sa hunahuna alang sa buluhaton sa umaabut.⁴

Giandam usab daan sa Ginoo ang “mga maghuhubad” agig pamaagi sa paghubad sa nawala nga pinulongan. Gihulagway nga duha ka tin-aw nga mga bato gipahaum sa puthaw nga mga rim, kini ug ang susama nga instrumento nga gitawag og manalagna

nga bato nakatabang sa Propeta nga mahubad ang rekord sa Nephite ngadto sa Iningles. Wala gidetalye sa Propeta ang proseso; yano lang siya nga mipamatuod nga siya mihubad sa Basahon ni Mormon pinaagi sa “gasa ug gahum sa Dios.”⁵

Agig dugang sa balaan nga tabang nga nahatag ngadto niya, si Joseph nahatagan pinaagi sa mga tigsulat kinsa mihimo sa sinulat nga kopya nga ang uban sa katapusan mi-typeset, mi-imprinta, mibayad, ug miapud-apod ngadto sa kalibutan.

Maingon-ingon sa pagpangandam ug tabang nga nadawat ni Joseph sa iyang mga buhat sa paghubad, kad-tong gitahasan sa paghubad sa mga kasulatan karon giandam sa Ginoo ug nahatagan og tabang sa ilang mga buhat—sa balaanon ug sa mortal.

Usa ka Mapanagnaon nga Buhat

Ang malisud nga proseso sa paghubad mao ang usa ka espirituhanon nga kusog tingali ang labing gihulagway nga “pagpadayag pinaagi sa konseho.” Ang duha o tulo ka mga tawo nga gipili isip mga tighubad makigtambayayong sa uban sa paghimo sa buhat. Aduna silay mga supervisor sa mga punuang buhatan sa Simbahan, mga lokal nga tig-rebyu, usa ka lexicon alang sa pakisayran,⁶ mga giya sa paghubad, mga program sa computer, ug eklesyastikal nga suporta nga gihatag ngadto sa Unang Kapangulohan. (Tan-awa sa giuban nga tsart.) Kon ang Unang Kapangulohan mohatag na sa katapusan nga pag-aprubar sa hinubad, i-typeset na dayon ang buhat, i-imprinta, ug iapud-apod. Ingon nga giandam sa usa ka digital nga format, kini usab gibutang sa LDS.org ug diha sa app sa Gospel Library.

Kining hiniusang paningkamot gipanghingusgan ug dinasig. Kini naglakip sa mapahinunguron nga



pagtagad sa kalidad sa sulod ug sa kalidad sa pisikal nga mga format nga kini gipamulong. Ang paghubad giribyu og kadaghan, ilabi na sa usa ka lebel sa eklesyastikal nga nagtinguha sa pagtugot sa Ginoo. Sa higayon lamang nga ang pagtugot ihatag nga makapadayon ang paghubad. Samtang dili gayud ingon ka parehas sa paagi nga gipadayag sa Propetang Joseph Smith sa paghubad sa Basahon ni Mormon, ang proseso klaro nga giniyahan sa Ginoo—pinaagi sa Iyang mga gasa ug sa Iyang gahum.

Kini wala magpasabut nga ang usa ka hubad hingpit na sa unang pagkompleto. Kasagaran, panahon ug dugang nga mga pagrebyu pinaagi niadtong nagtuon sa mga kasulatan magsugyot og mga kalamboan sa grammar ug bokabularyo o mangita og mga sipyat sa typesetting o spelling. Usahay, ang mga kausaban himoon agig katin-awan sa doktrina. Kon himoon kini, gihimo kini ubos sa paggiya sa Unang Kapangulohan.

Ang Ginoo Nagsangkap

Ang Ginoo nag-abag usab niining buhat sa paghubad sa ubang mga paagi. Kasagaran gireport kini pinaagi sa team sa paghubad sa mga punoang buhatan sa Simbahan nga kon dunay panginahanglan nga motumaw, ang Ginoo magsangkap.

Isip usa sa daghang mga ehemplo, ang usa ka tighubad gikinahanglan alang sa paghubad ug pagrekord sa mga materyal sa Simbahan sa Mam (litukon nga “mum,” usa ka kaliwat sa Mayan nga pinulongan, sinultihan sa Guatemala). Usa sa unang mga misyonaryo nga gitawag ngadto sa Guatemala mao ang usa ka elder kansang apohan adunay sinultihan sa Mam. Ang misyonaryo gipadako sa usa ka siyudad ug Spanish lang ang sinultihan. Apan sa matag gabii ang iyang

lolo mobisita kaniya sa iyang mga damgo ug motudlo kaniya sa pinulongan sa Mam. Kining batan-ong elder nahimong unang tighubad sa Mam sa Simbahan.

Sa kasagaran, ang buhat sa paghubad gihimo sa dakong personal nga pagsakripisyo. Nag-agad sa pinansyal nga sitwasyon, ang uban nga mga tighubad midonar sa ilang pagserbisyo ug ang lain gibayaran aron sila adunay panahon sa paghalad sa paghubad.

Ang tawo kinsa nahimong usa sa mga tighubad sa Urdu nakabig ngadto sa Simbahan didto sa Pakistan samtang nagtrabaho isip usa ka magtutudlo. Isip resulta sa iyang pagkakabig, nawad-an siya sa iyang trabaho; nawad-an siya sa iyang balay, nga hinatag sa eskwelahan diin siya mitudlo; ug nawad-an siya sa pag-eskwela alang sa iyang mga anak. Usa ka translation supervisor sa Simbahan miduol kaniya mahitungod sa pagserbisyo isip tighubad ug mitanyag kaniya og maanindot nga bayad. Human sa pipila ka bulan nga pagtrabaho isip tighubad, ang tawo nakig-istorya uban sa supervisor ug maulawon nga mihangyo kon ang supervisor makapalit ba kaniya og usa ka bag-ong bolpen. Ang iyang gigamit nahutdan na sa tinta. Nianang higayona lang nga ang supervisor nakadiskobre ug miayo sa usa ka klerikal nga sayop nga misangput nga ang tighubad gamay nalang kaayo ang nadawat sa unsay angay unta nga ibayad ngadto niya.

Apan sama nga ang Ginoo mipanalangin ni Joseph Smith sa mga paagi nga nakapahimo kaniya sa pagkompleto sa iyang buhat, ang Ginoo mopanalangin sa Iyang mga tighubad. Sama pananglit, ang tighubad sa Latvian nga mga kasulatan usa ka abogado kinsa nagtuon sa

Bahin 2:

- Daghang ubang mga materyal mahimong ipadala, sama sa *Liahona* magasin, mga manwal sa seminary ug institute, mga manwal alang sa instruksyon sa Dominggo, mga himno ug mga awit sa mga bata, mga materyal sa templo ug family history ug interpretasyon alang sa stake ug mga sibya nga regional.

Mahinungdanong mga Workgroup

Team sa paghubad:

- Duha o tulo ka takus sa templo nga mga miyembro sa Simbahan uban sa igo nga kahingkod sa ebanghelyo.
- Inabagan sa bersikulo-porbersikulo nga giya sa paghubad, usa ka lexicon, ug sa usa ka supervisor sa punoang buhatan sa paghubad.

Komite sa pagribyu nga eklisiyastikanhon:

- Tulo ngadto sa lima ka mga lalaki ug babaye kinsa mga lider sa Simbahan sa dapit.
- Gitawag ug gi-set apart aron sa pagtabang sa pagribyu alang sa sayon nga pagbasa ug katukma sa doktrina.
- Mga pag-ilis sa mga pulong dili himoon hangtud adunay hiniwang panag-uyon sa komite ug ang mga pag-ilis nahauyon sa giya sa paghubad.

Mga sakop sa tigribyu

- Ang lokal nga mga miyembro sa Simbahan moribyu usab sa paghubad.
- Mohatag sila og feedback sa kaklaro ug katukma sa mga pulong.
- Ang kaklaro sa paghubad mosiguro nga ang Espiritu Santo makahatag og pagsaksi sa kamatuoran sa mga pagtulunan.

Ang proseso sa paghubad sa kasulatan maglambigit sa ulo ug sa kasingkasing, sa kahanas sa panghunahuna ug espirituhang panan-aw.

balaod sa Russia, diin siya nakabig sa gipahiuli nga ebanghelyo. Didto sa Latvia, nagtukod siya sa iyang patigayon. Nagserbisyo usab siya isip presidente sa branch. Bisi gayud unta siya, apan ang Simbahan nagkinahanglan kaniya ug sa iyang kahanas sa Iningles.

Nangayo siya og panahon sa pagampo mahitungod sa hangyo tungod kay ang pagdawat niini, sumala sa iyang gisulti sa representante sa

Simbahan “makapaminus sa pagkaon sa akong mga anak.” Human sa pagampo, siya mihukom sa pagdawat apan mihangyo sa Ginoo sa pagpanalangin kaniya uban sa mga pamaagi aron mahimo ang lisud, mahagiton sa espirituhang paagi, buhat nga kalas og panahon.

Gisugdan niya sa pagtambong sa iyang law office nga mas sayo og usa ka oras kada adlaw ug migamit niana nga oras sa paghubad sa Basahon ni

Mormon. Maayo ra niyang gihuman ubos sa lima ka tuig nga maoy kasagaran nga gidugayon sa proseso. Sa pagkatinuod, usa kini sa kinapaspasan nga paghubad sukad si Joseph mihubad sa Basahon ni Mormon nga 60 ka adlaw.

Daghan pa nga mga kasinatian nga may kalabutan nga naghulagway sa kamot sa Ginoo diha sa buhat sa paghubad sa Iyang mga kasulatan. Silang tanan klarong namahayag nga kini Iyang buhat ug nga Siya nagpakabana og maayo niini. Siya miandam sa mga katawhan sa paghimo sa Iyang buhat. Siya miandam sa mga himan nga ilang gikinahanglan aron mapadali ang buhat. Ug Siya nagdasig ug nagpanalangin sa ilang pagpadayon.

Ang resulta mao ang usa ka kalibutan nga napalambo pinaagi sa pulong sa Dios, gihatag ngadto sa Iyang mga anak diha sa pinulongan sa atong kasingkasing. ■

DIHA SA BUHAT SA PAGHUBAD SA MGA KASULATAN SA GINOO, MAKLARO NGA KINI MAO ANG IYANG BUHAT. SIYA NAG-ANDAM SA MGA KATAWHAN UBAN SA MGA HIMAN NGA ILANG GIKINAHANGLAN ARON MAPADALI ANG BUHAT, UG SIYA MODASIG UG MOPANALANGIN KANILA SA ILANG PAGPADAYON.

MUBO NGA MGA SULAT

1. Tan-awa ang ika-walo nga bahin sa series, “How the Bible Came to Be,” ni Lenet H. Read giimprinta sa *Ensign* tali sa Enero ug Septyembre 1982.
2. Tan-awa, pananglitan, “Church Edition of Spanish Bible Now Published,” mormon-newsroom.org.
3. Tan-awa sa Matthew S. Holland, “Ang Dalan padulong sa Palmyra,” *Liahona*, Hunyo 2015, 14–19.
4. Tan-awa sa Kent P. Jackson, “Moroni’s Message to Joseph Smith,” *Ensign*, Ago. 1990, 12–16.
5. Joseph Smith, sa pasiuna sa Basahon ni Mormon. Alang sa usa ka gipalapdan nga paghulagway sa hubad ni Joseph Smith sa Basahon ni Mormon, tan-awa sa mga Hilisgutan sa Ebanghelyo, “Hubad sa Basahon ni Mormon,” topics.lds.org.
6. Ang lexicon nagbatbat sa matag pulong sa Iningles nga mga kasulatan aron ang tighubad mas makasabut sa kahulugan sa mga pulong. Kasagaran, ang mga pulong adunay sobra sa usa ka kahulugan, aron ang tighubad kinahanglang mag-agad sa kahulugan, inspirasyon, ug pagtinabangay sa pag-ila sa husto nga mga solusyon. Usahay, ang mga pangutana mahitungod sa kahulugan masulbad pinaagi lamang sa Unang Kapangulohan.





**Ni Presidente
Russell M. Nelson**

Presidente sa
Korum sa Napulog
Duha ka mga
Apostoles

PANAHAON SA Senior Missionary

*Usa sa labing maayo nga paagi
alang sa mga senior nga magtia-
yon sa paghimo og talagsaong mga
handumanan mao ang pagmisyon.*

Kon ang atong mga higala kinsa 60 o 70 anyos makalimot na sa mga butang, kita kanunay mokomedyang sila malimtanon na tungod kay sila anaa na sa “panahon sa pagka-senior.” Apan ako gusto kong mohisgut og usa ka lahi nga matang sa panahon sa pagka-senior—usa ka panahon nga talagsaon nga ang handuman niini walay katapusan. Kini mao ang panahon nga ang senior missionary couple makaamgo nga ang ilang gibuhay maoy gusto sa Ginoo nga ilang buhaton. Sa maong halandumon nga panahon makaamgo sila nga:

- Duna silay tibuok kinabuhi nga kasinatian nga ipakigbahin, ug mga talento, mga kahanas, ug pagsabut sa ebanghelyo nga ilang magamit sa pagpanalangin sa uban.
- Ang ilang ehemplo panalangin ngadto sa ilang mga anak ug mga anak sa ilang mga anak.
- Samtang sila moserbisyo sila naghimo og walay katapusang pakighigala.
- Ang ilang kaminyoon nagkalig-on kada adlaw.
- Ang pagserbisyo sa Iyang pangalan maanindot.

Mga Panahon nga Nagsingabut

Ang akong mga higala nga senior couple, ang mao nga panahon kinahanglang nagsingabut alang sa kadaghanan kaninyo. Ikonsiderar ang istorya nga gisaysay ni Elder Jeffrey R. Holland sa Korum sa Napulog Duha ka mga Apostoles mahitungod sa unsay nahimo sa senior couple nga nagserbisyo sa Chile. Ang ginikanan sa usa ka batan-ong elder namatay. Ang mission president layo kaayo nga siya dili makaadto sa misyonaryo diha-diha dayon.

“Apan dihay usa ka buotan [hingkod] nga missionary couple nga nagserbisyo sa area,” miingon si Elder Holland.

“Miabut sila ug milingkod uban niana nga mga misyonaryo ug malumong miamuma ug mihupay kaniya hangtud nga ang mission president makahimo og personal nga pagkontak. Kami dunay talagsaong batan-ong mga misyonaryo sa among misyon, apan walay batan-ong mga misyonaryo ang makahimo alang niana nga elder unsay nahimo niana nga couple.”¹

Ang ilang kahanas nianang higayona mao ang pagmaymay sa panahon sa panginahanglan. Wala sila mabalaka sa pagsulti og bisan unsa nga mga pinulongan gawas sa pinulongan sa Kristohanong gugma. Wala sila mabalaka nga dili makatambong sa adlawng natawhan sa apo o pagpanalangin sa usa ka bata, bisan unsa pa ka importante kadto nga kalihokan. Naghunahuna sila mahitungod kon asa sila mahimong gamiton sa Ginoo sa pagpanalangin sa kinabuhi sa usa sa Iyang mga anak. Ug tungod kay sila andam, Siya nakahimo nila nga mopresentar alang Kaniya.

Ang Pagserbisyo Panagsa ra Mahimong Sayon

Ang tinuod mao, walay senior missionary sayunan nga mobiya sa panimalay. Mao sad sila si Joseph Smith, Brigham Young, John Taylor, o Wilford Woodruff. Duna usab silay mga anak ug mga apo, ug nahigugma sila sa ilang mga pamilya sama nato. Apan sila usab nahigugma sa Ginoo ug gustong moserbisyo Kaniya. Moabut ang adlaw mahimong magkita kita niining mga maisugon kinsa mitabang sa pagtukod niini nga dispensasyon. Kon moabut na kini, malipay kita nga kita wala magduhaduha kanus-a kita angay nga moserbisyo.

Ang uban gusto nga moserbisyo samtang nagpuyo gihapon diha sa panimalay. Human sa usa ka pag-ataki si Aase Schumacher Nelson (walay relasyon) anaa na sa

wheelchair, nahadlok siya nga ang iyang tibuok kinabuhi nga tinguha nga magmisyon uban sa iyang bana nga si Don dili matuman. Dayon usa ka silingan nakig-istorya kanila kabahin sa iyang mga Church-service mission sa bishop's storehouse. Nadasig sila, nakig-istorya sila sa supervisor sa pasilidad, mikompleto sa ilang mga porma sa rekomendasyon ug gitawag sa pagserbisyo sulod sa duha ka adlaw usa ka semana sa storehouse duol sa ilang balay.

“Sayon ra nga mopahayahay ug mohunahuna nga, ‘O, wala na ako kinahanglana,’” miingon Aase Nelson. “Apan karon akong gibati nga ako *ko* gikinahanglan. Ug kana nahimo nakong pagpamatuod.”

Siguradong Gikinahanglan Pa Kamo

Kon kamo matintal sa paghunahuna nga kamo wala na kinahanglana, tuguti ko sa pagsiguro kaninyo nga kamo gikinahanglan. Walay mission president sa Simbahan kinsa dili ganahan nga makabaton og dugang nga mga couple nga magserbisyo sa iyang misyon. Ang mga senior makapalig-on sa batan-ong mga elder ug sister. Mohatag sila og suporta nga makatabang sa uban aron mas makaserbisyo og maayo sa ilang kaugalingong mga responsibilidad. Ug mahunahuna ba ninyo ko unsa kini ngadto sa usa ka lider nga namiyembro lang sulod sa pipila ka tuig nga dunay makatabang nga mga miyembro sa Simbahan nga daghan og kasinatian? Ang mga senior couple sa kasagaran mao ang usa ka literal nga tubag sa mga pag-ampo sa mga bishop ug branch president.

Kami nag-awhag sa mga mission president sa pagpangita sa mga couple nga makatabang sa mga panginahanglan sa ilang mga misyon. Ang mga bishop kinahanglang mangita sa mga couple nga makaserbisyo. Ang LDS.org naglista og mga pahina sa mga oportunidad alang sa mga senior couple. Apan labaw sa tanan, ang mga couple kinahanglang moluhod ug mangutana sa Langitnong Amahan kon ang panahon mao ba ang husto alang kanila nga moserbisyo og misyon. Sa tanan nga mga kwalipikasyon,



Usa ka couple sa Seoul, South Korea, mitagamtam sa katam-is sa pagserbisyo.

ang *tinguha* sa pagserbisyo mao ang labing importante (tan-awa sa D&P 4:3).

Samtang modayeg ko sa trabaho sa mga senior missionary, ako nakaamgo nga dunay daghan nga gustong moserbisyo apan dili makahimo. Ang mga limitasyon tungod sa edad o dili maayong panglawas kinahanglang timbang-timbangon pag-ayo, sama sa importante nga mga panginahanglan sa mga sakop sa pamilya. Kon dunay dakong tinguha nga moserbisyo apan dunay mga limitasyon, ang uban mahimong maoy mohimo alang kaninyo, ug kamo makahatag sa gikinahanglan nga kwarta.

Ang mga senior couple, bisan kinsa kamo o asa man kamo, palihug pag-ampo mahitungod niini nga oportunidad sa paghimo og talagsaong mga panahon sa pagkamisyonaryo. Ang Langitnong Amahan motabang kaninyo kon unsay inyong mahimo. ■

MUBO NGA SULAT

1. Jeffrey R. Holland sa Joseph Walker, “Elder Jeffrey Holland: LDS Church Desperately Needs More Senior Missionaries,” *Deseret News*, Sept. 14, 2011, 3.



Ibabaw: Ang mga Malmrose regular nga nakighimamat uban ni Presidente Robison aron sa paghisgut kon unsaon sa paggamit sa ilang mga talento samtang sila moserbisyo sa uban. Sa ibabaw: Ang batan-ong mga misyonaryo sa training center sa Accra, Ghana, moingon kon adunay suporta gikan ni Elder ug Sister Malmrose sama lang kini nga adunay ikaduha nga inahan ug amahan nag-alagad sa ilang kiliran.



GIKAN SA PANIMALAY O LAYO SA PANIMALAY

Gikan sa Panimalay o Layo sa Panimalay Pag-alagad gikan sa panimalay o layo sa panimalay, ang mga senior nga magtiayon nga misyonaryo "moduol ug motabang" diha sa mga ward ug mga branch, mga opisina sa mission, visitors' center, mga templo, mga misyon sa siyudad, medikal nga mga buluhaton, mga employment resource center, mga programa sa pagpaningkamot sa kaugalingon, mga programa sa pagkaayo sa pagkaadik, family history, pagpreserbar sa mga rekord, sa Church Educational System, public affairs, humanitarian services, ug uban pa. Ug daghan pang mga magtiayon ang gikinahanglan.



Mga Kahigayunan sa Senior nga Misyonaryo:

GIKINAHANGLAN,
GIPANALANGINAN,
UG
GIHIGUGMA

Ang pagserbisyo isip usa ka magtiayon nga misyonaryo mahimong mas makapailinilin, dili mahal, ug mas malipayon kay sa imong mahunahunaan.

Ni Presidente Russell M. Nelson

Mga Magasin sa Simbahan

“MAKAANHI BA KAMO UG MOTABANG?”

Mao kini ang pangutana nilang Gerald ug Lorna Malmrose sa Washington, USA, nga natubag na sa una. Misanung usab sila sa dihang ang ilang kanhi bishop, nga usa ka presidente sa misyon sa una, mihangyo kon makaserbisyo ba sila uban kaniya didto sa West Indies. Misanung na usab sila sa dihang ang ilang presidente sa stake mitawag kanila sa pagtuman sa usa ka pagsebisyo og misyon sa mga punoang buhatan sa Simbahan sa Salt Lake, Utah, USA, sa pagtrabaho sa mga computer ug mga kapanguhaan sa tawo.

Sa dihang ilang kanhi nga bishop ug presidente sa misyon, si Reid Robison, mitawag sa pag-usab, niining higa-yuna isip presidente sa missionary training center sa Accra, Ghana, siya nangutana kon ang mga Malmrose makatabang pa ba pag-usab.

“Nasayud kami nga makasalig kami sa Ginoo,” miingon si Elder Malmrose. “Busa mihukom kami nga mosalig pag-usab kaniya.” Misanung sila, mikompleto sa ilang mga porma sa rekomendasyon, midawat sa ilang call, ug sa wala madugay miadto na sa Ghana.

Nagserbisyo isip usa ka Magtiayon

Ang mga kasinatian sa Malmrose nagpakita og pipila ka mga baruganan mahitungod sa mga senior nga mga magtiayon nga nagserbisyo og misyon nga mahimong dili masabtan sa kadaghanan:

- *Adunay mga duha ka matang sa misyon.* (1) Ang Presidente sa Simbahan motawag sa senior nga magtiayon sa pagserbisyo sa ilang kaugalingong panimalay o layo sa panimalay. (2) Ang presidente sa stake motawag og Church-service nga mga magtiayon nga misyonaryo aron ibutang sa lokal o part time nga panginahanglan sa rehiyon, gikan sa 8 ngadto sa 32 ka oras matag semana. Sa kasagaran mopuyo sila ug moserbisyo sa lokal apan usahay mahimong moserbisyo layo sa panimalay.
- *Gi-awhag ang mga presidente sa misyon sa pagpangita og mga magtiayon nga makaabut sa mga panginahanglanon sa ilang misyon, ug ang mga magtiayon mahimong magpakita sa ilang mga gusto.* “Wala kami mag-ingon nga ang mga magtiayon makahagpat ug magpili sa ilang mga misyonaryo nga buluhaton,” mipasabut si Elder Jeffrey R. Holland sa Korum sa napulog Duha ka mga Apostoles. “Ang usa ka tawag usa gihapon ka tawag. . . [Apan] makig-istorya kami sa atong senior nga mga magtiayon mahitungod sa ilang mga gusto nga pagserbisyo, ug matag konsiderasyon ihatag aron sila makaserbisyo kon asa ug unsaon nila sa pagserbisyo.”¹
- *Mga presidente sa misyon makigtambag sa magtiayon mahitungod kon unsaon nga magamit sa labing maayo ang ilang mga kahanas ug mga abilidad.* “Aron makabaton sa labing makahuluganon nga kasinatian isip usa ka senior nga magtiayon,” si Presidente



ANDAMA ANG INYONG KAUGALINGON

“Nagkinahanglan kita og mas daghan pang senior nga magtiayon. . . . Andama ang inyong kaugalingon. . . . Adunay pipila ka mga higayon sa inyong kinabuhi nga matagamtaman ninyo [pag-ayo] ang nindot nga diwa ug katagbawan nga moabut nga nagagikan sa [pagserbisyo] manag-uban diha sa buhat sa Manluluwas.”

Presidente Thomas S. Monson, “Samtang Kita Nagkatigum Pag-usab,” *Liahona*, Nob. 2010, 4.



Robison miingon, “kinahanglan makabaton kamo sa oportunidad sa pagtrabaho sa duha ka mga dapit nga kamo malingaw ug kon diin kamo adunay lebel sa kahanas nga makapabati ninyo nga dunay butang nga gikatampo.”

Sama pananglit, si Presidente Robison nasayud nga si Elder Malmrose makasulti og French, makatabang tungod kay daghang Africano nga makasulti og French. “Napalantawan nako siya nga nalambigit sa pagbiyahe ug sa pagtrabaho sa visa,” miingon si Presidente Robison. “Apan sa among pag-abut dinhi, akong nabati nga wala ang iyang tinuod nga interes. Busa ako siyang gidapit sa paggamit sa iyang mga kahanas sa computer. Naluwas niya ang among taas kaayo nga mga oras.” Si Elder Malmrose nakatabang usab sa mga misyonaryo, ilabi na sa mga misyonaryo nga French ang pinulongan, pag-andam sa mga pangalan ug sa paghimo sa buhat sa templo alang sa ilang mga pamilya. Si Sister Malmrose, usa ka certified nga medical assistant, na-assigned sa pagkigtambayayong sa doktor sa misyon ug nurse.

Iyang Andamon ang Agianan

Sama sa mga Malmrose, nakita sa uban nga mga magtiayon nga kon sila mosalig sa Ginoo, Iyang andamon ang agianan. Mao kana ang nahitabo nilang Alvin ug Corazon Rieta sa Kawit, Cavite, sa Pilipinas.

“Duha ka tuig sa wala pa ang among desisyon sa pagserbisyo, gisugdan namo sa pagpahimutang ang lig-on nga mga plano alang sa among negosyo sa pamilya,” mipasabot si Elder Rieta. “Ang among anak nga lalaki ug anak nga babaye nakagradowar na sa kolehiyo ug makapul na namo, apan naghunahuna kami kon kinsa ang magsulbad sa problema sa negosyo ug unsay mga reaksyon sa among mga kliyente sa among mga plano.”

Si Sister Rieta nabalaka usab mahitungod sa pagbiya sa iyang nagkatigulang nga inahan. “Nahadlok ko nga mawala na siya kon malayo kami,” siya miingon. “Nabati usab nako ang kakulangan sa hagit sa pagtudlo sa ebanghelyo.”

Nakigtambag sila sa ilang bishop ug uban sa magtiayon nga bag-uhay lang nga

miserbisyo didto sa Davao. “Silang tanan nagpamatuod nga ang Ginoo mogiya matag magtiayon aron masayud kon unsaon sa pag-atubang sa ilang mga kalihokan sa panimalay, ilang pamilya, ug ang mga pundo alang sa ilang misyon,” miingon si Sister Rieta.

“Samtang nagtinguha kami sa giya,” miingon si Elder Rieta, “ang among mga kahadlok nasulbad—ang among negosyo maayo ra ang dagan bisan sa mga hagit, among kliyente mipahayag sa hingpit nga kalipay ug suporta, ug ang among pamilya mas nagkasuod naghiusa sa pag-atiman sa among masakiton nga inahan. Gisugdan namo sa pagsabot nga ang Ginoo tinuoray gayud nga mitabang kanamo.”

Ang mga Rieta nagserbisyo karon sa member ug leadership support sa Philippines Cagayan de Oro Mission.

Daghan Kaninyo Makahimo

Ang uban sa mga magtiayon naghunahuna mahitungod sa pisikal nga limitasyon, apan dili sila si Keith ug Jennilyn Mauerman sa Utah, USA. Mga tuig ang milabay, upat ka bulan human sila naminyo sa Los Angeles California Temple, si Keith gitawag ug gipadala ngadto sa pakig-away. Usa ka airborne squad lider, naglakaw siya nga nag-una sa mga sundalo sa dihang usa ka land mine mi-buto. Nawad-an siya sa duha ka mga bitiis. Sa dihang siya miabut sa balay, si Jennilyn nagdali-dali ngadto sa iyang kiliran.

“Nasayud ko nga dili na ko kinahanglan nga mabalaka,” miingon si Keith, “tungod kay kami adunay mahangturon nga kamin-yaon. Ang akong asawa misuporta kanako sa tibuok panahon. Siya gihapon nagtabang kanako matag adlaw.”

Sa dihang miretiro na si Sister Mauerman, sila mihukom sa pagserbisyo og misyon. Apan ang pagkapungkol ni Elder Mauerman nga ang duha gyud ka bitiis makahimo ba og problema? “Kanunayng adunay mga butang nga dili *nako* mahimo,” siya miingon, “apan adunay daghan kaayong mga butang nga *akong* mahimo, nasayud kami nga dunay dapit alang kanamo.”

Samtang nagkompleto sa ilang mga porma sa rekomendasyon, siya misusi sa usa ka kahon nga nagpasabot nga siya

nakaalagad sa militar. Sa wala madugay sila nakadawat og tawag gikan sa Church Military Relations. “Aduna koy ID kard nga motugot kanamo sa pagsulod sa mga base sa militar, busa sila mihangyo sa among pagtugot sa pagrekomendar namo alang sa usa ka military relations mission.”

Ang mga Mauerman gitawag sa pagserbisyo sa usa ka base sa militar sa North Carolina, USA. Si Elder Mauerman nahinumdom: “Ang timailhan nga naa sa ganghaan nag-ingon ‘Fort Bragg, Panimalay sa Airborne.’ Kon ang gwardya miabi-abi kanamo uban sa motto sa airborne ‘All the Way!’ kini mao ang unang higayon nga ako kining nadungog sa mga katuigan. Ang pamati niini sama nga anaa sa panimalay, bisan og wala na ako sa Fort Bragg. Nasayud ko nga ang among call sa misyon hingpit nga pagkahaum ug nga ang Ginoo mahunahunaon kanako.”

grupo naglakip sa usa ka tawo kinsa nakabuntog sa mga kalisdanan aron makaserbisyo.

Unibersal nga mga Pinulongan

Natawag ngadto sa Brazil Cuiabá Mission, sila si Randy ug Lou Ellen Romrell nga taga Utah nabalaka. Bisan tuod si Elder Romrell mialagad sa Brazil isip usa ka batan-ong misyonaryo, nahikalimtan na niya ang iyang Portuguese. Ug si Sister Romrell dili kamao mag-Portuguese. Ang pagtuon ug pagpaningkamot, bisan pa niana, nakatabang ni Elder Romrell ang iyang kahanas sa Portuguese sa pagbalik ug si Sister Romrell sa pagtubo. Mao usab ang usa ka ukulele.

“Wala gayud ko nagplano sa pagdala iniini,” miingon si Sister Romrell, “apan si Elder Romrell nadasig, ug kini mao ang kanindot nga makita kon kini natuman. Samtang nagtudlo



Nga makabuntog sa mga problema sa pinansyal, si Elder ug Sister Rieta moserbisyo sa ilang kaugalingong nasud, sa Pilipinas.



Alang sa mga Mauerman, ang pag-alagad sa military relation mao ang labing haum. “Sama kini sa pagpauli sa panimalay,” moingon sila.



Nadasig sa pagdala sa usa ka ukulele, ang mga Romrell mogamit niini aron sa pagpakigbahin sa tibuok kalibutan nga pinulongan sa musika samtang sila mobisita sa mga panimalay ug manganta sa himno.

“Gitudloan kami sa mga leksyon mahitungod sa pagkahimong self-reliant ug pagbangon dayon ug mahitungod sa pagpalig-on sa kaminyoon,” miingon si Sister Mauerman. “Sa sinugdanan dili mi gusto nga mopakigbahin sa among istorya, apan among nakaplagan nga ang pagpakigbahin niini makahimo sa tanang kalainan. Ang mga sundalo ug ang ilang mga kapikas mitan-aw kanamo ug miingon, ‘Kon makahimo kamo niini, kami usab.’”

Ang mga Mauerman dunay positibo nga kasinatian sa North Carolina nga sila naghangyo sa pagserbisyo pag-usab. Karon sila mobyahe og mga 40 ka milya (64 km) gikan sa ilang panimalay sa Orem ngadto sa Siyudad sa Salt Lake kaduha sa usa ka semana sa pagserbisyo diha sa buhatan sa Church Military Relations. Sila usab motudlo sa senior nga mga magtiayon didto sa missionary training center sa Provo, diin ilang nakaplagan nga ang kada

kami sa mga investigator ug gitrabaho ang pagpaaktibo pag-usab ug pakigdait, makalingaw kining gamiton aron madasig ang mga tawo sa pagkanta. Nagkat-on kami sa pinulongan, ug ang mga himno makadala sa lig-on nga espiritu uban kanila.”

Bisan tuod ang iyang mga kahanas sa Portuguese gipalambo pa gihapon, larino na siya sa musika. “Ang musika makapapundok sa mga tawo,” siya miingon. “Bisan kon dili nako masabtan ang tanang butang nga ilang isulti atol sa pagbisita, kon kami manganta na, mokonektar namo.” Gidapit sa pagsulti sa mga eskwelahan mahitungod sa American holiday sa Thanksgiving, ang mga Romrell manganta sa himno sa pasalamat—giubanan sa ukulele. Ug si Sister Romrell naggamit usab sa usa ka instrumento sa labaw sa naandang kahibalo, sa piano, sa pag-duyog sa mga himno sa simbahan.

Ug sa Portuguese? “Bisan kon kamo dili lareno, ang pagkat-on og pipila ka mga pulong makatabang,” siya



“UNSAY IMONG GUSTO KANAKO NGA MAHIMO”

“Kon maghunahuna ko sa dakong panginahanglan alang sa mga senior nga misyonaryo, kanunay nakong mahunahuna kanang pinangga nga himno ‘I’ll Go Where You Want Me to Go’ (Himno, nu. 270) ug ang mensahe, ‘Ako maanaa unsa ikaw buot kanako nga mahimo.’”

Elder Dallin H. Oaks sa Korum sa Napulog Duha ka mga Apostoles



GIKINAHANGLAN NGA MGA MAGTIAYON

“Ang among mensahe ngadto sa tanan sa atong hingkod nga mga magtiayon yano lang: kami nagkinahanglan kaayo kaninyo. Among buhaton ang tanan kutob sa among mahimo aron sa paghimo niini nga komportable kutob sa mahimo alang kaninyo sa pag-adto. . . . Ang panahon nanawagan alang niini. Adunay mga tawo kinsa nagkinahanglan kaninyo. Palihug—adto na.”

Elder Jeffrey R. Holland sa Korum sa Napulog Duha ka mga Apostoles, *Deseret News*, Sept. 14, 2011.

miingon. “Ang yano nga pagsulti og hello ug pagtimbaya sa mga tawo molungtad og dugay. Pahibaloa sila nga ikaw nagkat-on. Himoa kining yano ug salig sa Espiritu.” Ug ang Espiritu, siyempre, usa ka laing pinulongan nga ang tanan makahimo sa pagpakigbahin.

Pag-alagad diha sa Panimalay

Sila si Paul ug Mar Jean Lewis gikan sa Utah nakaserbisyo na og tulo ka mga misyon (sa Palmyra New York Temple; Hong Kong Temple sa China; ug Croatia, Serbia ug Slovenia nga may seminaries ug institutes). Nangadam sila sa pagserbisyo sa uban sa dihang ang ilang presidente sa

silang mibalik, modawat sa mga ordinansa, ug moadto sa templo usa ka talagsaon nga panalangin.”

“Daghan sa mga magtiayon, kon sila maghunahuna mahitungod sa pagserbisyo og misyon, mabalaka mahitungod sa unsay ilang buhaton uban sa ilang panimalay ug sa ilang sakyanan o kon unsay ilang mabiyaan sa ilang pamilya,” miingon si Elder Lewis. “Makapuyo kami sa among kaugalingong balay ug magdrive sa kaugalingong namo nga awto. Giawhag kami sa pagtambong sa mga kalihokan sa pamilya, basta dili lang kini makabalda sa misyonaryo nga mga responsibilidad. Ug ania gani kami alang sa pagkatawo sa usa ka apo.”



Nagserbisyo gikan sa panimalay, malingaw ang mga Lewis sa full-time nga mga misyonaryo ug mga miyembro sa ilang kaugalingong mga stake.



Ang mga Sorensen mihatag sa mga bata sa eskwelahan sa Cook Islands og gagmayng bato aron sa pagpahinumdom kanila nga magpabiling “lig-on kaayo diha kang Kristo.”

stake nangutana, “andam ba kamo sa pagserbisyo dinhi sa atong stake, sa pag-abag sa misyon nga atong gipuy-an?”

“Bag-o kami dinhi, mao nga kini usa ka talagsaon nga oportunidad,” miingon si Sister Lewis. “Nagserbisyo kami uban sa batan-on nga mga elder ug mga sister, nakabaton og kasuod uban sa presidente sa misyon, moadto sa mga miting sa district ug zone, ug makigtrabaho sa mga ward mission lider.” Mobisita usab sila sa mga investigator ug niadtong kinsa dili kaayo aktibo.

“Nahimamat namo ang maanindot nga mga tawo nga dili gyud unta namo mailhan,” si Sister Lewis miingon, “lakip sa uban nga dili na aktibo. Ang makita nga

Mga Panalangin sa Pamilya

Sa laing bahin, sila si Jill ug Kent Sorensen, kinsa gikan sa samang stake, misulti nga usa sa labing maayo nga pamaagi sa pagpalig-on sa ilang pamilya mao ang pagserbisyo nga layo sa panimalay. Miingon si Sister Sorensen, “Usa sa dakong pangatarungan nga ihatag sa magtiayon nga dili moadto mao ang mga apo, minyo nga mga anak nga anaa sa kalisud, mga anak nga babaye nga nagpaabut nga manganak, tigulang na ang mga ginikanan—daghan pang rason. Ang pamilya mao ang prayoridad, ug kamo mingawon nila kada adlaw. Apan ang pag-adto og misyon mopadala og gamhanang mensahe nga ang misyonaryo nga buhat importante usab.”

Gawas pa, pahinumdom si Elder Sorensen, “adunay daghan kaayong paagi nga makapangumusta karon nga inyong masusi sa tanang panahon.”

Ang mga misyonaryo nga panaw sa mga Sorensen gisugdan tulo na katuing ang milabay, sa dihang ilang bishop mihangyo kanila nga mopahigayon og binulan nga fireside alang sa mga magtiayon nga naghunahuna sa misyonaryo nga pagserbisyo. “Pagkahuman sa kanunayng pakig-istorya mahitungod niini,” miingon si Sister Sorensen, “kinahanglan kaming moadto usab!” Sila nakadawat og tawag sa pagserbisyo sa Cook islands, diin ang mga apohan ni Jill miserbisyo 50 ka tuig ang milabay.

Karon, taliwala sa ubang mga katungdanan, sila gihangyo sa pagtudlo sa mga klase sa Biblia sa mga eskwelahan.

“Kami naghigot mahitungod kang Kristo nga mao ang bato,” miingon si Elder Sorensen. “Mihatag kami sa mga



Sa tibuok kalibutan, ang mga magtiayon moingon agig dugang sa pagtabang sa uban, ang pag-inalagay molig-on sa ilang kaminyoon ug nagdala kanila paduol ngadto sa Langitnong Amahan.

estudyante og usa ka gamay nga bato ug miawhag kanila sa pagpabilin nga lig-on sa pagtuo diha kang Kristo. Karon bisan asa kami moadto, ang mga tawo moingon, ‘Lig-on kaayo!’ kon sila makakita kanamo.”

Makaanhi ug Motabang

Kon kamo namalandong sa usa ka full-time nga misyon o sa usa ka Church-service mission, kining tanang mga magtiayon mangutana ninyo sa samang pangutana nga gipangutana ni Presidente Robison kang Gerald ug Lorna Malmrose: “Makaanhi ba kamo ug motabang?” Ug sila mosulti kaninyo nga, bisan unsaon pa ninyo pag-apil, kini nga saad tinuod: Kamo gikinahanglan, kamo makatampo, ug kamo mapanalanginan ug gihigugma. ■

MUBO NGA SULAT

1. “Elder Jeffrey Holland: LDS Church Desperately Needs More Senior Missionaries,” *Deseret News*, Sept. 14, 2011, deseretnews.com.

DAGHANG MGA OPORTUNIDAD SA PAGSERBISYO

Tan-aw sa bag-ong mga oportunidad, paminaw gikan niadtong nagserbisyo karon, ug pangita og mga tubag sa mga pangutana sa lds.org/callings/missionary.

MAS GIPASAYON PA

Mga polisiya nga mausab-usab aron mas sayon alang sa mga magtiayon sa pagserbisyo.

- Ang mga magtiayon sa pagserbisyo sa Simbahan mahimong magpuyo diha sa panimalay ug moserbisyo sa lokal lang.
- Ang mga missionary couple mahimong mopili sa pagserbisyo og 6, 12, 18, o 23 ka bulan. Makaserbisyo sila sa internasyonal walay 18 ka bulan kon sila mobayad alang sa pagbiyahe.
- Ang mga magtiayon, sa ilang kaugalingong gasto, mahimong mo-leave og kadiyot, kasagaran 7 ngadto sa 10 ka adlaw, nga mopauli sa panimalay alang sa usa ka kritikal nga kalihokan sa pamilya.
- Ang bayranan sa pinuy-anan gilimitahan. Ang mga magtiayon mobayad dili molabaw sa unsay gitakda alang sa kapuy-an, lakip sa abangan, mga kagamitan, ug mga kasangkapan.
- Ang panimalay luwas ug komportable. Ang mga misyon o mga opisina sa area mosiguro nga ang mga pinuy-anan limpyo, ligdong ang kasangkapan, ug barato.
- Ang mga iskedyul dili kaayo hago. Ang mga magtiayon wala paabuta nga mosunod sa sama nga iskedyul sa mga oras sa trabaho ug mga kalihokan sama sa batan-ong dili minyo nga mga misyonaryo.
- Kanunay ang komunikasyon sa pamilya. Ang mga magtiayon mahimong makig-istorya sa ilang mga pamilya nga mas kanunay kay sa gi-outline alang sa batan-ong mga misyonaryo.



KON ANG
Panimalay Masudlan
sa Pornograpiya—

ANG MGA ASAWA
UG MGA BANA

Kinahanglan Magpaayo

*Nakita nako ang ga-
hum sa Manluluwas sa
pag-ayo moabut sa mga
asawa ug ingon man
usab sa mga bana kon
ang mga bana nanlim-
basug sa pornograpiya.*



Pangalan gipugngan

Sulod sa akong unang unom ka bulan isip bishop, adunay pipila ka mga magtiayon sa akong ward mi-duol nako misalig sa pagsulti kanako sa panlimbasug sa mga bana sa paggamit sa pornograpiya. Sa ubang mga sitwasyon, ang asawa nabug-atan gikan sa pagkahikurat sa bag-o lang nahibaloan nga makadaot nga sekreto; ang uban nakahibalo na sulod sa mga bulan o mga tuig.

Akong gibati ang kalooy sa matag usa niining managtiayon ug nabati ang matubsanon nga gahum sa Manluluwas samtang ako nagtambag sa regular ug mainampingon nga

paagi sa matag usa sa mga igsoon aron matabangan sila nga “iyabyab ang mga kadena . . . nga mogapos [kanila] og hugot” (2 Nephi 9:45).

Tingali ang labing dako nga mga pagpadayag sa Espiritu miabut, bisan pa niana, samtang akong nahimamat ang ilang mga asawa. Akong nabantayan nga, samtang ang pipila ka mga samad bag-ohay lang ug ang uban dugay nang mga na-uwat sa mga pila na katuig nga pagkabantang, ang tanan niini nga mga sister nagsagubang og lawom nga espirituhanong kasakit gumikan sa mga pangutana sama sa, “Unsa may akong nabuhat nga maoy nakaingon nga wala siya nadani kanako?” o “Nga-nong gusto man niya maghunahuna sa iyang kaugalingon uban sa laing tawo kay kanako?”

Tungod kay ang bana ang may kalapasan, sayon kini alang sa bishop nga mobati nga ang bana ang labing nagkinahanglan sa mga yawe aron maablihan ang makaayo nga gahum sa Manluluwas, apan akong nakat-unan nga ang panginahanglan sa asawa nga mamaayo sa kasakit ug sa truma susama ra sa panginahanglan sa pagpaayo sa bana sa sala ug sa naghingapin nga mga gana.

Sa iyang diskurso ngadto sa mga Nephite, ang propeta nga si Jacob nanghimaraut sa mga tawo sa ilang mga binuhatan nga dili matinud-anon ngadto sa ilang mga asawa, “kadaghanan kansang mga pagbati hilabihan kalumo ug kaputli ug kahuyang sa atubangan sa Dios” (Jacob 2:7). Siya mipadayon: “Kamo nakasamad sa mga kasingkasing sa inyong malumo nga mga asawa . . . tungod sa inyong ngil-ad nga mga panig-ingnan sa ilang atubangan; ug ang mga bakho sa ilang mga kasingkasing misaka ngadto sa Dios batok kaninyo” (Jacob 2:35). Ako mismo nakasaksi niining mga pagbakho. Kining mga higayon sa pagbakho dili lamang tungod sa lawom nga pagbati sa pagluib tungod sa paggamit sa iyang bana og pornograpiya apan gumikan usab sa paggamit og mga pulong nga makapaubos ug binastos nga gawi nga kanunayng gipadayag isip resulta sa iyang kaugalingong panglimbasug. Komon kini, sa pagkatinuod, alang sa usa ka tawo kansang kinaiya nga nasayran ipasangil ngadto sa iyang asawa ang iyang kinaiya, magtumbok sa pipila sa mga nabuhat sa asawa o kapakyasan. Makasubo gayud, komon usab kini sa asawa nga modawat ug gani motuo niining mga pasangil.

Usa sa ingon niana nga magtiayon naglingkod sa akong opisina human ang bana mibutyag sa pagkagumon sa pornograpiya sukad pa sa iyang kabatan-onan. Samtang

naminaw sa usa ka leksyon sa Relief Society nga gibase sa pakigpulong ni Sister Linda S. Reeves sa kinatibuk-ang komperensya sa Abril 2014, “Panalipod gikan sa Pornograpiya—usa ka Panimalay nga Nakapokus kang Kristo,” ang asawa misugod sa pag-ila sa kritikal nga kinaiya sa iyang bana ngadto kaniya ang kadaghanan sa mga kalagmitan nga gihulagway sa magtutudlo. Human sa leksyon, siya miatubang sa iyang bana uban sa pangutana, ug iyang gikumpisal ang tinagoan sa dugay nang panahon. Ang iyang nadaut na nga bili sa kaugalingon karon napilo-pilo na uban sa nagdilaab nga kasuko. Atol sa ilang unang miting uban kanako, sila naglisud sa pagtan-aw kon sa unsang paagi nga ang ilang kaminyoon makapadayon. Ako misiguro kanila nga adunay paglaum, mihatag og pipila ka inisyal nga tambag, ug dayon midapit kanila sa pagbalik ug makigkita kanako tagsa-tagsa.

Inubanan sa matinguhaong pag-ampo nga akong ihalad agig pagpangandam alang niana nga mga miting, ako



SA UNSANG PAAGI MAKATABANG ANG MGA LIDER SA PRIESTHOOD

Samtang ang mga lider nakigtambayayong sa mga kapikas sa mga miyembro nga nanlimbasug sa pornograpiya, ang ilang mga paningkamot aron sa pagsiguro nga kining mga kapikas mobati nga nadungog ug nasabtan mahimong sama ka importante sa bisan unsang tambag sila makatanyag. Ikonsiderar ang mosunod nga mga sugyot nga gikan sa Pagpangalagad sa mga Kapanguhaan (ministering.lds.org):

- Magkatigum sa kanunay ug maghatag og suporta.
- Ipasabut og maayo ang abilidad sa Manluluwas sa paghatag og personal nga pagkaayo alang sa kapikas sa mga tiggamitan sa pornograpiya (tan-awa sa Alma 7:11 ug Mateo 11:28–30).
- Kon angay, pagdapit sa indibidwal sa pagkonsiderar sa pagtambong og miting sa support group pinaagi sa addiction recovery program o usa ka susama nga support group.

- Tabangi ang kapikas nga makasabut nga siya makadawat og iyang kaugalingon nga inspirasyon aron masayud unsaon sa paghimo og klarong mga utlanan sa relasyon ug diha sa panimalay.
- Tabangi ang mga kapikas nga makakita og usa ka kasaligan nga higala o mga sakop sa pamilya kinsa makahatag og makahuluganon nga suporta sa usa ka padayon nga paagi.
- Tabangi ang indibidwal nga naggamit og pornograpiya nga mahimong adunay tulubagon alang sa iyang mga binuhatan ug suportahan ang iyang kapikas.
- Ikonsiderar ang pag-refer sa kapikas sa tiggamitan og pornograpiya ngadto sa propesyonal nga tabang o pagtambag. Ilha ang lokal nga mga kapanguhaan nga naghatag og mga serbisyo diha sa panag-uyon sa mga baruganan sa ebanghelyo.



Ubos: Si Kerri nahugno gyud sa dihang nahibalo siya sa mga hagit sa iyang bana sa pornograpiya, apan siya nakabaton og paglaum ug pagkaayo pinaagi ni Jesukristo ug sa Iyang Pag-ula.

usab giribyu ang mga sugyot nga gihatag sa Pagpangalagad sa mga Kapanguhaan diha sa LDS.org, ilabi na sa mga kapanguhaan alang sa pagsuporta sa mga kapikas nga mga tiggamit sa pornograpiya, diin ako mibasa sa mosunod: “Ipahayag ang inyong gugma ug kahingawa alang kaniya sa indibidwal nga paagi, ingon man usab alang sa iyang kapi-kas. Klaroha nga siya dili responsable alang sa kinaiya sa iyang kapikas sa paggamit og pornograpiya o dili ma-ayo nga kinaiya ug wala paabuta nga mosagubang sa abosadong kinaiya.”

Samtang ako nakighimamat niini nga sister, naminaw ko niini nga tambag ug gidugangan kini sa kasiguroan nga ang mga lihok sa iyang bana dili mahitungod kaniya, dili kabahin sa usa ka butang nga siya aduna o walay gibuhad, apan hinoon ang mahitungod sa iyang kaugalingon nga mga panagsumpaki. Akong nakita ang kusog nga pagbati sa kahupayan ug kahuwasan miabut kaniya samtang siya mihangop sa mga pulong ug gibati ang pagkum-pirma sa Espiritu nga kini gayud tinuod. Sa katapusan sa interbyu, siya nangutana kon ako mohatag kaniya og panalangin sa priesthood. Akong naamgohan nga ako ra ang bugtong tawo nga iyang kadangpan alang sa ingon nga panalangin, samtang siya mas ganahan nga ipabilin nga pribado ang iyang sitwasyon gikan sa pamilya ug mga higala.

Sa pagtabang sa proseso sa pagpaayo, akong gidapit ang bana sa pagtambong sa usa ka lokal nga addiction-recovery group sa mga Santos sa Ulahing mga adlaw, ug ako miawhag sa iyang asawa sa pagtambong sa nahiuyon nga grupo alang sa mga magtiayon ug mga sakop sa pamilya. Siya misulti kanako kabahin sa kahupayan nga iyang gibati gikan sa ubang mga sister kinsa nakasabut unsa ang iyang giantus ug ang paglaum nga gihatag ngadto

kaniya aron makakita og mga managtiayon nga nagumon sa samang pagsulay ug nakahimo ra sa paggawas gikan niini og dungan.

Pipila na ka bulan ang milabay karon sukad sa akong unang miting uban niini nga mga magtiayon, ug mitubo ang akong gugma ug kabalaka alang kanila isip resulta sa among daghan nga inter-aksyon. Samtang akong namatngunan nga ang ilang gipadayon nga dalan dili mahimo kon walay mga kalisud, akong kalipay ang makahibalo nga sa matag bulan nga ang bana nagpabiling gawasnon gikan sa kahigal ug pornograpiya ug nakita ang pagsaka sa bili sa kaugalingon ug sa pagsalig sa iyang asawa, nga makita dayon.

Sa bag-uhay nga mga interbyu uban kanila, ang pag-antus ug mga luha gikan sa among unang mga miting napulihan na og kanunayng pahiyom ug gani katawa. Apan tingali ang labing mahinungdanon nga mga resulta mao ang paglaum—paglaum nga dili lamang nga makapadayon ang ilang kaminyoon apan aduna na usab gani kini potensyal nga mahimong usa ka butang nga maanindot ug mahimayaon.

Nakamatngon ko nga, sa walay palad, dili tanang magtiayon nakasinati niining sama nga resulta. Pipila ka mga kaminyoon mahimong mapakyas kon ang tiggamit sa pornograpiya mobalibad sa paghimo og kalamboan. Dili igsapayan sa dalan nga gipili sa bana, hinoon, akong nakat-unan nga ang tambag sa pagpangalagad ngadto sa mga asawa dinasig. Manghinaut ko nga walay sister sa niining sitwasyon nga mobati nga siya nataligam-an, nahusgahan og sayop, o nasaypan sa pagsabut sa iyang bishop. Ang pagpangalagad sa bishop mao ang usa ka mahinungdanong lutsanan diin ang Manluluwas nagpakita sa Iyang gahum sa hingpit nga pag-ayo sa matag kasingkasing—bisan niadtong “natusok sa lawom nga mga samad” (Jacob 2:35). ■



TAMBAG UG KAHUPAYAN ALANG SA MGA KAPIKAS

“Kita isip mga lider nabalaka usab pag-ayo kabahin sa mga kapi-kas ug mga pamilya niadtong nag-antus sa pagkaadik sa pornograpiya. Si Elder Richard G. Scott mihangyo: ‘Kon kamo mismo gawasnon sa seryoso nga sala, ayaw pag-antus sa walay pulos nga mga sangputanan sa sala sa uban. . . . Mohimo kamong mobati og kalooy. . . . Apan kamo dili kinahanglan nga mobati nga inyoha ang responsibilidad alang niadto nga mga buhat.’ Hibalo nga wala kamo nag-inusara. Adunay tabang. Mga miting sa pagpaayo sa pagkaadik sa mga kapikas anaa na, lakip na sa mga miting pinaagi sa tawag sa telepono, nga nagtugot sa mga kapikas sa pagtawag og miting ug sa pag-apil sa ilang kaugalingong mga panimalay.”

Linda S. Reeves, ikaduhang magtatambag sa kinatibuk-ang kapangulohan sa Relief Society, “Panalipod gikan sa Pornograpiya—usa ka Panimalay nga Nag-focus kang Kristo,” *Liahona*, Mayo 2014, 16.

Mga Magbalantay SA TORE

“Ako nagbutang ug mga lalake nga magbalantay sa ibabaw sa imong mga kuta, Oh Jerusalem; sila dili magahilum maadlaw ni magabii; kamo nga mga tigpahinumdum sa Ginoo, ayaw kamo pagpahulay.”

Isaias 62:6

Mga Magbalantay

Ang mga magbalantay mao ang mga gwardya nga gibutang sa usa ka parel o diha sa tore aron sa pag-aninaw ug mopasidaan sa mga kakuyaw nga nagpadulong gikan sa halayo. Gisuholan sila aron sa pagpanalipud sa mga siyudad ingon man sa mga ubasan, umahan, o mga tugwayanan.

Mga Matang sa Tore

Ang mga tore sa mga paril sa siyudad kasagaran gitukod diha sa ganghaan o diha sa suok (tan-awa sa 2 Cronicas 26:9). Ang ganghaan ug suok sa mga tore naghatag og taas nga posisyon diin magtan-aw sa nagsingabut nga kakuyaw ug mao ray makasagang sa mga pag-atake sa kaaway (tan-awa sa 2 Cronicas 26:15).

Kuta o tore nga mga citadel sa kasagaran mga

nagbarug nga estruktura nga gitukod diha sa taas nga dapit o ubang maayo kaayo nga mga dapit. Usahay igo-igo ang kadagko-on niini nga mahimong kadangpan alang sa tibuok populasyon sa siyudad kon maubos kini sa pag-ataki (tan-awa sa Maghuhukom 9:46–52).

Ang mga tore sa ubasan, mga umahan, o mga tugwayanan mga gagmay nga mga estruktura nga gitukod aron pagtabang sa pagpanalipud sa mga pananom ug mga kahayopan gikan sa mga kawatan ug mga hayop (tan-awa sa 2 Cronicas 26:10; Isaias 5:2; 27:3). Kasagaran, ang level sa ubos mao ang usa ka lawak diin ang mga himan gitipigan.



Mga Magbalantay sa Tore:

Adunay usa ka taas nga talan-awon. Isip gitawag sa Dios ug gitugutan nga mga sulugoon, ang mga propeta nahimulag gikan sa kalibutan, maduol ngadto Kaniya, ug gitugutan nga makakita sa mga butang gikan sa usa ka mas langitnong panglantaw.

Makita ang mga butang nga dili makita sa uban. “Ang usa ka manalagna masayud sa mga butang diin nangagi na, ug usab sa mga butang diin umaabut, ug pinaagi kanila ang tanan nga mga butang ipadayag, o, kaha, ang tinago nga mga butang mahimo nga makita, ug ang gitagoan nga mga butang mahimo nga magpakita, ug ang mga butang diin wala mahibaloi ipahibalo pinaagi kanila, ug usab ang mga butang mahimo nga ipadayag pinaagi kanila nga sa lain nga bahin dili gayud mahibaloan” (Mosiah 8:17).

Ang mabinantayon. Ang mga propeta adunay ligdong nga kapangakohan sa pagpasidaan kanato sa umaabut nga mga kakuyaw, ug sila mopadayon sa pagbuhat sa ingon dili igsapayan ang mga opinyon sa publiko o uso sa katilingban.

Nagpasidaan sa mga butang samtang kini anaa pa sa layo. “Usa ka propeta misaway sa sala ug nanagna sa mga sangputanan niini. Siya mao ang tingsangyaw sa pagkamatarung. Usahay, ang mga propeta mahimong dinasig nga managna sa umaabut alang sa kaayohan sa katawhan” (Giya ngadto sa mga Kasulatan, “Prophet,” lds.org/scriptures/gs).

Magtanyag og kaluwasan ug proteksyon. Pinaagi sa pagpatalinghug sa pasidaan sa mga propeta, kita makakaplag og kaluwasan ug paglikay sa mga kalamidad nga mahimong mahitabo kanato, sa tinagsa o sa tiningub nga paagi, kon kita dili mosunod. ■



ANG KATUNGDANAN SA PAGBANTAY



“Sulod sa mga siglo, ang mga propeta mituman

sa ilang katungdanan dihang gipahimangnoan nila ang mga tawo sa mga peligro nga naa sa unahan. Ang mga Apostoles sa Ginoo kinahanglan gayud nga magbantay, mopahimangno, ug motabang niadtong nagpangita og tubag sa mga pangutana sa kinabuhi.”

Elder M. Russell Ballard sa Korum sa Napulog Duha ka mga Apostoles, “Dios ang Nagtimon,” *Liahona*, Nob. 2015, 25.

MGA KAMATUORAN SA BIBLIA



Diha sa Daang Tugon, ang Ginoo usahay gitandi ngadto sa usa ka kuta o tore nga citadel nga kadangpan (tan-awa sa Salmo 18:2; 61:3; Prover-

bios 18:10; 2 Samuel 22:3), ug mga propeta usahay gitandi ngadto sa mga magbalantay (tan-awa sa Isaias 62:6; Jeremias 6:17; Ezequiel 3:17; 33:7; Oseas 9:8; Miqueas 7:4).

“Ako nakahimo kanimo og usa ka magbalantay ngadto sa balay ni Israel: busa paminaw sa pulong sa akong ba-ba, ug mohatag kanila og pasidaan gikan kanako” (Ezequiel 3:17; tan-awa usab sa Ezequiel 33: 1-7).

ANG IKADUHANG HIGAYON

Ang unang higayon nga ako siyang nahimamat, naggunit ko sa akong biyolin.

Nagsaguyod siya nga misikit nako paingon sa paniudtuhan, ang sudlanan sa akong biyolin midapat sa akong batiis.

“Biyolin,” miingon siya sa iyang pagduol.

“Oo,” miingon ko.

Wala pako sukad makig-istorya og tawo nga dunay kakulangan ug wala masayud unsa pay laing isulti. Misunod siya nako sa lamesa ug mitupad nako, nagtudlo sa sudlanan sa akong biyolin.

“Biyolin,” miingon na usab siya.

Giablihan nako ang akong sudlanan ug misiga ang iyang mga mata. Kusog kaayo, niyang gilagnot ang mga kwerdas. Gikulbaan ko nga naka-imagine nga ang kwerdas nalibkas sa akong biyolin, ug akong gisira ang sudlanan. Gigakos ko niya sa wala pa siya mobiya.

Permi na nako siyang makit-an human niini.

Matag higayon nga iyaha kong makit-an, mogakos siya nako ug hagkan niya ang akong ulo.

“Biyolin,” miingon si William samtang miduol.

Sa tibuok panahon sa high school, kanunay nako siyang likayan kon makit-an nako siya nga magpadulong. Kon makita-an ko niya ug malukop ko sa iyang mga gakos ug basa nga mga halok, pasagdan na nako kini og pila ka mga segundo uban sa pinugos nga pahiyum ug dayon molakaw palayo nga walay isulti bisan usa ka pulong.

“Oh, dili,” mihagawhaw ko sa dihang ako siyang nakita sa akong katapusan nga concert sa orchestra sa high school. Pagkahuman sa concert, miaginud siya paingon sa akong gibarugan uban sa akong mga higala sa gawas sa auditorium.

Ang akong mga higala misibog samtang siya miduol nako uban nga nagnigisi, ang iyang mga bukton nangandam sa paggakos.

“William!”

Milingi ko ug nakita ang usa ka babaye nga nagdagan paingon namo.

“Pasayloa ko,” miingon siya, gigunitan ang mga bukton ni William. “Si William ganahan og biyolin. Mihangyo siya nako nga dad-on siya niini nga concert karong gabhiona. Tana, honey.”

Hangtud nianang higayona, wala ako nakaamgo nga ako wala gani nakaila sa iyang pangalan. Akong nahimamat si William duha ka tuig na ang milabay apan dako kaayo ang panahon nga ako siyang gilikayan nga wala gayud ko mahimo og paningkamot aron makaila siya. Sam-

tang nagtan-aw ko ni William ug sa iyang mama nga mibiya, gibati nako ang dakong kaulaw.

Mga tuig ang milabay, human ko naminyo, nanganak ko og usa ka maanyag nga batang lalaki nga may Down syndrome nga among ginganlan og Spencer.

Ang akong hunahuna kanunayang

magpabilin didto ni William samtang ako magtan-aw sa akong anak nga lalaki, ug naghunahuna ko kon si Spencer makaangkon ba kaha og sama nga mga kasinatian. Likayan ba siya sa mga tawo tungod kay manghalok siya og maayo o manggakos og hugot kaayo? Dili ba kaha ma inkomportable ang iyang mga kaedad uban sa iyang limitasyon?

Sa dihang nag-edad og upat ka bulan si Spencer, gidala nako siya sa among lokal nga ospital alang sa pagpacheck-up. Samtang mipakanaog ko niya sa sakyanan, akong nakita ang duha ka mga tawo nga migawas sa ospital. Dili ko makatuo, nakaamgo ko nga kini si William ug ang iyang inahan.

“William!” Mitawag ko sa dihang nagkaduol na kami, ang akong kasingkasing gikulbaan.

“Hi!” Hinay siyang mitabok sa parkinganan, dako kaayo ang iyang pahiyom sa iyang panagway. Gikabot niya ang iyang mga kamot ug lipay kaayo nga nakiglamano nako.

“Kumusta na ka?” Nangutana ko niya.

“Biyolin,” miingon siya, ang kalipay midan-ag sa iyang mga mata.

Biyolin. Nahinumdom usab siya kanako. “Oo,” nakasulti pa gihapon ko nga may luha dalang katawa, “Mitokar ko og biyolin.”

Samtang nag-istorya kami, ang akong kasingkasing nag-ampo alang sa malumong mga kalooy sa mahigugmaong Amahan sa Langit kinsa nasayud nga nanghinaut ko og maayo nga makita pag-usab si William. Mapasalamaton ko nga ang Dios nakakita kanako—usa ka nanlimbasug nga batan-ong inahan nga nabug-atan sa mga problema sa panglawas sa akong anak nga lalaki ug nabalaka alang sa iyang umaabut—ug mihatag kanako og usa ka kasinatian nga mipahinumdom kanako nga Siya nag-amping nato. ■ Kaylee Baldwin, Arizona, USA





Nakadungog ko sa babaye nga mibutang sa daghang mga sensilyo sa counter aron bayran ang iyang gipalit.

TABANGI SIYA

Naglinya ko sa estasyonan sa gasolina. Sa akong atubangan, usa ka inahan nga may duha ka gagmayng bata mipalit og \$3 nga gasolina ug duha ka mga cone sa vanilla ice cream.

Sa unang pagtan-aw, akong nakita nga gamay ra ang ilang kwarta. Nagtiniil ang mga bata ug gision og mga sinina.

Nakadungog ko sa babaye nga mibutang sa daghang mga sensilyo sa counter aron bayran ang iyang gipalit.

Human ako makabayad sa akong gasolina, migawas ko ug mipasip-lat sa sakyanan sa inahan. Daan na kaayo nga model nga kas na og gasolina.

Mibati ko og gamay nga simpatiya niining inahan sa duha ka bata, apan gipaandar nako ang motor ug mipadagan.

Wala kaabut og usa ka minuto sa akong pagpadagan, usa ka tingog akong nadungog: “Tabangi siya.” Ang pag-aghat kaduha miabut.

Naglingo-lingo ko, naghunahuna nga tingali mibiya na siya. Unsay man say akong isulti niya?

Ang tingog miabut nga klaro sa ikatulo nga higayon: “Tabangi siya!”

Mibalik ko sa gasolinahan, naghunahuna kon unsay akong isulti niya kon naa pa siya didto.

Sa pag-abut, nakita nako nga abli ang pultahan sa iyang sakyanan. Naglingkod siya sa may manubila, ug ang iyang duha ka gagmayng bata sa luyo nalingaw og kaon sa ice cream.

Nag-ampo ko, nangutana sa Langitnong Amahan unsay akong isulti. Ang sama nga tingog miingon nako, “Pagpaila sa imong kaugalingon ug pangutan-a kon siya nagkinahanglan

ba og tabang.” Miduol ko sa iyang sakyanan ug nagpaila-ila sa akong kaugalingon. Gisultihan nako siya nga akong gibati sa pagpangutana niya kon nagkinahanglan ba siya og tabang.

Misugod siya sa paghilak ug miingon, “Bag-o lang kong nag-ampo ni Jesus, naghangyo Kaniya sa pagpadala og usa ka tawo nga motabang nako.”

Ang Langitnong Amahan mitubag sa iyang pag-ampo. Gipalitan nako siya og gasolina ug mihatag niya og numero sa telepono sa usa sa among elders quorum kinsa nangita og empleyado nianang higayona. Wala ko masayud unsay nahitabo niining batan-ong inahan pagkahuman, apan ako mapasalamaton nga akong gisunod ang aghat sa pagtabang kaniya. ■
Thomas Robbins, California, USA

AYAW PAGPUSIL!

Si Bob ug ako naglingkod sa among sakyanan sa pulis, nagpaabut og timailhan diha sa dalan. Nagsugod mi sa pagmonitor duha ka oras na ang milabay human makita ang sakyanan nga gihisgutan sa police radio alert.

“Dunay tulis nga nahitabo,” matud pa sa alert. “Duha ka mga lalaki, dunay mga armas. Nakit-an sila sa usa ka


orange nga sakyanan. Ang mga saksi miingon nga ang mga tawo bangis ug andam nga mopusil.”

Sunod-sunod nga mga tulis nahitabo sa dapit, bisan pa sa among labing maayo nga mga paningkamot, ang mga tulisan pirming makaikyas. Kini nga mga hunahuna nawala sa akong alimpatakan sa dihang

akong nakita ang duha ka tawo nga migawas sa balay sa mangitngit nga dalan ug daling misakay sa orange nga sakyanan. Nagpadulong na sila namo.

“Mangayo og backup unit,” miingon ko. “Ang mga suspetsado nagpaingon sa amihanan gikan sa among nahimutangan.”

Bisan pa sa tensyon niana nga higayon, ako nakadungog og tingog. Kalma kini apan awtorisado ug gamhanan: “Ayaw pagpusil!”



Ang among backup, duha ka nga mga detective nga wala mag-uniporme sakay sa sakyanan nga walay marka, migawas nag-una sa sakyanan samtang si Bob ug ako misunod. Human ang among tulo ka mga sakyanan miagi sa taytayan, ang among backup kalit nga mihunong nagbabag diha sa taytayan atubangan sa orange nga sakyanan ug miparking kami luyo niini, naglit-ag sa among mga suspetsado. Diha-diha dayon, ang sakyanan mihunong ug mitago ang duha ka mga tawo.

“Gawas sa sakyanan nga ang inyong mga kamot naa sa inyong ulo!” Mimando ko human makagawas sa akong sakyanan. Walay mitubag.

Samtang nag-andam sa pagpusil, mimando ko pag-usab, “Gawas sa sakyanan nga ang inyong mga kamot naa sa inyong ulo. Buhata kini karon dayon!”

Sa kalit ang drayber mibarug ug miatubang ngari kanako. Akong makita ang usa ka puthaw nga butang nga nagkidlap sa iyang mga kamot.

Ang akong training sa pulis ug kabuot nagdiktar nga akong kablito ang gato aron sa pagluwas sa akong kinabuhi. Apan bisan sa tensyon sa maong higayon, nakadungog ko og tingog. Kalma kini apan awtorisado ug gamhanan: “Ayaw pagpusil!”

Nagdahum ko nga pusilon bisan unsang higayona, apan naghulat ko og tawo sa sakyanan nga mouna og pusil. Hinoon, ang drayber mipataas sa iyang mga kamot, ibabaw sa iyang ulo nga mora og pusil, ug mipaubos sa iyang mga kamot diha sa iyang mga paa.

“Ayaw og lihok!” Miingon ko samtang nagdali-dali ko padulong sa sakyanan. “Ayaw paglihok!”

Ang higayon mora og salida sa TV—hangtud akong nahibaloan nga

ang tig-a nga mga kriminal sa sakyanan mao ang duha ka nahadlok nga batan-ong mga babaye. Unsay akong gituohan nga pusil usa lang ka bilya sa seat-belt.

Ang mga babaye, sa wala madugay among nasayran, mipahulam sa sakyanan sa ilang mga hinigugma. Wala silay ideya unsa nga matang sa tawo sila.

“Nagtuo kong patay na ka, Cal!” Miingon si Bob nako pagkataudaud. “Hapit na unta ko mopusil. Wala ako masayud nganong wala ko mopusil.”

Miingon ang duha ka detective sa walay marka nga sakyanan sa samang butang, bisan walay nakadungog sa tingog gawas nako. Nasayud ko nga ang gahum lamang sa langit ang makaluwas niadtong duha ka batan-ong mga babaye gikan sa kamatayon ug upat ka mga opisyal sa pulis sa paghimo og usa ka dakong sayop. Kini nga kasinatian nakahatag nako og sigurado nga kahibalo nga ang atong Langitnong Amahan manginlabut alang sa atong kaayohan. ■

Pangalan gipugngan

TUDLOI SILA SA PAGBASA SA BASAHON NI MORMON

Atol sa among pagserbisyo sa Geneva Switzerland Mission, ako gitawag ug gi-set apart nga mahimong presidente sa branch, ug akong asawa gitawag isip presidente sa Relief Society. Naghiusa kami sa pagpaningkamot kutob sa among mahimo sa pagdasig sa nanlimbasug nga branch. Bisan tuod naorganisar niadtong mga 1960, ang branch walay bunyag sulod sa

daghang mga tuig ug wala makapadala og mga misyonaryo ngadto sa misyon sulod sa 15 ka tuig.

Klaro kaayo nga kami nagkinahanglan sa tabang sa Ginoo sa pagpangita og solusyon sa daghang mga kalisud nga giatubang sa branch. Human ako nag-ampo mahitungod sa mga hagit sa branch, ang Espiritu sa Ginoo miingon ngari kanako, “Tudloi ang mga miyembro sa pagbasa sa Basahon ni Mormon, ug kamo magmalampuson.”

Diha-diha dayon, mihimo kami og mga plano nga mopasalig ang mga miyembro sa pagsugod sa pagbasa sa Basahon ni Mormon.

Talagsaong mga resulta misunod. Ang Kalinaw ug ang Espiritu mibalik ngadto sa branch. Bag-ong mga pamilya ang nagpamiyembro sa Simbahan. Nadasig sa iyang tinguha sa pagserbisyo, usa ka batan-ong lalaki nagmisyon. Pipila ka nanlimbasug nga mga kaminyoon nalig-on, ug ang mga pamilya nahimong mas suod. Kini nga branch nagpadayon sa pag-uswag karon.

Kami ug ang mga miyembro sa branch nakasaksi sa among mga kaugalingon sa milagroso nga gahum sa Basahon ni Mormon. Tinuod gayud kini nga sukaranang bato sa atong tinuohan ug sa atong mga pagpamatuod sa ebanghelyo ug ni Jesukristo. Gimahal namo kini sa tibuok namong kasingkasing. Tinubdan kini sa walay katapusan ug dili mausab nga kahibalo.

Kini nga kasinatian nagtudlo kanamo nga ang Basahon ni Mormon mao ang labing siguro nga paagi sa pagtabang sa atong mga kaigsoonan mobalhin gikan sa anino sa espirituhanong kangitngit nga mitabon sa yuta. Kini nga basahon nakahatag og kalinaw, kalipay, ug lig-on nga tinguha sa pagsunod sa Manluluwas nga si Jesukristo. ■

Emilien Rioux, Quebec, Canada

Pag-ila sa mga Pagpangilad ni Satanas

Ni Dennis C. Gaunt

Nagbutang ko og duha ka U.S. nga dolyar nga papel sa akong pitaka didto sa tindahan sa grocery sa dihang naa koy namatikdan sa usa sa papel. Naghunahuna ko nga ang kolor nga green kulang og gamay kaysa uban, busa ako kining gisusi og maayo. Dayon akong namatikdan ang imahe ni Presidente George Washington dili kaayo klaro tan-awon. Bisan ang papel lahi rang hikapon. Peke kini! Giilisan kini sa klerk og tinuod nga dolyares nga papel ug dayon gihatag ang piki nga kwarta ngadto sa manager sa tindahan.

Naghunahuna ko og maayo mahitungod nianang peke nga dolyar sukad adto. Naghunahuna ko kon unsa na ka dugay nga nagamit ug unsa na kadaghan ang mga tawo nga nailad niini sulod sa mga katuigan. Sa pagkatinuod, og wala pako nagpakabana, nailad usab ko. Apan pinaagi sa pagtandi niini batok sa tinuod nga butang ug pagtutok sa mga kalainan imbis sa pagkaparehas, ako makaingon nga peke kini.

Ang Basahon ni Mormon puno sa mga ehemplo sa espirituhanong mga mangingilad, kinsa misunod sa mga pamaagi ni Satanas ug pagpanlingla sa uban alang sa ilang kaugalingon

nga kaayohan. Pinaagi sa pagtuon sa ilang mga lipat-lipad ug mga taktika, atong mamatikdan ang sipyat ug mga sayop sa samang paagi nga ang nabansay nga mata magsugod na nga makabantay sa kalainan tali sa tinuod ug peke nga kwarta. Ang dugang nga pagbansay sa atong mga mata sa pag-ila sa mga kalainan, mas maandam kita sa pakig-atubang sa mga mangingilad sa panahon karon ug batukan ang ilang mga bakak.

Pagpundok og Salabutan mahitungod sa Pagpangilad ni Satanas

Si Satanas nagtinguha sa pagdala kanato pahilayo pinaagi sa iyang kaugalingong matang sa espirituhanon nga pagpameke, ug kon dili kita mainampingon, mailad kita. Si Presidente Joseph F. Smith (1838–1918) mipasidaan: “Si Satanas mao ang usa ka hanas nga tigpameke, ug samtang ang kamatuoran sa ebanghelyo gihatag sa kalibutan sa ingon ka abunda, siya nagsabwag usab sa peke nga doktrina. Pagbantay sa iyang mini nga doktrina, ang inyong maangkon niini walay lain kon dili ang kahigawad, kasakit ug espirituhanong kamatayon.”¹

Ang labing maayong panagang nato batok sa pagkailad sa mga

**Kon kita nag-atubang
sa espirituhanong
pagpangilad, ang
Basahon ni Mormon
makatabang kanato
nga motino kon
unsa ang tinuod
ug unsa ang dili.**

pagpangilad ni Satanas mao ang pagpamilyar sa mga kamatuoran sa ebanghelyo kutob sa mahimo. Ang pagkasayud og mas lawom sa kamatuoran, mas masayon ang pagtumbok sa kalainan kon ipresentar na ni Satanas ngari kanato ang iyang mga peke. Mao nga kon iya kining buhaton, kita kinahanglan nga mangita sa mga kalainan ug dili ang pagkaparehas, sama sa akong gihimo uban sa akong kwarta nga papel nga dolyar, tungod kay kana diin ang mga bakak kanunay ipadayag.

Si Presidente Ezra Taft Benson (1899–1994) mitudlo: “Ang Basahon



ni Mormon mibutyag sa mga kaaway ni Kristo. . . . Ang Dios, uban sa Iyang walay kinutuban nga nahibaloan nang daan, mao nga mihulma sa Basahon ni Mormon nga unta atong makita ang sayop ug makahibalo unsaon sa pagpakigbatok sa sayop nga edukasyon, politikal, relihiyon, ug mga pilosopikanhon nga konsepto sa atong panahon.”²

Karon anaa kita sa pagkiggubat ni Satanas. Kita, sama sa bisan unsa nga mga kasundalohan, nagkinahanglan nga masayud kon unsa na ang plano sa kaaway. Ang pagkahibalo kon kanus-a ug asa ang mga kaaway

mosulong, sama pananglit, mahimong usa ka bilihon nga impormasyon. Mao kana nganong ang mga pulong alang sa pag-angkon og ingon niana nga impormasyon gitawag og “pagpundok og salabutan.” Ang pag-ila sa atong kaaway mao ang pagkahimong mas maalamon kaysa sa atong mga kaaway. Ang Basahon ni Mormon makatabang kanato sa “pagpundok og salabutan” sa malinglahon nga pamaagi ni Satanas.

Ulog-ulog nga Pinulongan Mao ang Peke

Misobra sa katunga sa mangingilad sa Basahon ni Mormon migamit

sa ulog-ulog nga mga pinulongan ug usa ka makabibihag nga personalidad aron makab-ot sa ilang mga tumong. Sama pananglitan, si Sherem “adunay usa ka hingpit nga kasayuran sa pinulongan sa mga katawhan; busa, siya makagamit og daghan nga pag-ulog-ulog, ug daghan nga gahum sa pinulongan, sumala sa gahum sa yawa” (Jacob 7:4). Ang dautan nga mga pari ni Haring Noah namulong “kawang ug maulog-ulogon nga mga pulong” (Mosiah 11:7), ingon nga maoy hinungdan sa mga tawo nga moapil sa mga dios-dios ug uban pang mga kaudatan. Si Korihor

mikab-ot sa susama nga mga resulta sa iyang panahon, “naglingla sa mga kasingkasing sa daghan” (Alma 30:18). Si Amalickiah ug Gadian-ton migamit sa ilang kamaayo nga moulog-ulog sa pagpadaghan sa mga kasundalohan sa dautan nga mga sumusunod (tan-awa sa Alma 46:10; Helaman 2:4).

Kini dili sulagma lamang. Ang pag-ulog-ulog mabaw, dili sinsero, taphaw ug hinambog. Si Nephi mipahimangno niadtong “motudlo subay niini nga paagi, sayop ug kawang ug binuang nga mga doktrina, ug manghambog diha sa ilang mga kasingkasing, ug maningkamot sa pagtago sa ilang mga pakitambag gikan sa Ginoo; ug ang ilang mga buhat anaa sa kangitngit” (2 Nephi 28:9).

Ang pag-ulog-ulog sa kasagaran gigamit aron sa paglingla; kini sa kasagaran adunay tinaguan nga motibo o nagpahipi nga mga tumong. Ang pag-ulog-ulog mao ang estilo sa pag-sulti labaw sa unsay husto, ug kini dunay dakong epekto sa kakawang ug sa garbo sa kahaladman sa kinaiyanhon nga tawo. Ang mga propeta sa Ginoo, hinoon, nagsulti kanato sa yano apan importante nga kamatuoran kita *kinahanglan* makadungog.

Ang pag-ulog-ulog mao ang pinulongan ni Satanas. Si Presidente James E. Faust (1920–2007), Ikaduhang Magtatambag sa Unang Kapangulohan, mipasabut: “Ang tingog ni [Satanas] kanunay nga morag makatarunganon ug ang iyang mensahe sayon ra kaayong hatagan og katarungan. Kini madanihon, makapa-intriga nga tingog uban sa matahum nga tuno. Kini dili gahi o bati paminawon. Walay maminaw sa tingog ni Satanas kon kini hait o sakit paminawon.”³



“[Ang tingog ni Satanas] madanihon, makapa-intriga nga tingog. . . . Wala Nay maminaw sa tingog ni Satanas kon kini ingon og bati o ngil-ad.”

Kon ang kalibutan mopresentar kanato uban sa usa ka ideya, pilosopiya, o mga opinyon nga daw mo-hangyo lamang sa atong kakawang o garbo o kanang nindot lang kaayong paminawon maayo kaayo og matinuod pa, kana unta mahimong pasidaan ngari kanato diha-diha dayon. Tagda kana nga mga ideya isip peke. Itandi kini batok sa mga kamatuoran nga gitudlo sa mga propeta sa Ginoo. Pangita og mga kalainan, dili pagkasusama, ug ang peke nga mga ideya maklaro.

Si Nehor—usa ka Inila nga Mangingilad

Si Nehor gawasnon sa paggamit sa pamaagi ni Satanas sa pag-ulog-ulog. Atong siyang susihon isip usa ka pagtuon sa usa ka espirituhanong mangingilad. Si Nehor, kansang doktrina ingon og midawat sa ideya sa usa ka manunubos, usa ka inila ug makabibihag nga tigsangyaw

diha sa mga Nephite. Si Nehor nakahimo og daghan nga mga sumusunod pinaagi sa pagtudlo nga “tanang nga mga katawhan kinahanglan maluwas sa katapusan nga adlaw ug makaangkon og kinabuhi nga dayon” (Alma 1:4).

Makita ba nato nganong ang mensahe ni Nehor madanihon kaayo? Siya nagtudlo mahitungod sa usa ka masayon-sayon ug relaks nga Dios—usa ka Dios kinsa, tungod kay Siya nahigugma sa tanan, moluwas sa tanan, bisan unsa pay mahitabo. Busa padayon ug buhata unsa ang imong gusto, tungod kay kining tanan maayo. Usa kini ka makapadani nga pilosopiya nga gihangup sa mga katawhan sa panahon ni Nehor (tan-awa sa Alma 1:5) ingon man sa daghang mga tawo karon. Usa ka libreng tiket sa langit mao ang usa ka butang nga klaro nga gusto sa katawhan.

Busa unsa may problema sa mensahe ni Nehor? Atong tan-awon

pag-usab ang labing mahinungdanong mga punto sa iyang argumento:

- Ang Dios milalang sa tanan nga mga tawo—tinuod.
- Ang Dios nahigugma sa tanan nga mga tawo—tinuod.
- Kita dili angay nga mahadlok sa Dios—tinuod.
- Kinahanglan kita mag-maya sa paghunahuna sa kaluwasan—tinuod.

Sa pagkakaran, adunay daghang mga pagkasusama tali unsay gitudlo ni Nehor ug sa mga kamatuoran sa ebanghelyo. Apan hinumdumi—sama sa uban nga peke nga kwarta, kinahanglan tan-awon nato ang mga kalainan, dili ang pagkasusama. Busa atong tan-awon ang katapusan nga punto ni Nehor:

- Ang Dios moganti sa tanan og kinabuhing dayon—sayop!

Karon ania ang importante nga mga kalainan nga magsulti kanato nga si Nehor usa ka espirituhonong mangingilad. Ang kaluwasan gikan sa pisikal nga kamatayon *maoy* gipasalig ngadto sa tanan, apan ang kaluwasan gikan sa espirituhonong nga kamatayon nag-agad sa atong kaandam nga maghinulsol. Kon kita maghinulsol, nan atong mada-wat ang kinabuhing dayon (tan-awa sa Jacob 6:11). Apan walay libreng sakay.

Si Gideon ug si Alma Miila sa Mangingilad

Ang kadautan ni Nehor nabutyag sa adlaw nga gikahinagbo niya si Gideon, usa ka matarung nga mag-tutudlo diha sa Simbahan sa Dios. Si Gideon miatubang ni Haring

Noah mga tuig nang milabay ug sa ingon adunay kasinatian uban sa espirituhonong mga mangingilad (tan-awa sa Mosiah 19:4–8). Si Nehor “misugod sa pakiglalis uban kaniya sa mahait nga paagi, nga siya unta modala sa mga katawhan palayo sa simbahan; apan ang [si Gideon] tawo nakasanta kaniya, nagbadlong kaniya uban sa mga pulong sa Dios” (Alma 1:7). Si Gideon miila kang Nehor isip usa ka mangingilad. Sa dihang nabisto, si Nehor midangop ngadto sa lain nga mga pamaagi ni Satanang pagkamamumuno. Apan ang kamatayon ni Gideon wala makawang. Ang mga tawo midala sa mangingilad nga si Nehor sa atubangan ni Alma aron pagahukman.

Si Alma miila nga dili lamang sad-an si Nehor sa pagpanapi ug pagbuno apan kon gipasagdan nga wala pugngi, ang pagpanapi taliwala sa mga katawhan “mosangput sa ilang hingpit nga kalaglagan” (Alma 1:12). Busa si Nehor gihukman nga patyon, ug nag-antus og “makauulaw nga kamatayon” (Alma 1:15).

Si Gideon ug si Alma mao ang mga ehemplo alang kanato. Kon kita makabaton sa Espiritu uban kanato, kita makakita ug makadungog sa “mga butang ingon nga sila gayud mao” (Jacob 4:13). Kita makaila ni Satanang pinaagi sa makailad nga mga plano ug mga sumbanan “hing-pit nga kasayuran, ingon nga ang kahayag sa adlaw gikan sa kangitngit sa kagabhion” (Moroni 7:15).

Ang atong “malinglahon” nga kaaway malantip, apan sama ni Gideon ug ni Alma, kita mahimong mas maalamon. Sama nga ako misugod sa hinay-hinay pag-ila sa kalainan tali sa akong parisan sa kwarta



SI SATANAS NAGSABWAG OG BAKAK

“Si Satanang, ang atong kaaway, gusto nga kita mapakyas. Siya nagsabwag og mga bakak isip kabahin sa iyang paningkamot sa pagguba sa atong pagtuo. Siya hinay-hinayang nagsugyot nga ang madudahon, ang maduha-duhaon, ang pagkatahap mao ang pagpasulabi ug intelihente, samtang kadtong adunay hugot nga pagtuo sa Dios ug sa iyang mga milagro hungog, buta, o gitunto. Mag-awhag si Satanang nga maayo nang magduha-duha sa espirituhonong nga mga gasa ug sa pagtulun-an sa tinuod nga mga propeta.”

Presidente Dieter F. Uchtdorf, Ikaduhang Magtatambag sa Unang Kapangulohan, “Ayaw Kahadlok, Sumalig ka Lamang,” *Liahona*, Nob. 2015, 78.

nga papel, kita hinay-hinay makabansay og atong mga mata ingon man usab sa atong hunahuna ug espiritu sa pag-ila sa kalainan tali sa kamatuoran ug mga bakak. Samtang ato kining buhaton, kita makaila sa mangingilad ug mabatukan ang ilang mga bakak. ■

Ang tagsulat nagpuyo sa Utah, USA.

MUBO NGA MGA SULAT

1. Joseph F. Smith, *Gospel Doctrine*, ika-5 nga ed. (1939), 376.
2. *Mga Pagtulun-an sa mga Presidente sa Simbahan: Ezra Taft Benson* (2014), 132.
3. James E. Faust, “Ang mga Pwersa nga Moluwag Kanato,” *Liahona*, Ene. 2007, 4.

Pagsukod sa mga Panalangin sa Madagascar

Ni Mindy Anne Selu

Mga Magasin sa Simbahan

Human ang iyang asawa nag-antus ug subo nga nakuhaan atol sa unang pagmabdos, si Solofo Ravelojaona mibati nga ang ilang mga pag-ampo natubag human sa usa ka tuig sa ikaduha nga pagmabdos. Siya ug ang iyang asawa, si Hary Martine, mikonsiderar nga ang pagkatawo sa ilang anak nga babaye nahimong usa sa ilang labing dako nga panalangin. Si Solofo mipasabut, “Tungod kay kami nangamuyo sa Dios ug Siya mihatag niya ngari kanamo, amo siyang gipanganlan og, Malagasy, nagpasabut og ‘ang tubag sa Dios.’”

Si Solofo, usa ka young adult gikan sa Madagascar, naghupot sa kahibalo nga ang Dios motubag sa mga pag-ampo ug sa panahon nga mopanalangin sa mga matinud-anon. “Ang kinabuhi lisud,” miingon si Solofo, “ug kon dili makuha sa mga tawo ang unsay ilang gusto, ang uban mag-sugod sa pagpangutana, ‘Nganong nahitabo man kini kanako?’ Tingali mobiya sila sa Simbahan o mokwestyon sa ilang pagtuo sa Dios. Apan kon kita mosunod sa ebanghelyo ug magbasa sa mga kasulatan, mas sayon kini. Kon kamo nagsunod gayud sa

ebanghelyo, inyo gayud makita ang mga panalangin.”

Nagpuyo sa usa ka nasud uban sa bug-at nga mga hagit, sama sa tumang kawad-on, kahuyang sa pangagamhanan, huyang nga inprastruktura, ug natural nga mga kalamidad, maklaro nganong nakaingon si Solofo nga lisud ang kinabuhi. Apan alang kaniya, ang mga panalangin nianang pagsunod sa ebanghelyo molabaw pa sa bisan unsa nga kalisud. “Dili gani nako ma-ihap ang mga panalangin nga akong nadawat, samtang ako nagsunod sa ebanghelyo,” miingon siya.

Tungod kay ang Simbahan bag-o sa Madagascar (ang unang branch naorganisar niadtong 1990), si Solofo nag-ingon ang labing lisud nga bahin mahitungod sa pagkamiyembro mao ang mga hungihong ug sayop nga pagsabut mahitungod sa Simbahan. Si Solofo mikomentaryo nga, sama sa panan-awon ni Lehi sa kahoy sa kinabuhi, “ang mga tawo mahimong dili hingpit nga mihangop sa ebanghelyo tungod kay sila mibati nga naulaw atubangan sa ilang mga higala ug nahadlok nga sila isalikway pinaagi sa ilang pamilya.” Unsay nakalahi ni Solofo, ang sugyot niya, mao nga, “wala gayud nako ikaulaw sukad. Nagsunod ko sa ebanghelyo, ug sa kanunay gusto nako kining ipakigbahin

Bisan pa sa politikanhong kasamok ug ekonomikanhong mga kalisud sa iyang nasud, si Solofo nagsalig sa mga panalangin nga moabut gikan sa pagsunod sa ebanghelyo.

sa akong mga kaubanan, bisan og ang uban nila dili gayud interesado.” Kanunay siyang mipakigbahin sa iyang yano nga pagpamatuod, nga ang iyang kauban sa trabaho miangga kaniya og “pastor.”

Taliwala sa ekonomikanhon ug politikanhong kagubot, si Solofo ug Hary Martine misalig sa mga panalangin sa ilang mga pakigsaad sa templo (sila naminyo sa Johannesburg South Africa Temple usa ka tuig human sa ilang mga misyon—siya sa Uganda, si Hary sa Madagascar), ingon man usab sa ilang pagsalig sa Ginoo. “Anaa kanako ang ebanghelyo, ug ibutang lang nako ang akong kinabuhi sa mga kamot sa Dios,” pasabut ni Solofo. Makasalig siya sa iyang lig-on nga pagpamatuod tungod kay aduna na siyay hugot nga pagtuo sa “mga tubag sa Dios.” ■



DUGANG PA KABAHIN NI SOLOFO

Unsa nga mga pagkaon ang ganahan ninyong kaunon?

Ang pagkaon nga among kaunon mao ang kan-on—daghang kan-on. Usa sa mga butang nga akong ganahan mao ang gitawag og *ravtoto*. Gigamit namo ang usa ka espesyal nga mga himan sa paglubok sa dahon sa kamoteng kahoy nga mapino ug isuwa kini sa kan-on ug karneng baboy.

Unsay inyong ganahan buhaton sa inyong bakanting panahon?

Ganahan kong magdula sa keyboard, mokanta, ug magbasa. Tungod kay ang presidente sa branch nasayud nga ganahan ko magkanta-kanta ug mopatukar sa keyboard, sa dihang miadto ko sa branch, miingon siya, “Ah, aduna nay mogiya nato sa choir”, ug mitanyag ko sa akong panahon. Wala pa silay choir sa una, apan misugod ko sa pagtudlo kanila, ug karon nalingaw sila niini.

MGA KAMATUORAN KABAHIN SA MADAGASCAR

Mga Pinulongan: French, Malagasy

Capital: Antananarivo

SUMALA SA GIDAGHANON

22,005,222 ka mga tawo
(gibana-bana sa pagka 2012)

80 porsyento sa mga hayop nga makaplagan sa Madagascar dili matagbuan bisan asang dapit sa yuta

Ika-4 nga kinadak-ang isla sa kalibutan

60 porsyento sa mga vanilla sa kalibutan gi-export gikan sa Madagascar

ANG SIMBAHAN SA MADAGASCAR

9,190 ka mga Santos sa Ulahing mga Adlaw

37 ka mga ward ug mga branch

2 ka stake

1 ka misyon





**Ni Elder
Dale G. Renlund**

Sa Korum sa
Napulog Duha ka
mga Apostoles

ESPIRITUHANONG KALIG-ON: PAGHIMO OG BARKO NGA DILI MALUNOD

*Nagkinahanglan kita og igo nga espirituhanong kalig-on
aron magmalampuson sa pagnabigar sa atong mortal
nga mga kinabuhi ug mobalik nga luwas ngadto
sa atong langitnong panimalay.*

Diha sa sayong bahin sa ika-17 nga siglo, ang hari sa Sweden, si Gustav II Adolf, mimando nga himoon ang barkong igugubat nga gihinganlan og *Vasa*. Ang paggama sa barko nagpakita sa dakong panginahanglan sa kapanguhaan, ilabi na sa oak nga maoy gamiton sa pagtukod sa salakyan. Si Gustav Adolf mibantay og maayo sa proseso sa pagtukod, gisiguro nga ang *Vasa* hingpit nga motuman sa iyang mga gilauman.

Sa gisugdan na ang paghimo, si Gustav Adolf mimando nga ang *Vasa* patas-an. Tungod kay ang suporta sa gilapdon nga gitukod gikan sa bililhong oak, ang hari misugo sa mga tigtukod nga dugangan ang gitas-on sa barko nga walay pagdugang sa gilapdon niini. Bisan nasayud na ang mga tiggama sa barko nga ang pagbuhat sa ingon mokompromiso sa kasarang sa paglawig sa *Vasa*, nagduhaduha sila sa pagsulti sa butang nga nasayud sila nga dili gustong madunggan sa hari. Ilang gituman. Miinsister usab si Gustav Adolf nga kini nga barko dili butangan sa ordinaryong mga armas apan mga kanyon sa tulo ka mga andana, nga ang kinabug-atan nga mga kanyon ibutang sa ibabaw nga andana. Usab, supak man sa ilang mas maayo nga paghukom, ang mga tiggama sa barko mituman.

Niadtong Agosto 10, 1628, ang *Vasa* misugod sa unang paglawig niini. Sa dihang nakabiya na ang *Vasa* sa pantalan, usa ka kusog nga hangin misulod sa mga layag niini, ug ang barko misugod sa pagtakilid. Wala abti og dugay, “mitakid kini ug nasudlan og tubig agi sa pwerta sa kanyon hangtud hinayhinay kining mitidlum apil ang layag, mga bandila ug ang tanan.”¹ Ang unang paglawig sa *Vasa* sa mga 4,200 ka pye (1,280 m).

Ang naghinubra nga tinguha ni Gustav Adolf alang sa simbolo sa gahum maoy miguba sa desinyo sa labihan unta ka maanindot nga barkong iglalayag, ang labing gamhanang barkong igugubat niana nga panahon. Ang mga tiggama nagpanagana sa pagpahibalo—ang ilang kahadlok nga dili ikalipay sa hari—mihikaw sa hari sa ilang kahibalo ug panabut. Ang tanan nga nalambigit nawad-an sa panglantaw sa mga tumong sa pagpaningkamot: aron sa pagpanalipod sa Sweden ug pag-tanyag og interes sa gawas sa nasud. Ang usa ka barko nga mosulay sa pagsupak sa mga balaod sa physics yano lang nga dili molutaw.

Aron magmalampuson kitang magnabigar sa atong mortal nga kinabuhi, nagkinahanglan kita og igong espi-rituhanon nga kalig-on sa pagsagubang sa hangin ug mga sulog, mohimo sa gikinahanglan nga pagliko ug mobalik nga luwas ngadto sa atong langitnong panimalay. Adunay mga butang nga atong mahimo aron mapalambo ang atong espi-rituhanong kalig-on. Mohisgut ko sa upat.

✦ *Pagsunod sa mga Sugo sa Dios*

Ang una mao ang pagsunod sa mga sugo sa Dios. Sama sa *Vasa* nga gipaubos sa pisikal nga balaod, kitang tanan ubos sa espi-rituhanon nga balaod. Walay usa nga pinalabi. Kinahanglan nga mosunod kita niini nga espi-rituhanong mga balaod, nga atong gitawag og mga sugo sa Dios.

Ang pagtrabaho uban sa pisikal nga balaod sa paggama sa barko tingali nabati ang pagkaistrikto ni Gustav Adolf, apan ang *Vasa* dili unta malunod sa wala pa ang misyon niini kon gituman lang unta kining mga balaod. Hinoon, aduna unta kini sa kagawasan ug kasarang sa pagtuman kon unsa ang tuyo sa pagbuhat niini.

Mao usab, ang pagkamasulundon sa balaod sa Dios nagpreserbar sa atong kagawasan, kasarang, ug abilidad sa pagkab-ot sa atong potensyal. Ang mga sugo wala gituyo aron sa pagpugong kanato. Hinoon, ang pagkamasulundon modala ngadto sa dugang nga espi-rituhanong nga kalig-on ug molungtad nga kalipay.

Ang pagkamasulundon mao ang atong pagpili. Si Jesus misugo, “Tan-awa, ako mihatag nganha kaninyo sa mga sugo; busa paghupot sa akong mga sugo” (3 Nephi 15:10). Ingon niana ka yano. Desisyuni kini. Pagdesisyon karon nga magmasulundon gayud. Walay mas makapalig-on sa espi-rituhanon. Walay mohatag kanato og mas dakong ka-gawasan sa pagtuman sa atong misyon sa kinabuhi.

✦ *Pagpatalinghug sa Tambag ug Mahimong mga Tigkat-on sa Tibuok Kinabuhi*

Ikaduha, kinahanglan tang mohatag og pagtagad ug mopatalinghug sa tambag gikan sa kasaligan nga mga

kapanguhaan ug mopasalig sa atong mga kaugalingon nga mamahimong mga tigkat-on sa tibuok kinabuhi.

Usa sa mga lit-ag sa pag-angkon og kahibalo mao ang pagkamapahitas-on nga moabut kon kita maghu-nahuna nga kita nasayud kaayo nga wala nay nahabi-lin nga makat-unan. Nakita nato kining tanan diha sa mga indibidwal kinsa sigurado kaayo sa ilang kamaayo. Lisud gayud kaayo ang pagtudlo sa usa ka tawo nga nakahibalo-sa-tanang butang.

Isip nagmatngon niini, ug nagmatinguhaon nga mahi-mong tigkat-on sa tibuok kinabuhi, si Presidente Henry B. Eyring, Unang Magtatambag sa Unang Kapangulohan, miingon, “Usa gihapon ako ka bata nga daghang angay makat-unan. Kadaghanan sa mga tawo makatudlo nako sa bisan unsang butang.”² Sa dihang siya mitawag kanako sa pagka General Authority, si Presidente Eyring nagtudlo kanako og importante nga leksyon. Miingon siya nga kon makadungog siya og tawo nga mag-istorya nga iya nang nadunggan sa una o maggamit sa usa ka kasulatan nga si-nati kaayo siya, mangutana siya sa kaugalingon, “Nganong mihatag ang Ginoo og gibug-aton niana ngari kanako?” ug “Unsa pa man ang akong angay nga makat-unan gikan ni-ana nga istorya o kasulatan?” Kon gusto kita nga dugangan ang atong espi-rituhanong kalig-on, kita mahimong andam sa pagkat-on ug igo ang kamapainubsanon sa pagdawat og giya sa bisan unsa nga pangidaron ug kasinatian.

Kini atoa gayud nga pagpili. Mahimo kitang maminaw ug mopatalinghug sa tambag nga gihatag ngari kanato sa atong mga lider sa Simbahan, ilabi na niadtong atong gipaluyohan isip mga propeta, manalagna, ug mga tigpa-dayag; pinaagi sa mga ginikanan, ug sa sinaligan nga mga higala—o dili. Makatinguha kita nga mahimong tigkat-on sa tibuok kinabuhi—o dili. Makapalambo kita sa atong espi-rituhanon nga kalig-on—o dili. Kon mapakyas kita sa pagpalambo sa atong espi-rituhanong kalig-on, mahisama kita sa *Vasa*—usa ka barko nga dili molutaw.

✦ *Pagserbisyo sa Uban*

Ikatulog, ang pagdirekta sa atong huna-huna ngadto sa uban, pag-amuma sa uban,





ug pagserbisyo sa uban makadugang sa atong espirituhanong kalig-on.

Ang kahangturan magpabilin nga mas klaro nga matutokan kon atong tutokan ang pagtinguha sa pagtabang sa mga anak sa Langitnong Amahan. Nakita nako kini nga mas sayon sa pagdawat sa pagdasig kon ako nag-ampo sa pagkaplag kon unsaon nga akong matabangan ang uban kay sa mag-ampo lang alang sa akong kaugalingon.

Mahimong magtuo kita nga dunay panahon sa umaabut nga maanaa kita sa mas maayo nga sitwasyon sa pagtabang. Sa pagkatinuod, karon mao ang panahon. Nasayop kita kon atong gihunahuna nga mas sayon kon aduna kitay mas dakong panahon, mas daghang kwarta, o mas daghan sa bisan unsa nga butang aron makaserbisyo sa uban. Bisan unsa pa ang kahimtang, aduna tay kapilian. Motabang ba kita sa uban o dili? Mahagbung kita sa dakong pagsulay sa mortalidad kon pilion nato nga dili motabang niadtong nanginahanglan. Ug, kon motabang kita, makapalambo kita sa atong kaugalingong espirituhanong kalig-on.

✦ *Paghimo ni Jesukristo nga Atong Pundasyon*

Ikaupat, sa katapusan, ug ang labing importante, ang atong espirituhanong kalig-on magkadako sigun sa gidak-on sa atong pag-istablisar ni Jesukristo isip atong pundasyon.

Kon wala si Kristo, anud-anuron kita sama sa usa ka sakayan nga ilabay-labay lang sa mga balud. Wala kitay gahum tungod kay wala kitay layag. Wala kitay kalig-on, ilabi na sa mga panahon sa unos, tungod kay wala kitay ankla. Wala kitay direksyon o katuyoan tungod kay wala kitay bisan unsa nga kapaingnan. Kinahanglan gayud nga atong himoon si Kristo nga atong pundasyon.

Aron sa pag-atubang, pagbuntog, ug maandam alang sa nagsukwahing hangin ug nagsukwahing mga sulog sa kinabuhi, kinahanglan kita nga mosunod sa mga sugo sa Dios; mahimong magmapaubsanon, andam, ug determinado nga mga tigkat-on sa tibuok kinabuhi; pagserbisyo sa uban; ug pag-establisar ni Jesukristo isip pundasyon sa atong mga kinabuhi. Samtang kita mobuhat sa ingon kita mopalambo sa atong espirituhanong kalig-on. Dili sama sa *Vasa*, mahimo kitang makabalik ngadto sa luwas nga dapit, nakatuman na sa atong kapalaran. ■

Gikan sa debosyonal sa Brigham Young University, Sept. 16, 2014. Alang sa kompleto nga teksto sa Iningles, bisitaha ang speeches.byu.edu.

MUBO NGA MGA SULAT

1. Sulat gikan sa Konseho sa Swedish ngadto sa Gingharian ni Haring Gustav II Adolf; hubad gikutlo sa Richard O. Mason, "The *Vasa* Capsizes," virtualschool.edu/mon/CaseStudies/Vasa/vasa.html. Daghan nga mga istorya sa *Vasa* anaa; tan-awa sa, pananglit, vasamuseet.se/en alang sa kasaysayan ug sa ubang mga link.
2. Henry B. Eyring, sa Robert I. Eaton ug Henry J. Eyring, *I Will Lead You Along: Ang Kinabuhi ni Henry B. Eyring* (2013), 409.

PAGKAT-ON SA PAGPATUKAR OG HIMNO *sulod sa 10 Minutos!*

Gihugpong ug Gipahiayangay ni Daniel Carter

Church Music and Cultural Arts Division


Kon kamo wala gayud makapatukar og piano apan gusto kaayo nga makat-on, ania ang inyong kahigayunan. Ang inyong gikinahanglan mao ang usa ka music keyboard. Bisan kon kamo wala niini sa panimalay, mahimo ninyong dad-on kini nga artikulo ngadto sa usa ka dapit diin dunay piano o keyboard sa pagsugod og kat-on.

Kini nga leksyon yano kaayo nga kamo makapatukar og himno sa pagkahuman niini. Gani, posible nga kamo makapatukar sa melodiya sa himno niini nga leksyon sulod sa 10 minutos!

Andam na? Sugdan nato!

Pagpangandam sa Pagpatukar og Piano

1. Sa inyong paglingkod atubangan sa piano ug pagbutang sa inyong mga tudlo diha sa keyboard, i-atras ang lingkuranan og gamay aron ang inyong mga siko mapiko og gamay.
2. Lingkod sa tunga sa lingkuranan, atubangan gayud sa sentro sa keyboard.
3. Lingkod sa atubangang ngilit sa lingkuranan nga tul-id ang inyong buko-buko ug ang inyong gibug-aton naa sa atubangan.
4. Tarunga pagbutang ang inyong mga tiil diha sa salog.
5. Komportablang maglingkod, tarungon ang postura.
6. Siguroha nga dunay sakto nga suga aron makita ang musika ug ang keyboard.





7. Barug. Ipabitay ang inyong mga kamot sa inyong kilid ug iparelaks kini. Bantayi ang natural nga kurba niini, ingon og naggunit kini og bola. Sa inyong paglingkod pag-usab, ibutang ang inyong mga tudlo diha sa keyboard, sa mao gihapon nga natural nga kurba.
8. Ipahimutang ang inyong mga kamot ibabaw sa keyboard, nga mohikap duol sa sentro sa lugar

sa puti nga mga key. Ipaibabaw sa keyboard ang inyong mga palad, pero ayaw ipatong sa mga key o sa kahoy ubos sa mga key.

9. I-strike ang key gamit ang tumoy sa inyong tudlo. Ipadayon ang pagkakurba sa kada tudlo, moalsa niini gikan sa buko sa tudlo sa luyo sa inyong kamot. Sa inyong pag-strike sa key, kinahanglan nga ang tudlo kanunay nga nagbawog.




Magpatukar pinaagi sa Tudlo nga Ginumerohan

Sa pagtabang kaninyo sa pagbutang sa husto nga mga tudlo diha sa matag key, ang mga tudlo gihatagan og numero sama sa gipakita dinhi. Ang mga numero

sa tudlo gisulat tupad sa mubo nga mga sulat sa pahina.

Ibutang ang imong kamot ibabaw sa bisan unsa nga grupo sa lima ka mga key, maghikap ang matag tudlo ibabaw sa usa ka key. Praktisa ang mga numero sa tudlo

pinaagi sa pagpatukar sa mga key uban sa saktong tudlo sama sa gipakita. Ang notes nga dunay tul-id nga linya pataas alang sa tuo nga kamot. Ang notes nga dunay tul-id nga linya paubos alang sa wala nga kamot.



Ang pagpatukar sa “There Is a Green Hill Far Away”

Ibutang ang inyong mga kamot diha sa keyboard sama sa gipakita sa ubos.

Gamita ang grupo sa duha ug tulo ka itom nga key aron sa pagtabang kaninyo sa pagpangita sa saktong posisyon.

Patukara kini nga himno, magsubay sa mga numero sa tudlo sama sa gipakita. Ang notes nga dunay tul-id nga linya pataas alang sa tuo nga kamot, ug ang notes nga dunay tul-id nga linya paubos alang sa wala nga kamot. Praktisa ang himno hangtud kamo komportable niini. Gamita ang mga baruganan sa maayong teknik sa tudlo

nga gilista sa siyam ka punto nga checklist.


Karon gitudloan na kamo sa pagpatukar og piano ug nakakat-on og yanong melodiya sa himno. Sa pagpatukar og laing mga himno, kamo kinahanglang makat-on sa pipila ka sukaranang mga baruganan kabahin sa beats, rhythm, ug notes.

Kini mao ang labing maayo nga bahin: ang leksyon nga inyo lang nakat-unan mao ang unang leksyon sa Church Keyboard Course, nga anaa sa unom ka pinulongan sa Church distribution.¹ Ang plano sa intruksyon nga sayon-sundon makatabang ninyo nga makat-on sa inyong kaugalingon o sa grupo. Mahimo gani nga iapil

ninyo ang inyong tibuok pamilya sa pagkat-on sa piano isip usa ka kalihokan sa family home evening. Ang kurso makompleto sa unom lang ka semana.

Daghang mga pagtuon nagpakita nga ang pribado nga mga leksyon sa musika makatabang nga molambo ang focus, academic excellence, ug mga kahanas sa pangatarungan sa mga estudyante.²

Pinaagi sa pagkat-on sa mga kahanas sa musika, gipalambo nato ang mga talento nga gihatag sa Ginoo kanato, makapalambo sa atong kahibalo, ug makat-on og daghang lain-laing mga paagi nga atong magamit ang atong kahibalo ug mga talento sa pagtukod sa Iyang gingharian. ■



MUBO NGA MGA SULAT

1. Sa pag-order sa Keyboard Course Kit, adto sa store.lds.org.
2. Tan-awa sa Laura Lewis Brown, “The Benefits of Music Education,” pbs.org; Jessica Velasco, “How the Arts Can Help Students Excel,” the Science of Learning Blog, Dec. 11, 2012, scilearn.com/blog/how-arts-help-students-excel; “Music Helps Children Learn Maths,” *The Telegraph*, Mar. 22, 2012, telegraph.co.uk.

MAPASALIGON SA Paghunong

Ang akong mga kahanas sa piano wala molambo, bisan human sa katuigan sa pagpraktis. Ang akong mga ginikanan miingon nga ako mahimong mohunong sa usa ka kondisyon: Kinahanglan kong makakat-on og 50 ka mga himno.

Ni Gretchen Blackburn

Mipauli ko sa balay, nga naghilak human sa makapahigawad nga leksyon sa piano. Ikaupat na kadto nako ka tuig sa pag-eskwela og piano, ug naglisud ko sa pagkat-on sa “Twinkle, Twinkle, Little Star.” Naningkamot ang akong magtutudlo sa pagpangita og positibo nga butang nga ikasulti mahitungod sa akong dili maayo nga pagpatukar, apan migrabe pa hinoon ang akong gibati. Ang akong mga ginikanan nagbayad sa mga leksyon sa piano nga dili nako gusto ug wala nay paglaum.

Gusto ko nga paundangon ko sa akong mga ginikanan. “Palihug,” mihangyo ko. “Buhaton nako ang bisan unsa. Unsa ang gikinahanglan?”

Human nila kini mahisguti, sila miingon, “Kon makat-on ka na og 50 ka mga himno, pahunungon ka na namo.”

Misugod ako sa pagpraktis diha-diha dayon. Gusto ko nga

mohunong na mao nga ako andam nga mogahin og dugang nga panahon sa piano. Ang unang himno, “We Thank Thee, O God, for a Prophet” (*Himno*, nu. 19), miabut og usa ka bulan sa pagmaster. Gusto gyud kaayo kong mohunong, mao nga nagpadayon ko sa pagpraktis.

Usa ka talagsaong butang nahitabo: mas misayon ang pagmaster sa mga himno. Gibati nako nga mas malipayon sa tibuok semana. Akong nabantayan ang akong kaugalingon nga nag-hum sa mga himno nianang adlaw ug mokanta og mas kusog sa miting sa sakrament.

Sa katapusan, mihunong ko sa pagsubay pila na ka buok himno ang akong nakat-unan. Samtang ako mas mihanas sa piano, nakamatikod ko nga makakat-on ko og bag-ong himno nga dili abtan og 30 ka minutos.

Sa dihang akong gisuma ang tanan, nahibaloan nako nga misobra na ko og 50 ka mga himno.

Ug wala nay kahigayunan nga ako mohunong sa pagpatukar og piano. Nahimo na akong masaligon sa akong abilidad sa pagpatukar ug mibati sa gahum sa mga himno sa akong kinabuhi.

Ang mga himno sama sa mga kasulatan; sila mamulong sa kamatuoran. Kon ako magpatukar og mga himno, gibati nako nga akong ginulod ang akong kaugalingon diha sa mga kasulatan. Ang pagkat-on unsaon sa pagpatukar sa mga himno maoy saktong sinugdanan sa pagpalig-on sa akong pagpamatuod ug pagkat-on sa kamatuoran. Akong nakita ang akong kaugalingon nga anaa sa mga pulong sa lain-laing mga himno aron sa pagtabang kanako sa akong tibuok adlaw. Ang pagpatukar sa piano nakapalig-on sa akong pagpamatuod ug nakabukas sa mga pultahan alang kanako bisan asa ko moadto. ■

Ang tagsulat nagpuyo sa New York, USA.



PAGKAHIKURAT, KAGUOL, UG ANG PLANO SA DIOS

*Atol sa labing **makahugno nga kasinatian** sa akong kinabuhi, mibati ko nga **giubanan ako sa Langitnong Amahan** panahon sa akong tibuok panaw.*

Ni Paola Çajupi

Sayo kadto sa buntag niadtong 2008 sa dihang ang akong mama mipukaw nako aron sa pag-eskwela. Malipayon gayud ko nianang buntaga, apan wala ko nakahibalo nga mabali kini ngadto sa kinangil-aran nga adlaw sa akong kinabuhi o ang katapusan nga adlaw nga ikauban ko siya. Wala nako nahuman ang akong mga klase nianang adlaw kay ang usa ka higala mikuha nako ug gisultihan ko nga ang akong mama nagpakamatay. 12 anyos pa lang ako.

Naghunahuna ko, “Kon unsaon nako pagkabuhi kon wala akong mama?” Siya ang akong suod nga higala.

Sulod sa pila ka bulan naghilak ko. Dili ko ganahan nga moeskwela tungod kay lahi ang pagtratar sa ubang mga bata ngari nako ug mibati og kalooy kanako. Wala ko kahi-balo unsay angay kong buhaton; ang ako lang nahibaloan nga kinahanglan ko nga maglig-on alang sa tanan.

Usa ka adlaw, human sa lima o unom ka bulan gikan sa pagkamatay sa akong mama, nag-inusara ko sa akong lawak tungod sa bintana, naghilak, naningkamot sa pagsabot kon unsay akong tuyo dinhi. Sa kalit lang nakadungog ko og tingog sa akong hunahuna: “Ikaw akong anak nga babaye, dili nako itugot nga mag-antus ka.” Nasayud ko nga mao kadto ang Dios. Apan natingala ko niini tungod kay wala na ko mituo Kaniya, ilabi na akong gibati nga ang Dios mao ang nagkuha sa akong inahan gikan kanako. Bisan og wala ko masayud unsa ang Iyang ipasabut, mibati ko nga luwas.

Tulo ka tuig ang milabay miadto ako sa Rome, Italy, aron mobisita sa akong tiyo. Permi niyang gisulti nako ang mahitungod niining simbahan nga iyang adtoan. Usa ka Dominggo, iya kong gipauban kaniya. Kanunay nakong mahinumduman nga naglakaw paingon sa pultahan sa

simbahan sa unang higayon ug mibati sa gugma sa Langitnong Amahan sa dihang ako misulod. Kini ingon og panimalay.

Misugod ko sa pagsimba kada Dominggo ug sa matag kalihokan sa semana. Ganahan ko nga makig-uban sa mga kabatan-onan sa Simbahan. Sila nakahimo kanako nga mas malipayon. Naghunahuna ug nagtuo sila sa samang mga butang nga akong gituohan. Dayon, human sa tulo ka bulan, nahumana ang akong holiday sa summer ug gikinahanglan na nakong mobalik sa Albania.

Dihang miuli ko, akong gisultihan ang akong papa kabahin sa mga pagbati nga akong naangkon sa tanan nga panahon. Wala siya ganahi niini. Miingon siya nga nako nga dili siya mosugot nga magpadayon ko sa pagsimba o magkat-on pa ug dugang mahitungod niini. Busa kinahanglan ko nga magpailub sulod sa tulo ka tuig hangtud nga mag-edad ko og 18. Dayon makahukom na ko alang sa akong kaugalingon ug magpabunyag.

Atol niining panahona ako napanalanginan og daghan kaayong mga tawo nga mosulti kanako mahitungod sa unsay ilang nakat-unan matag Dominggo sa simbahan. Usa niadtong mga tawhana mao si Stephanie. Nagpuyo siya sa Italy sa dihang ang akong tiyo nagpamiyembro sa Simbahan, apan mipauli siya sa iyang panimalay sa Estados Unidos. Ang akong tiyo naghunahuna nga maayo alang kanamo nga magsinulatay sa usag usa, busa ako siyang gidugang isip higala diha sa Facebook.


Bisan tuod wala pa kami magkaabut, kanunay gyud kong mapasalamaton kaniya sa pagtabang kanako sa pagtukod sa akong hugot nga pagtuo ug pagkat-on og dugang

mahitungod sa ebanghelyo ni Jesu-kristo. Misulat siya nako hapit kada Domingo ug misulti nako sa tanang butang nga iyang nakat-unan sa simbahan ug dayon mitubag sa akong mga pangutana. Siya usa ka talagsaon nga higala ngari kanako.

Sa katapusan, human sa mga tuig nga pagpailub, nabunyagan ko duha ka adlaw human sa akong ika-18 nga adlawng natawhan. Ug sa wala madugay akong gipakigbahin sa akong inahan ang kalipay nga akong gibati nianang adlawa, tungod kay ako ang magpabunyag alang kaniya. Nasayud ko nga mahimo siyang mapasigarbuhon sa kinabuhi nga akong gipili.

Mibati ko nga napanalanginan sa Langitnong Amahan tungod kay Siya nag-uban kanako sa tibuok nakong panaw sa daghan kaayong mga paagi. Kinahanglan lang ko nga maghulat ug magmapailubon tungod kay Siya adunay plano alang kanako. Siya ang mihatag kanako og kalig-on sa paglahutay sa tanang mga hagit nga akong giatubang. Anaa Siya kanunay, nagtabang kanako nga mas magmalipayon. ■

Ang tagsulat nagpuyo sa Albania.





Ni Elder
José A. Teixeira
Sa Seventy



PAGHULAGWAY PINAAGI NI DAVID MALAN

BISAN KON IKAW MAULAWON

Salig sa Ginoo, ug Siya mopanalangin kaninyo sa inyong mga paningkamot sa pagpakigbahin sa ebanghelyo.

Sa dihang ako usa ka bag-ong presidente sa misyon sa Brazil, ako nag-interbyu og pipila ka mga elder. Gihangyo nako ang usa sa pagsulti nako mahitungod sa iyang kaugalingon.

“Maulawon kaayo ko,” siya miingon. Nabalaka siya nga ang iyang pagkamaulawon makababag sa iyang pagserbisyo.

Ako nangutana, “Sa imong hunahuna ang Ginoo makatabang kaha nimo nga mahimong usa ka maayong misyonaryo?”

“Nagtuo ko nga ang Ginoo makahimo sa bisan unsa nga butang.”

“Kon mao hatagi Siya og higayon sa pagtabang nimo. Sa imong hunahuna makahimo ka niana?”

“Mahimo nako,” miingon siya.

Kinahanglan kong mokumpisal nga samtang siya mipalayo, naghunahuna ko, “Nan, manghinaut ko nga moepekto unta kini.”

Milabay ang mga semana ug sa wala madugay ang samang mga misyonaryo miabut alang na usab sa interbyu. Niining higayuna ang kompanyon sa maulawon nga elder miingon, “President, wala ko kahibalo unsay imong gisulti kaniya, apan kini nakahimo gyud og kalainan. Maayo na kaayo siyang makigsulti sa mga tawo.” Ug mao nga ako naghinam-hinam sa pagpakigsulti niya pag-usab.

Sa dihang misulod siya sa akong opisina, miduko siya. “Duna koy maayong balita,” miingon siya. “Maulawon gihapon ko, apan mihangyo ko sa Ginoo nga tabangan ko. Dayon gibuka nako ang akong ba-ba ug misugod sa pagsulti. Ug kahibalo ka ba? Pirme na ni nakong buhaton karon. Wala na gani ko kahinumdom unsay akong gisulti. Ang talagsaong butang mao nga ang mga tawo ganahan niini. Gibati nila ang Espiritu. Maminaw sila nako ug sa unsay akong isulti nila.”

Natingala ko nga makakita sa unsa nga paagi kini nga misyonaryo nausab sa dihang misalig siya sa Ginoo. Nahimo siyang talagsaong instrumento sa pagdala og kalipay ngadto sa daghang mga tawo.

“Ako maulawon gihapon, apan ako mihangyo sa Ginoo sa pagtabang kanako.”

Pagbuntog sa Kahadlok

Kon kita mopakigbahin sa ebanghelyo, usahay kita mobati nga gikulbaan. Apan sa gipakita niining maulawon nga misyonaryo, ang Ginoo mogiya kanato kon kita mosalig Kaniya. Ang Espiritu Santo motabang kanato nga masayud unsay isulti (tan-awa sa 2 Nephi 32:2–3), ug kon ang mga tawo mobati sa Espiritu, sila kanunay motubag sa usa ka positibo nga paagi. Daghan ang maintriga sa unsay atong gituohan ug gustong mas makahibalo pa.

Hingpit nga Kalipay

Duna koy pagpamatuod nga ang Langitnong Amahan mogiya kanato sa atong mga paningkamot sa pagpakigbahin sa ebanghelyo, ug niana nga proseso kita mobati og hingpit nga kalipay. Sa pagkatinuod, kanang hingpit nga kalipay manaa kanato dili lamang karon apan usab sa kalibutan nga moabut. (Tan-awa sa D&P 18:16.) Maayo kana nga rason sa paggawas gikan sa inyong komportable nga kahimtang ug mobuhat og butang, bisan kamo maulawon. ■

TULO KA MGA KAHADLOK NGA INYONG MABUNTOG

Gawas sa pagkamaulawon, nakahibalo ko og tulo ka dugang nga mga kahadlok nga maoy makaingon nga kita moingon, “nahadlok ko nga kon ako makig-istorya mahitungod sa ebanghelyo, mawala ang akong mga higala.” Salamat kaayo nga, uban sa hugot nga pagtuo, kadto nga mga kahadlok mabuntog.

1. WALA KOY IGONG KAHIBALO.

Kon kamo kulang sa kahibalo mahitungod sa ebanghelyo, ang full-time nga mga misyonaryo makatabang. Makatudlo sila kanato sa mensahe sa Pagpahiuli, makatabang nato sa paglig-on sa atong hugot nga pagtuo diha ni Ginoong Jesu-kristo, ug makatabang nato nga makasabut sa paghinulsol ug unsaon sa paggamit niini sa atong kinabuhi ug ngano nga ang bunyag ug ang gasa sa Espiritu Santo importante. Laing mahinungdanon nga tinubdan sa kahibalo mao ang *Isangyaw ang Akong Ebanghelyo*. Ako moawhag sa matag batan-ong lalaki ug batan-ong babaye nga magbaton og kopya ug sa paghimo niini nga kabahin sa inyong inadlaw-adlaw nga pagtuon uban sa inyong mga kasulatan.

2. WALA GYUD KO MAKAHIMO NIINI KANIADTO.

Kon kamo kulang sa kasinatian, pagpraktis uban sa mga misyonaryo! Makatabang sila kaninyo nga masayud kon unsa ang isulti o dili isulti sa usa ka piho nga sitwasyon. Samtang kamo mogahin og panahon uban sa mga misyonaryo, kamo mobati sa ilang gugma alang sa ebanghelyo ug sa ilang isigkatawo. Sila nakakaplag og kaisug sa pagpakigbahin sa ebanghelyo; sila makatabang kaninyo sa pagbuhat sa ingon.

3. MAHADLOK AKO SA PAGPAKIGBAHIN.

Kon kita mopakigbahin sa atong pagpamatuod, makatabang kita sa atong mga higala nga makakita og mas importante nga mga butang, ug mosugod sila sa pagtahud ug paghigugma kanato sa usa ka lahi nga kahayag. Mahitabo kini hapit matag higayon. Daghang kabatan-onan moingon, “nahadlok ko, apan kon ako mosulti sa tinuod, ang akong higala nagsugod sa pag-salig nako ug pagpangutana og dugang nga mga pangutana.” Dili kita angay nga mahadlok sa pagpakigbahin kon unsay anaa kanato. Bililhon kini kay kini moabut gikan sa Dios. Ug unsay mas maayo nga paagi sa pagpakita og gugma alang sa atong mga higala kay sa pagpakigbahin uban kanila unsa ang atong nahibaloan nga tinuod?

ATONG LUNA

MATINUORON SA TANANG MGA BUTANG

Alivsi H., Jalisco, Mexico

Sa sinugdanan sa matag semester sa eskwelahan, makaangkon mi og libring mga produkto nga dunay notebook, usa ka agenda, ug sampol nga produkto. Usa ka tuig ako naglinya aron makuha nako ang alang nako ug nakaamgo nga ang sampol nga nakuha nako magamit kaayo nako.

Sa pagtapos sa adlaw, nakita nako nga sila nanghatag og duha ka sampol sa samang produkto. Sayon ra nga molinya pag-usab ug mokuha sa ikaduha, ug ako mihukom sa pagbuhat niini. Hinoon, libre man kini, ug gikinahanglan nako kana nga produkto.

Dali akong miadto sa kasilyas, diin nakakita ko og cell phone nga aksidenteng nabiyaaan sa babaye. Usa

kadto sa labing bag-o nga model, ug bag-o lang sad nga nawala ang akong telepono sa miaging semana. Apan wala ko maghunahuna nga hipuson kini. “Pagpangawat kana,” miingon ko sa akong kaugalingon.

Dayon, sa akong pagpadulong sa pagkuha sa akong ikaduhang butang, nakaamgo ko nga pareha ra nga dili matinuoron sama sa paghipos sa telepono tungod kay kinahanglan kong mamakak ug moingon nga wala pa man ko kakuha sa una.

Mapasalamaton ko niining gamay nga kasinatian nga mitudlo nako og dako nga leksyon. Giuli nako ang

telepono ug mipauli nga usa ra ang notebook, usa ka agenda, ug usa ka sampol sa produkto, apan uban sa nindot nga pagbati nga matinuoron sa tanan nga mga butang, bisan unsa pa ka gamay. ■



PAGSUNOD SA BALAO D SA IKAPULO

Sabrina T., São Paulo, Brazil

Sa gamay pa ako, ang akong pamilya ug ako miagig daghang pinansyal nga mga pagsulay nga milungtad hangtud mga 10 anyos na ko. Ang akong papa dili makita og laing trabaho, maong namaligya lang siya sa dalan ug gamay ra kaayo ang kinitaan. Ang akong inahan naa ra sa balay nag-atiman nako ug sa akong manghud nga lalaki.

Apan bisan nakaagi og daghang kalisdanan, kami adunay pagpamatuod sa pagbayad sa ikapulo ug paghatag og ubang mga halad. Matinud-anon kaming mibayad sa among ikapulo kada bulan ug wala gayud magkulang og bisan unsa nga butang. Nasayud kami uban sa kasiguroan nga kami kanunay gipanalanginan tungod sa walay kinutuban

nga kalooy sa Ginoo ug tungod kay Siya motuman sa Iyang mga saad kon kita masulundon sa Iyang mga sugo.

Ang mga adlaw sa among pinansyal nga pagsulay sa katapusan natapos. Ang mga panalangin nga gihatag sa Ginoo kanamo niining katapusang pipila ka tuig talagsaon.

Nasayud ako nga alang niadtong kinsa matinud-anong nagbayad sa ikapulo ug mobayad sa ilang mga halad pinaagi sa gugma uban sa tumong sa pagpanalangin sa kinabuhi sa uban, dili makulangan ug gani mas maayo pa ang mahitabo, sama nako ug sa akong pamilya. Ang mga panalangin modaghan. Nasayud ako niini. Nagsunod ako niini. ■

LAMI BA?

Tan-awa pag-usab. Si Satanas gusto nga atong ibaylo ang tinuod nga kalipay sa usa lang ka ilusyon ug taphaw nga kalipay. Ayaw pagkubit bisan gamay.

(Tan-awa sa Dieter F. Uchtdorf, "Makahimo Kamo Niini Karon," *Lichona*, Nob. 2013, 56.)



“Bugal-bugalan ko sa eskwelahan tungod kay ako LDS. Nasayud ko nga kinahanglan kong mobarug unsay akong gituohan, apan lisud kaayo! Unsaon nako nga mahimo kong maisugon?”

Sakto ka nga ikaw nagkinahanglan og kaisug sa pag-atubang niini nga sitwasyon. Human sa tanan, si Jesukristo mimando, “Tindog ug pakita, aron ang inyong kahayag mao ang usa ka sukaranan alang sa tanan nga mga nasud” (D&P 115:5). Apan sa pagbaton og kaisug sa pagpasiga sa inyong kahayag nagpasabut o wala magpasabut nga namulong batok niadtong kinsa nagbugal-bugal kaninyo.

Bisan asa niini, mahimo nimong tugutan ang oposisyon sa pagdasig nimo nga mas mahimong maayo. Samtang ikaw maningkamot sa pagpalig-on sa imong pagpamatuod, ikaw makapalambo sa matang sa kaisug nga makatabang nimo sa pagsulti o sa yano magpadayon sa pagbuhat unsay matarung, bisan kon ang uban magbugal-bugal.

Makalagot kon bugal-bugalan, apan hinumdumi nga ikaw makaampo aron mapuno sa gugmang putli aron ang uban mobati sa gugma ni Kristo pinaagi nimo (tan-awa sa Moroni 7:48). Tungod kay ang matag sitwasyon talagsaon, tinguhaa ang giya sa Espiritu aron masayud unsaon pagtubag sa usa ka Kristohanon nga paagi sa matag higayon.

Depende sa sitwasyon, tingali labing maayo nga makigsulti sa pribado uban niadtong nagbugal-bugal nimo o ibaliwala lang ang dili mahigalaon nga pagbugal-bugal samtang magpadayon sa pagpuyo sa imong mga gituohan. Kon ang uban dili interesado nga maminaw unsay imong buot isulti, ang imong ehemplo sa pagkamabination, pagpasaylo, ug sinseridad maoy labing maayong mensahe nga imong mapadala.

Pagpakita og Tinuod nga Kaisug

Kadtong nagbugal-bugal nimo tingali dili mohunong tungod lang kay ikaw nagmaisugon sa pagpahunong nila, apan tingali og sila mohunong kon ikaw maningkamot sa pagpakita sa kaisug pinaagi sa pagpuyo unsay imong gituohan—usa ka Santos sa Ulahing mga Adlaw. Sa dili pa ikaw mahibalo niini, ang kahayag sa pagtugot sa atong Langitnong Amahan modan-ag diha nimo, hinaut mobukas sa ilang mga mata sa gipahiuli nga ebanghelyo sa imong kinabuhi.

Bright U., edad 17, Imo State, Nigeria

Pangita og Kalig-on sa mga Sukaranan

Ang pag-ampo ug pagpuasa importante tungod kay kini makatabang nimo sa pag-atubang sa mga komedya ug mga hagit sa eskwelahan, sama nga si Jesukristo miatubang sa daghang pagbiay-biay sa dihang Siya dinhi sa yuta. Kini makatabang nimo sa pagpalambo og dugang nga gugma ug pailub ngadto sa mga tawo.

Walter C., edad 15, Jaén, Peru



Pagpagiya pinaagi sa Pag-ampo

Sulod sa dugayng panahon ako lang ang miyembro sa akong eskwelahan. Ang akong pinakasuod nga mga higala daw nakasabut nako, apan ang ubang mga higala sa eskwelahan mobugal-bugal kanako. Usa ka adlaw ako nag-ampo ug mibati sa panginahanglan nga makig-istorya sa usa kanila kinsa miawhag sa uban nga mobugal-bugal kanako. Mipasabut ko nga wala ko masuko kaniya, apan ako naghango kaniya sa paghatag kanako sa

pagtahud nga iyang gustong maangkon. Human makadungog sa among panag-istoryahanay, usa sa akong mga magtutudlo kanunay nanalipod kanako kon makakita siya nga naay nahitabo. Ako nasayud nga ang Ginoo magauban kanimo samtang ikaw makig-istorya niini nga mga tawo.

Shanela S., edad 14, Pangasinan, Philippines

Lig-una ang Inyong Pagpamatuod

Una, pag-angkon og tinuod nga pagpamatuod sa mga kamatuoran nga gusto ninyong ipakigbahin sa uban. Dayon pagbaton og gugma alang sa mga tawo nga mobugal-bugal ug ayaw pakiglalis, tungod kay ang panagbingkil wala gayud suportahi sa Dios (tan-awa sa 3 Nephi 11:29). Ang labing importante, paningkamot sa pagbaton sa Espiritu kanunay uban kaninyo. Ang Espiritu motabang kaninyo nga makabaton og dugang nga paghigugma ug dugang nga kaisug, ug Siya mohimo sa inyong mga pulong nga gamhanan.

Julia F., edad 19, Hesse, Germany



Higugmaa ang Inyong mga Kaaway

Ako nakasinati niining susamang sitwasyon.

Kon kamo adunay hugot nga pagtuo ug mo-

paubos sa inyong kaugalingon, kamo mapanalanginan uban sa kalig-on ug hugot nga pagtuo nga inyong gikinahanglan sa “paghigugma sa inyong mga kaaway, pagpanalangin niadtong nagtunglo kaninyo, . . . ug pag-ampo alang kanila” (Mateo 5:44). Moawhag ko kaninyo sa pagsiksik sa mga kasulatan alang sa mga tubag kon unsaon nga mahimong lig-on. Pag-ampo kon kamo mobati nga nag-inusara sa

inyong hugot nga pagtuo. Ang Mga Taga-Roma 8:31 miingon, “Unsay may atong ikasulti mahitungod niini? Kon ang Dios dapig kanato, kinsa pa man ang batok kanato?” Anaa ang Dios sa inyong kiliran! Ang tanan posible.

Reagan T., edad 15, Utah, USA



Ayaw Kahadlok

Hisguti kanunay ang inyong relihiyon o tuyoa ang pagbuhat og butang aron kini mahisgutan. Diha ako

sa susama nga sitwasyon ug misulat sa akong backpack og, “Ganahan Ko nga Nahimong LDS”. Pinaagi sa pagbuhat sa ingon, giablihan nako ang pultahan sa daghang mga oportunidad sa misyonaryo ug gipakita sa mga tawo nga wala ako mahadlok nga ipahibalo kanila nga ako usa ka LDS. Bisan unsay inyong buhaton, ayaw itugot nga sila mosamok kaninyo. Pag-ampo alang nila ug alang sa inyong kaugalingon. Sa dili madugay kon kamo mo-focus sa pagluwas sa uban, dili na kamo mahadlok sa pagpahibalo kanila sa kamatuoran sa ebanghelyo sa atong Amahan.

Savanna P., edad 14, Texas, USA



ANG KAISUG SA ATONG KONBIKSYON

“Lisud usahay nga mahimong lahi ug mobarug nga mag-inusara diha sa pundok sa mga tawo. Natural ra nga mahadlok kon unsay hunahunaon o isulti sa uban. Makahupay ang mga pulong sa salmo: ‘Ang Ginoo mao ang akong kahayag ug ang akong kaluwasan; kinsa man ang akong pagakahadlok? ang Ginoo mao ang kusog sa akong kinabuhi; kang kinsa man ako malisang?’ [Salmo 27:1]. Kon himoon nato si Kristo nga sentro sa atong kinabuhi, atong mga kahadlok pulihan sa kaisug sa atong konbiksyon.”

Presidente Thomas S. Monson, “Pagpakita og Ehemplong Kahayag,” Liahona, Nob. 2015, 88.

UMAABUT NGA PANGUTANA

“Unsaon nako pagkahibalo nga ang Dios nami-naw sa akong mga pag-ampo?”

Isumiter ang inyong tubag ug, kon gusto, ubani og high-resolution nga litrato inig Mayo 1, 2016, sa liahona@ldschurch.org, pinaagi sa email sa liahona@ldschurch.org, o pinaagi sa koreyo (tan-awa ang address sa pahina 3).

Ang mosunod nga impormasyon ug pagtugot kinahanglan gayud nga ilakip sa inyong email o sulat: (1) kompleto nga pangalan, (2) petsa sa pagkatawo, (3) ward o branch, (4) stake o district, (5) inyong sinulat nga pagtugot, ug, kon kamo ubos sa 18 anyos, ang sinulat nga pagtugot sa inyong ginikanan (ang email mahimong madawat) aron sa pagmantala sa inyong tubag ug litrato.

Ang mga tubag tingali i-edit alang sa gitason o sa pagkaklaro.



Ni Elder
David A. Bednar

Sa Korum sa
Napulog Duha ka
mga Apostoles

Unsa man ang Buhaton sa mga Apostoles?

Ang mga apostoles mga sulugoon sa Ginoo. Mobyahahe sila aron pagbisita sa mga miyembro sa Simbahan sa tibuok kalibutan.

Ang unang higayon nga ako mibiyahahe isip usa ka Apostol, nakahimamat ko og usa ka tawo kinsa naglisud sa pagsunod sa Pulong sa Kaalam. Giingnan nako siya, “Ang Ginoo mipadala kanako dinhi sa paghatag kanimo og usa ka yano kaayo nga mensahe: ‘Mahimo nimo kini. Mosaad ko nga ikaw makabaton sa Iyang tabang samtang imong atubangon kini nga hagit.’”

Mopadala ba ang Ginoo og usa sa Napulog Duha ka mga Apostoles gikan sa pikas bahin sa kalibutan aron sa pagtabang og usa lang ka tawo? Ang tubag mao ang oo. Buhaton niya kini pirme. ■


Gikan kini sa Face to Face nga tibuok kalibutan nga sibya nila ni Elder ug Sister Bednar.



Ni Carol F. McConkie

Unang
Magtatambag
sa Kinatibuk-ang
Kapangulohan sa
Young Women

Kalinaw sa Akong Kasingkasing



Niadtong otso anyos pa ko, akong nakita ang propeta, si Presidente David O. McKay (1873–1970). Miabut siya aron sa pagpahinungod sa bag-ong building sa Simbahan sa Palmyra, New York, USA. Ang akong pamilya mitambong sa pagpahinungod. Daghang mga tawo miabut usab. Naghinamhinam kaming makakita sa propeta!

Gamay kaayo ko, busa lisud alang kanako sa pagtan-aw sa pali-but sa tanang mga tawo. Apan gibati gihapon nako ang gugma ni Presidente McKay. Sulod lang sa usa ka minuto, akong nakita ang iyang puti nga buhok ug ang iyang mabination nga nawong. Naghunahuna ko, “Kini ang dagway sa usa ka propeta sa Dios.” Nakabasa ko kabahin sa mga propeta diha sa mga kasulatan,

apan kini mao ang akong unang higayon nga nakakita og usa ka propeta o bisan unsa nga General Authority sa linawas. Nakaamgo ko nga ang mga propeta tinuod nga mga tawo. Ug sila nahigugma kanato! Kanunay akong nahinumdom sa gugma ug kalinaw nga akong gibati nianang adlaw.

Sa dihang 11 anyos ko, duna koy laing kasinatian nga nakatabang kanako nga mobati og kalinaw sa akong kasingkasing. Nagsingabut ang komperensya sa stake, ug ako mokanta sa stake choir. Naghinamhinam kaayo ko! Gisul-ob nako ang nindot nga puti nga shirt, ug mibati ko nga espesyal kaayo. Ang among gikanta mao ang mga pulong gikan sa Juan 14:27, “Kaninyo ibilin ko ang kalinaw, kaninyo ihatag ko ang

kalinaw: hatagan ko kamo niini, dili sama sa hinatagan sa kalibutan. Kinahanglan dili magkaguol ang inyong kasingkasing, ni magtalaw.”

Kadto nga mga pulong naka-patandog sa akong kasingkasing, ug nakahinumdom gyud ko niini sukad niadto. Sa dihang mikanta ko niadto nga mga pulong, ako nasayud nga kini tinuod. Gibati nako nga ang Espiritu Santo misulti nako nga ang pagsunod ni Jesukristo makatabang kanato nga mobati og kalinaw. Sukad niadto, matag higayon nga ako adunay mga hagit, kini nga kasulatan mosulod sa akong hunahuna ug mohatag kanako og kalinaw. Ang kamatuoran nga akong nakat-unan sa dihang gamay pa ko nakapanalangin sa akong tibuok kinabuhi. ■

Ang PAGPAMATUOD ni Ethan

Ni Larry Hiller

Gibase sa tinuod nga istorya

“Paminaw, paminaw. Ang Espiritu Santo mohunghong. Paminaw, paminaw sa hinay nga hinagawhaw nga tingog” (Children’s Songbook, 106).

Si Ethan naglingkod sa sharing time Sug mitan-aw samtang ang iyang suod nga higala, nga si Sam, nagpamatuod. Ang iyang higala nga si Sarah naglingkod sa atubangan, nagpaabut sa iyang turno. Naghisgot si Sam mahitungod sa proyekto sa pagserbisyo nga iyang gibuhat. Miingon siya nga siya adunay pagpamatuod bahin sa pagserbisyo. Mihatag si Sarah sa iyang pagpamatuod mahitungod sa mga pamilya. Ang magtutudlo ni Ethan mipamatuod usab. Naghisgot siya mahitungod sa buhat sa templo. Silang tanan mipamatuod nga ang Simbahan tinuod. Ingon og ang tanan gawas ni Ethan adunay pagpamatuod.

“Unsa may akong pagpamatuod?”
Naghunahuna si Ethan.

Naghunahuna siya pipila ka tuig na ang milabay sa dihang siya ug ang iyang mga higala nabunyagan. Ang iyang magtutudlo sa Primary, nga si Sister Calder, mihatag og pakigpu-long bahin sa Espiritu Santo.

“Ang Espiritu Santo makahatag kaninyo og mainit nga pagbati diha sa inyong kasingkasing. Makatabang siya kaninyo nga masayud sa tinuod,” siya miingon. “Ug mao kana ang paagi aron kamo makaangkon og pagpamatuod sa unsay inyong gituohan.”

Ingon og sama sa tanan gawas ni Ethan adunay pagpamatuod.





Naninkamot si Ethan sa pagbuhat unsa ang matarung aron iyang mabati ang Espiritu Santo. Nagbasa siya mga kasulatan ug nag-ampo. Apan siya wala pay gibati nga kainit sa pagbati nga gihisgutan sa mga tawo. Nagpasabut ba kana nga siya walay pagpamatuod?

Kini nga pangutana nagpabilin sa hunahuna ni Ethan sa pagsunod adlaw. Naghunahuna giha-pon siya niini sa dihang siya ug si Sam nag-skateboard human sa klase. Naghunahuna siya unsaon niya sa pagpangutana si Sam mahitungod niini.

“Oy, Sam,” sa katapusan nangutana si Ethan, “nahadlok ka ba sa dihang nagpamatuod ka gahapon?”

Milukso si Sam gikan sa iyang skateboard ug mipaingon sa balilihan. “Wala man,” siya miingon, padulong molingkod. “Gipakigbahin nako ang akong pagpamatuod sa pamilya sa gabii sa wala ang pagpamatuod.”

Milingkod usab si Ethan nagsabak sa iyang skateboard. “Apan giunsa nimo pagkahibalo nga ikaw dunay pagpamatuod?”

“Aw, nag-ampo ko ug mibati ako og maayo mahitungod niini.”

Hinay nga miyango si Ethan ug gipatuyok ang ligid sa iyang kamot. Sa ingon gusto usab siya nga mobati nianang paagiha.

Nianang gabhiona, nga dihang ngitngit ug hilom ang balay, si Ethan miluhod tupad sa iyang higdaanan aron mag-ampo.

“Langitnong Amahan,” siya miingon, “palihug tabangi ko nga makabaton og pagpamatuod. Tabangi ko nga masayud nga ang Simbahan tinuod. Nga si Joseph Smith usa ka propeta. Ug nga ang Basahon ni Mormon tinuod.”

Sa tunga-tunga sa iyang pag-ampo, mihunong si Ethan. Naghunahuna siya sa makadiyot. Dayon nangutana siya sa iyang kaugalingon, “Aw, ako ba dunay nasayran bisan unsa?”

Ug dayon ang usa ka hilum, malinawon nga pagbati miabut kaniya. Dili kadto gamhanan nga mainit nga pagbati. Apan si Ethan nasayud, nga kadto ang Espiritu Santo.

Usa ka hunahuna ang misulod sa alimpatakan ni Ethan: “Ako nasayud nga ako nasayud.” Ug samtang siya naghunahuna mahitungod niini, siya nakaamgo nga siya mibati na niining malinawon nga pagbati.

Matag higayon nga siya mobasa sa Basahon ni Mormon, mibati siya og maayo ug matarung. Karon nasayud siya nga kana nga pagbati mao ang Espiritu Santo nga nagpamatuod kaniya. Sa dihang miadto siya sa simbahan ug mibati og maayo ug matarung nga tua didto, kadto mao usab ang Espiritu Santo. Siya aduna nay pagpamatuod!

Dili kinahanglan nga siya masayud sa tanan karon. Apan siya nasayud nga ang Espiritu Santo tinuod ug makatabang kaniya sa pag-angkon sa iyang pagpamatuod.

Nagsugod sa pag-ampo pag-usab si Ethan. Apan niining higayona mao ang pagsulti og pasalamat. ■
Ang tagsulat nagpuyo sa Utah, USA.

Pesos alang sa Langitnong Amahan

Ni Angela Peña Dahle

*“Atong nga sundon ang kasugoan.
May kalinaw ug dunay kalipay”*
(Songbook sa mga Bata, 68).

Giusap ni Ana ang kata-
pusan niyang giingkib
nga tortilla. Humok ug la-
mian kini. Ganahan si Ana
sa tortillas sa iyang lola.

Kini ang labing kinaham
sa pamahaw.

Nagtan-aw si Ana sa
iyang lola, si Abuela,
nga nanghugas sa
plato.

Sama ra kini sa laing mga buntag.
Apan usa ka butang ang dili sama.

Sa kasagaran si Abuela moadto sa
merkado aron mopalit og pagkaon.
Apan wala karon. Karon walay
kwarta nga ipalit og pagkaon.

“Unsay among kan-on ugma?”
Naghunahuna si Ana.

Dayon nahinumdom si Ana. Nasa-
yud siya asa ang kwarta! Kagabii na-
kakita siya ni Abuela nga mibutang
og pipila ka pesos sa usa ka gamay
nga puti nga panapton.

“Abuela, nakalimot ka? Duna kay
kwarta nga ipalit og pagkaon.”

“Unsa nga kwarta?” Nangutana
si Abuela.

Midagan si Ana aron sa pagkuha
sa kwarta. Giuyog niya ang gamay
nga bag sa mga sensilyo. *Klink!*
Klink!

Mipahiyum si Abuela. “Para kana
sa atong ikapulo, Ana. Mao kana
ang *Iyang* kwarta.”

“Apan unsa man ang atong
kan-on ugma?” Nangutana si Ana.

“Ayaw kabalaka,” miingon si
Abuela. “Ako adunay hugot nga
pagtuo nga ang Langitnong
Amahan motabang kanato.”

Pagkasunod buntag gihatag ni
Abuela kang Ana ang katapusan
nga mga tortilla nga mais. Dayon
milingkod siya sa iyang lingkuranan.



Naggansilyo siya og pula nga bulak sa sinina ug nag-istorya mahitungod sa iyang pagkagamay nga bata. Wala siya mabalaka.

Dayon si Ana nakadungog og tuktok. Midagan siya sa pag-abli sa pultahan.

“Tiyo Pedro!”

“Gibati nako nga kinahanglan kong mobisita ninyong duha,” miingon si Tiyo Pedro. Gibutang niya ang tulo ka mga sako diha sa lamesa. Ang usa dunay harina sa mais alang sa mga tortilla. Ang lain dunay karne. Ang lain dunay preskong utanon gikan sa merkado.

“Oh, akong buotang anak,” miingon si Abuela. “Magluto ko sa imong paborito nga sabaw sa meatball!”

“Ang imong sabaw maoy labing lamian sa tibuok kalibutan,” miingon si Tiyo Pedro.

Mikatawa si Ana ug mipakpak sa iyang mga kamot.

Dayon siya mihunong. Dunay usa ka butang nga gusto niyang masyaran. “Abuela, nakahibalo ka ba nga si Tiyo Pedro moabut karon? Mao ba nga ikaw wala mabalaka?”

“Wala,” miingon si Abuela. “Kon ako mobayad sa akong ikapulo, duna koy hugot nga pagtuo nga ang Langitnong Amahan

mopanalangin kanako. Ug Siya mipanalangin!”

Gigakos ni Ana si Abuela. Mibati siya nga ang pinakamalipayon nga babaye sa Mexico. Siya ug si Abuela adunay hugot nga pagtuo sa Langitnong Amahan. Karon dili na siya makahulat aron mokaon sa lamian nga sabaw ni Abuela! ■

Ang tagsulat nagpuyo sa North Carolina, USA.





Pagsunod sa mga Propeta ug mga Apostoles

Ni Jenna Koford



Ang Dios nagtawag sa mga propeta ug mga apostoles sa pagtudlo kanato kon unsay gusto sa Dios nga atong masayran. Diha sa mga kasulatan atong mabasa ang mahitungod sa mga propeta sama ni Noe, ni Nephi, ug ni Joseph Smith, ug mga apostoles sama ni Pedro ug Pablo. Adunay kitay mga propeta ug mga apostoles karon!



DETALYE GIKAN SA ANG GINOO MOTUMAN SA TANAN NIYANG MGA PUZONG, NI CLARK K. PRICE; DETALYE GIKAN SA JOSEPH SMITH, JR., NI DANQUART A. WEGGELAND; DETALYE GIKAN SA MGA ISTORIYA SA BAG-ONG TUGON, NI PAUL MANN; DETALYE GIKAN SA NEPHI UG LEHI MOGIYA SA PAGTUKOD SA BARRO, PINAAGI NI JERRY THOMPSON; MGA PAGHULAGWAY PINAAGI NI GARTH BRUNER

Unsa ang usa ka “propeta, manalagna, ug tigpadayag”?



Ang **propeta** mamulong alang sa Dios.

Ang **manalagna** makakita sa nangagi, karon ug sa umaabut.


Ang **tigpadayag** magpadayag (o magpakita) kanato sa kabubut-on sa Dios.

- Ang mga sakop sa Unang Kapangulohan ang tanan mga propeta, manalagna, ug tigpadayag. Mao usab ang tanan nga mga Apostoles.
- Ang Presidente lamang sa Simbahan ang adunay katungod gikan sa Dios sa paggiya sa tibuok Simbahan.
- Pila ka buhing mga propeta, manalagna, ug tigpadayag ang anaa kanato?

12 15 3 1

Si :dvgnl

Nganong importante ang pagsunod sa propeta?



Ang propeta sama sa usa ka tawo nga nagbantay gikan sa usa ka tore (tan-awa usab sa pahina 38). Iyang makita ang umaabut nga kakuyaw ug mosulti kanato unsaon nga mahimong luwas. Siya nagtabang kanato sa pagsunod ni Jesukristo.

Unsa ang gisugo sa atong propeta nga atong buhaton?



Ang atong propeta karon mao si Presidente Thomas S. Monson. Ania ang pipila ka mga butang nga iyang gihangyo nga atong buhaton.

- Sunda ang ehemplo ni Jesus ug higugmaa ang kada usa.
- Bayad sa ikapulo ug amot sa pundo sa misyonaryo.
- Palayo gikan sa dautan nga mga salida sa sine, TV, ug ubang media.
- Butangi og usa ka hulagway sa templo ang inyong kwarto.
- Pagtuon sa mga pakigpulong sa kinatibuk-ang komperensya.
- Bisitaha ang mga tigulang ug mahimong usa ka buotan nga silingan.

Pilia ang usa ka butang gikan sa lista nga inyong buhaton karong bulana. Unsay inyong buhaton? ■

Si Alma Naghinulsol

Si Alma mao ang pari sa dautan nga si Haring Noah. Siya naminaw kang propeta Abinadi nga nagtudlo ma-Shitungod sa mga kasugoan. Si Alma nasayud nga siya kinahanglang mousab sa iyang kinabuhi ug mosunod sa Dios imbis magbuhat og dautang mga butang. Gisulat niya ang unsay gitudlo ni Abinadi. Siya misugod sa pagtudlo sa ebanghelyo sa uban. Sa wala madugay nakabaton siyag pamilya ug ginganlan og Alma ang usa sa iyang anak nga mga lalaki.



Nagdula ko sa pagkagolie ug maayo kaayo kini. Dayon akong nahinumduman nga nagkinahanglan ko nga maghinulsol tungod sa pagsulti og ngil-ad kagahapon. Kinahanglan nako

kining buhaton, apan naa ko sa tunga-tunga sa football. Dayon akong nahinumduman ang usa ka butang. Makaampo ka bisan asa nga buot nimo! Human ako nag-ampo, maayo akong gibati nga nakahinulsol ko.

Peter G., edad 8, Utah, USA



Damon B., edad 8, Utah, USA



Guntinga, pilo-a, ug tipigi kini nga hagit nga card!

Ako Makahinulsol!


- Memoryaha ang Mosiah 18:9.
- Isulat o i-drawing ang usa ka butang nga gisulti sa propeta sa kinatibuk-ang komperensya.
- Pagpili og usa ka paagi nga inyong masab ngadto sa mas maayo. Paningkamot sa pagbuhat niini karong bulana.
- Akong gihagit ang akong kaugalingon sa . . .


ALMA

Mga Kasulatan Niining Bulana

Human ninyo mabasa ang usa ka tudling sa kasulatan, kolori ang katukma nga ginumerohan nga mga dapit sa ang Katubigan sa Mormon!

- 1 Mosiah 21:14–16, 32–35
- 2 Mosiah 22:2, 10–16
- 3 Mosiah 24:8, 10–14
- 4 Mosiah 27:8, 11, 18–24
- 5 Mosiah 27:30–37
- 6 Mosiah 28:3, 5–15, 20
- 7 Alma 8:11–16, 18–27
- 8 Alma 11:38–46






Ang Katubigan sa Mormon

Si Alma mitago gikan sa dautan nga si Haring Noah duol sa usa ka Smalinawon nga dapit nga gitawag og ang Katubigan sa Mormon. Daghang mga tawo ang miabut aron maminaw ni Alma nga nagtudlo sa ebanghelyo. Sila gusto nga magpabunyag. Sa dihang si Alma mi-bunyag kanila, ang mga tawo naghimo sa sama nga saad, o mga pagkisaad, nga atong gihimo sa dihang kita gibunyagan. Kamo makabasa pa og dugang mahitungod niini nga mga saad sa sunod nga pahina. ■


Si Alma Nagbunyag sa Daghan nga mga Tawo



Si Abinadi usa ka propeta. Siya mitudlo sa mga tawo nga motuo kang Jesus ug mohunong sa pagbuhat og dili maayo nga mga butang. Usa ka dautan nga hari nga ginganlan og Noah nasuko kang Abinadi. Si Noah dili gusto nga maghinulsol.



Usa ka tawo nga ginganlan og Alma mituo ni Abinadi. Siya mipahilayo ug mitago gikan sa suko nga hari. Siya mibati og kaguol sa nabuhat nga sayop nga mga butang, ug siya naghinulsol, sama sa gitudlo ni Abinadi.



Daghang mga tawo
miabut aron maminaw
ni Alma nga nagtudlo
mahitungod ni Jesukristo.
Si Alma mitudlo nga kon sila
maghinulsol ug mosunod kang Jesus,
sila mahimong magpabunyang.

Ang mga tawo namakpak uban
sa hingpit nga kalipay. Misaad
sila nga mohupay sa uban.
Misaad sila sa paghigugma
sa Dios ug sultihan ang
ubang mga tawo mahitungod
Kaniya. Andam sila nga
magpabunyang.





Sa tinagsa-tagsa, si Alma mibunyag sa mga katawhan. Sila malipayon kaayo nga nahimong kabahin sa Simbahan ni Jesus.

Sa dihang kita gibunyagan, kita mihimo og sama nga mga saad nga gihimo sa mga tawo ni Alma. Ug kita mamahimo nga kabahin usab sa Simbahan ni Jesus! ■

Gikan sa Mosiah 16–18.

Ang Igpapahulay Usa ka Espesyal nga Adlaw





**Ni Presidente
George Q. Cannon
(1827–1901)**

Unang Magtatambag sa
Unang Kapangulohan

PAGTINGUHA SA ESPIRITU- HANONG MGA GASA

Pipila kaninyo ang nagtinguha niining gasa nga gisaad sa Dios nga ihatag?

Matag lalaki ug babaye sa Simbahan ni Kristo makabaton sa mga gasa sa Espiritu sa Dios gibahin ngadto kanila sumala sa ilang hugot nga pagtuo ug sigun sa kabubut-on sa Dios. . . .

Pipila kaninyo . . . ang nagtinguha niining gasa nga gisaad sa Dios nga ihatag? Pipila kaninyo, kon kamo moyukbo sa atubangan sa inyong Langitnong Amahan diha sa sirkulo sa inyong pamilya o sa inyong tinago nga mga dapit, nakigbisug alang niining mga gasa nga gihatag diha kaninyo? Pipila kaninyo nangayo sa Amahan, sa ngalan ni Jesus, aron ipakita ang Iyang Kaugalingon nganha kaninyo pinaagi niining mga gahum ug gasa? O nagpadayon ba kamo sa inadlaw-adlaw, sama sa usa ka pultahan nga miabli sa bisagra niini, nga dili mobati sa gihisgutan, nga dili mogamit sa patuo og bisan unsa, nga kontento lang nga nabunyagan, ug nahimong miyembro sa Simbahan



ug mopahulay diha, maghunahuna nga ang inyong kaluwasan sigurado na tungod kay nakahimo na kamo niini? . . .

. . . Ako nasayud nga ang Dios andam sa pag-ayo sa masakiton, nga Siya andam sa paghatag sa gasa sa pag-ila sa espiritu, ang gasa sa kaalam, kahibalo ug sa pagpanagna, ug sa uban pang mga gasa nga mahimong gikinahanglan. Kon si bisan kinsa kanato dili hingpit, kini atong katungdanan ang pag-ampo alang sa gasa nga makahimo kanatong hingpit. Ana ba nako ang pagkadili hingpit? Puno ako niini. Unsa man ang akong katungdanan? Sa pag-ampo ngadto sa Dios nga hatagan ko sa mga gasa sa pagkorihir niining pagkadili hingpit. Kon usa

ako ka masuk-anon nga tawo, katungdanan nako ang pag-ampo alang sa gugmang putli, nga mainantuson, ug mabination. Masinahon ba ko nga pagkatawo? Akong katungdanan ang pagtinguha sa gugmang putli, diin dili masina. Ingon man ang tanan nga mga gasa sa ebanghelyo. Gituyo kini alang niini nga katuyoan. Walay tawo nga angay nga moingon, “Ah, dili ko makatabang niini; mao kini ang akong kinaiya.” Dili siya kahatagan og kaangayan niini, tungod sa rason nga ang Dios nagsaad sa pagkorihir niining mga butanga, ug aron sa paghatag sa mga gasa nga mowagtang kanila. Kon ang usa ka tawo kulang sa kaalam, katungdanan niya ang pagpangayo sa Dios alang sa kaalam. Sama sa tanang butang. Mao kana ang plano sa Dios mahitungod sa Iyang Simbahan. Gusto Niya nga ang Iyang mga Santos mahingpit diha sa kamatuoran. Tungod niini nga katuyoan Siya naghatag niini nga mga gasa ug naghatag niini niadto kinsa naninguha sa pagpangita niini, nga sila mahimo nga usa ka hingpit nga katawhan diha sa ibabaw sa yuta, bisan pa sa ilang daghan nga mga kahuyang, tungod kay ang Dios misaad nga ihatag ang mga gasa nga gikinahanglan alang sa ilang kahingpitan. ■

Gikan sa The Latter-day Saints Millennial Star, Abr. 23, 1894, 258–61; gi-standardized ang pagkapital ug punctuation.

MGA IDEYA



Sa unsang paagi ang sayong pagtuo motubo ngadto sa kahibalo ug usa ka saksi?

“Wala ka kahinumdom nga wala ko motuo sa Langitnong Amahan ug ni Jesukristo. Nahigugma ko Nila sukad nakakat-on ko bahin Nila samtang magluhod ko tupad sa akong inahan nga daw anghel ngari nako, magbasa sa mga kasulatan ug mga istorya sa ebanghelyo. Kana nga nag-unang mga gituohan karon mitubo na ngadto sa usa ka kahibalo ug pagsaksi mahitungod sa mahigugmaong Langitnong Amahan, kinsa maminaw ug motubag sa atong mga pag-ampo.”

Elder Ronald A. Rasband sa Korum sa Napulog Duha ka mga Apostoles, “Ako Nahinganha, Nahibulong,” *Liahona*, Nob. 2015, 90.

Anaa Usab Niini nga Isyu

PARA SA MGA YOUNG ADULT



Pag-ila sa mga Pagpangilad ni Satanas

p.44

Ania ang usa ka importanting paagi sa pag-ila sa kalainan tali sa bakak ni Satanas ug sa kamatuoran sa Ginoo.

PARA SA MGA KABATAN-ONAN

p.60

BISAN KON IKAW MAULAWON

Nabati na ba ninyo sukad nga maulaw kaayo o nahadlok sa pagpakigbahin sa ebanghelyo? Aniyay tulo ka mga sugyot:



PARA SA MGA BATA



Pagsunod sa mga Propeta ug mga Apostoles

p.72

Unsa ang usa ka butang nga imong mabuhat karong bulana aron masunod ang propeta, si Presidente Thomas S. Monson?

